

সদানন্দের বৈরাগ্য

শ্রীচারুচন্দ্র বন্দ্যোপাধ্যায়

শ্রীসুধাকৃষ্ণ বাগ্‌চি

১৪১৫ ভুবনমোহন সরকার লেন

কলিকাতা

আব্দিন ১৩৪২

দুই টাকা

প্রকাশক কল্লুক মৰ্ফগম্ব সংরক্ষিত

প্রকাশক—

শ্রীস্বধাক্ষর বাগ্‌চি

১৪।১ বি, ভুবনমোহন সরকার লেন

কলিকাতা

প্রিন্টার—

শ্রীবিহিরচন্দ্র ঘোষ

নিউ সরকারতা প্রেস

২৪।৩এ লক্ষ্য চ্যাটার্জি ষ্ট্রীট, কলিকাতা

সদানন্দের বৈরাগ্য

ਪਾਠ

ਪਾਠ ੧ ਪਾਠ ੨ —	12	੭
ਪਾਠ	12	੨੦
ਪਾਠ	—	੨੨
ਪਾਠ ੩ ਪਾਠ ੪ —	—	੩੨
ਪਾਠ ੫ —	—	੪੩
ਪਾਠ ੬ —	—	੫੪
ਪਾਠ ੭	—	੬੫
ਪਾਠ ੮	—	੭੬
ਪਾਠ ੯	—	੮੭

বাপ-মায়ে বড় সাধ করিয়া তাহার নাম রাখিয়াছিল
সদানন্দ। পাড়ার ছুটলোকেরা তাঁহাদের স্নেহের ভুলটাকে
সংশোধন করিয়া তাহাকে নিরানন্দ বলিত।

সে ছেলেবেলা হইতেই কেমন অনাবশ্যক গম্ভীর।
শৈশবে সে ‘তাই তাই’ করিয়া হাসে নাই। বাল্যে
পাঠশালায় গিয়া চঞ্চলতা প্রকাশ করে নাই। এজন্ত
তাহার সহপাঠীরা তাহাকে গুরুমশায় বলিত। এখন
সদানন্দ যৌবনপথের অনেকখানি অতিক্রম করিয়া
আসিয়াছে, এখন ত তাহার না হাসিবারই কথা।

সদানন্দ হাসে নাই, কিন্তু তাহার যথারীতি বিবাহ
হইয়াছে; এবং গুটিকত কলকাকলিতে তাহার গৃহ মুখর
হইয়া উঠিতেছে।

এইসব ব্যাপারগুলি সদানন্দের জীবনের সঙ্গে ঠিক খাপ
খাইতেছিল না। প্রথম, বিবাহ ব্যাপারটাই তাহার

সদানন্দের বৈরাগ্য

গাঙ্গীর্যের প্রতি নিষ্ঠুর উপহাস—বাপ-মায়ের দারুণ
যড়যন্ত্র । ছাদনাতলায় শালা-শালীতে কান মলিয়া,
বাসরঘরে বিদ্রূপ করিয়া, কথায় কথায় ঠকাইয়া সদানন্দের
গাঙ্গীর্ষ্যকে টলটলায়মান করিয়া তুলিয়াছিল ।

স্ত্রীটি ত অপরিবৰ্জনীয় উপদ্রব । খাও দাও থাক ;
তা না, তাঁহার আবার সখ কত ! হাসি চাই, ঠাট্টা চাই,
রসিকতা চাই । সদানন্দের প্রাণ এই এক কোথাকার-কে
-উড়িয়া-আসিয়া-জুড়িয়া-বসা অত্যাচারীর উৎপাতে ত্রাহি
ত্রাহি ডাক ছাড়িতেছিল । বেচারার বারবার মনে হইত—

“স্ত্রীর চাইতে কুমীর ভালো

বলে সৰ্ব্ব শাস্ত্রী ।

কুমীর ধরলে ছাড়ে তবু,

ধরলে ছাড়ে না স্ত্রী ।”

বিবাহের দুচার বছর পরেই স্ত্রীটি নূতনতর উপদ্রবের
পন্থা আবিষ্কার করিল । বছরে একটি করিয়া শিশুর
আমদানীতে ঘর ভরিয়া ফেলিবার উপক্রম ! শুধু কি তাই !
শুধু তাই হইলেও ত সদানন্দ বাঁচিত । শিশুগুলো আবার
হাসে ! তাহারা নাচে, গায়, বজ্রিশ রকম মুখভঙ্গী করে,

সদানন্দের বৈরাগ্য

সদানন্দের ভীষণ গম্ভীর শ্মশ্রুবহল মুখ দেখিয়া একটুও ভয় করে না, বরং তাহাদের আক্রোশ তাহার দাড়ির উপরেই অধিক। এইসব দেখিয়া শুনিয়া সদানন্দের গাম্ভীৰ্য্য রক্ষা করা অনেক সময় দুঃসাধ্য হইয়া উঠিত।

গাঁয়ের লোকেরাও কি কম উৎপাত করে। তাহারা সদানন্দের অমন গাম্ভীৰ্য্যের কিছুমাত্র খাতির না করিয়া কেহ বা তাহার মাথায় চাঁটি মারে, কেহ বা গায়ে ছাঁকার জল ঢালিয়া দেয়, কেহ বা তাহার দাড়ি ধরিয়া টানে।

বালাবধি লোকের অভদ্র উৎপাতে সদানন্দ মনে মনে ভারি বিরক্ত হইতেছিল। ক্রমে তাহার গৃহ বখন পাঁচ ছয়টি শিশুর ক্রন্দনে কোলাহলে আব্দারে অতিষ্ঠ হইয়া উঠিল, তখন একদিন সদানন্দ “ধুত্তোর” বলিয়া গৃহ ছাড়িয়া প্রস্থান করিল।

সে গৃহ ছাড়িল, অদৃষ্ট কিন্তু তাহাকে ছাড়িল না।

সদানন্দ চায় বেশ একটি নিঃসঙ্গ নির্জনে সে আপনাকে লইয়া গুম হইয়া জীবনটা কাটাইয়া দেয়। তাহার ভাগ্য-বিধাতা কিন্তু ব্যবস্থা করিয়াছিলেন অগুরুপ। দূর হইতে পৰ্ব্বতের গুহা, গহন বন মনের মধ্যে বেশ একটা বিরাত

সদানন্দের বৈরাগ্য

রকমের ভাবসঞ্চার করে, কিন্তু বাস্তব জীবনে সেগুলার মধ্যে কবিত্বের অংশটা খুঁজিয়া পাওয়া দুষ্কর। গুহার মধ্যে কাঁকর বা বনের মধ্যে ফলপাকড় খাইয়া ত জীবনটাকে অধিক দিন ঠেকাইয়া রাখা যায় না। ক্ষুধা জিনিষটা সদানন্দের অতবড় গাভীর্ঘ্যকে যে একেবারেই ভয় করিত না।

সুতরাং সদানন্দকে লোকালয় ঘেসিয়াই এক গ্রামের সুদূর প্রান্তে একখানা কুঁড়ে বাঁধিতে হইল। আঃ ! সেখানেও কি কম জ্বালাতন ! হাটের ব্যাপারী লোকগুলো তাহারই কুটীরে গিয়া তামাক খাইবার আগুন চায়, কৃষকেরা গান গাহিয়া শান্তি ভঙ্গ করে, ভবঘুরে ছেলেগুলো মরিবার আর জায়গা না পাইয়া তাহারই কুটীরের চারিদিকে ঘুরপাক খায় !

আহারের সঞ্চয়ের জন্ত মাঝে মাঝে তাহাকেও গ্রামে ঢুকিতে হয়। সেখানেও কি যত জঞ্জাল ! গ্রামের কুকুর-
গুলো খেউ খেউ করিয়া তাহাকে নাচাইয়া তুলে, ছেলেগুলো সেই সঙ্গে হাততালি দিয়া ক্ষেপাইয়া দেয়, মেয়েরা পর্যন্ত ঘোমটার আড়াল হইতে সন্ন্যাসী মিনুসের নাকাল দেখিয়া

সদানন্দের বৈরাগ্য

কটাক্ষ হানিয়া মুচ্কি হাসে—অত বড় গাঙ্গীর্ষটাকে একটুও গ্রাহ না করিয়া সকলে মিলিয়া একেবারে নাস্তানাবুদ করিয়া তুলে।

সদানন্দের সে গ্রামে আর বাস করা পোষাইল না। সে খুঁজিয়া খুঁজিয়া এক গ্রামের বাহিরে তেপান্তর মাঠে শ্মশানের মাঝে আপনার আস্তানা গাড়িল।

শ্মশানভাঙায় কেহ তাহাকে বিরক্ত করিতে আসিত না। কালেভদ্রে শব-সঙ্গীরা তাহার কুটীরে আশ্রয় লইত, প্রতিদানে যাহা দিয়া যাইত সদানন্দের তাহাতেই কোনো রকমে দিন-গত পাপ-ক্ষয় হইত।

এখানে সদানন্দ এক রকম মনের স্নেহেই নিশ্চিন্ত ছিল। বেচারার ভাগ্যবিধাতা কিন্তু তখনো নিশ্চিন্ত ছিলেন না।

একদিন কয়েকজন লোক একটি শব সংকার করিতে শ্মশানে আসিয়াছে। ভয়ানক বৃষ্টি আরম্ভ হইল। তাহারা তাড়াতাড়ি শবটাকে আনিয়া সদানন্দের কুটীরের বাহিরে রাখিল এবং অভ্যর্থনার অপেক্ষা না করিয়াই সদানন্দের কুটীরের মধ্যে ঠেলিয়া ঢুকিয়া পড়িল।

ছোট কুটীর। তাহার মধ্যে পাঁচ-ছয়জন লোক ঢুকিয়া

সদানন্দের বৈরাগ্য

জটিল কলরব আরম্ভ করিয়া দিল। সদানন্দের তাহা অসহ্য বোধ হইতে লাগিল। তাহার উপর তাহারা তামাকের ধোঁয়ার কুণ্ডলী পাকাইয়া সদানন্দ বেচারাকে একেবারে অতিষ্ঠ করিয়া তুলিল। সদানন্দ আস্তে আস্তে পাশ কাটাইয়া কুটারের দ্বারের মুখে আসিয়া দাঁড়াইল।

মুঘল-ধারে রুষ্টি হইতেছে। শব বাহিরে পড়িয়া ভিজিতেছে, সদানন্দ তাহাই দেখিতেছে। হঠাৎ তাহার মনে হইল, শব যেন একটু নড়িল। দানায় পাইল না কি !

সদানন্দ ভয়ের বড় একটা তোয়াক্কা রাখিত না, রাখিলে কি শ্মশান আপনার বাসস্থান বলিয়া বাছিয়া লইতে পারে ? সে দাঁড়াইয়া দাঁড়াইয়া রোমবহুল ঝাঁপালো দ্রুত তলদেশ হইতে চক্ষু চাড়িয়া দেখিতে লাগিল বাস্তবিকই শব নড়িতেছে। যাহারা শব আনিয়াছিল তাহারা ঘরের ভিতরে আপন মনে ধূমপানে ও গল্পজল্পনায় মত্ত ছিল আর সদানন্দ ছিল দ্বার আগুলিয়া ; তাহারা বাহিরের ব্যাপার কিছুই জানিতেছিল না।

সদানন্দ যখন দেখিল যে শব স্পষ্টই নড়িতেছে, তখন

সদানন্দের বৈরাগ্য

সে কুটীর হইতে বাহির হইয়া পড়িল। শববাহী একজন বলিল, “কি ঠাকুর, জলে ভিজে কোথায় যাও ?”

সদানন্দ কোনো উত্তর দিল না। শবের কাছে গিয়া মুখের ঢাকা খুলিয়া ফেলিল। শব তখন চক্ষু মেলিয়াছে, আর বৃষ্টিধারা হাঁপাইয়া হাঁপাইয়া পান করিতেছে। সদানন্দ শবের মাচ্কা ধরিয়া হড় হড় করিয়া কুটীরের মধ্যে টানিয়া লইয়া গেল। শববাহীরা কোলাহল করিয়া আপত্তির স্বরে বলিল, “ওকি ঠাকুর, ওটাকে আবার এর মধ্যে ভরুছ কেন ?”

সদানন্দ এ কথায় কর্ণপাত না করিয়া শবের গুশ্ফায় নিযুক্ত হইল। সকলে সবিস্ময়ে দেখিল, শব চেতনা লাভ করিয়া উজ্জীবিত হইয়া উঠিতেছে। সকলে ভয়ে বিস্ময়ে অবাক আড়ষ্ট হইয়া গেল। সন্ন্যাসীবাবা সিদ্ধপুরুষ, তাঁহার পুণ্যস্পর্শে মৃত শব সঞ্জীবিত হয়, ইহার প্রত্যক্ষ প্রমাণ পাইয়া তাহাদের রোমাঞ্চ হইল। সকলে ভক্তিভরে মহাপুরুষের পায়ের ধূলা মাথায় লইল।

অলক্ষণের মধ্যেই গ্রামে রাষ্ট্র হইয়া গেল সন্ন্যাসী মরা মাহুষ বাঁচাইতে পারেন। গাঁ ভাঙিয়া রাজ্যের নরনারী

সদানন্দের বৈরাগ্য

আবালবৃদ্ধবনিতা সদানন্দের কুটীর ঘিরিয়া ভিড় জমাইয়া তুলিল। পীড়িতের আত্মীয়-স্বজন সভক্তি কৃতজ্ঞতায় সদানন্দের চরণে পাড়িয়া গড়াগড়ি দিতে লাগিল।

দেখিতে দেখিতে সদানন্দের খ্যাতি দাবানলের মতো ব্যাপ্ত হইয়া পড়িল। প্রতিদিন কত দেশের বাসি মড়া, গলিত কুষ্ঠ আসিয়া তাহার দ্বারে ধরা দিতে লাগিল। শ্মশানডাঙায় মেলা বসিল, দোকান পসার হাটে জমজমাট! কত দেশের কত লোক কত রকম মানসিক করিয়া সন্ন্যাসী-বাবার চরণে আসিয়া পড়িতে লাগিল। সদানন্দের কোনো পুরুষে কেহ বৈষ্ণ ছিল না, অথচ বেচারাকে ঘিরিয়া ছনিয়ার রোগীর সনির্বন্ধ করুণ প্রার্থনা দিবানিশি ধ্বনিত হইতে লাগিল।

সদানন্দ যত সকলকে বুঝাইতে চেষ্টা করে যে তাহার বাস্তবিক কোনো দৈব ক্ষমতা নাই, সে সিদ্ধপুরুষ বা যোগী মোটেই নহে, সে একজন অতি সাধারণ রকমের সংসার-বিরক্ত সন্ন্যাসী, লোকের ভক্তি আগ্রহ ততই বাড়িয়া চলে। সকলে বলাবলি করে, “দেখেছ, বাবাঠাকুরের মহিমে! আজকালকার দিনে লোকে পসার জমাবার জন্তে কি না

সদানন্দের বৈরাগ্য

করে ? কিন্তু বাবা খাঁটি মহাপুরুষ কিনা, তাই ধরা দিতে চান না। কিন্তু বাবা ধরা ত পড়েছ, ভক্তকে ভাঁড়াতে আর পারছ না। তোমাকে ওষুধ দিতেই হবে। যতদিন ওষুধ না পাব শ্রীচরণ আঁকড়ে পড়ে থাকুব। দয়া তোমাকে করুতেই হবে বাবা !”

শ্রীচরণ দুখানিকে অসংখ্য ভক্তের সাগ্রহ আক্রমণের হাত হইতে বাঁচাইবার জন্য নাচার হইয়া সদানন্দ হাতের মাথায় যাহা পায় তাহাই ঔষধ বলিয়া বিতরণ করিতে আরম্ভ করিল। আর সকলে তাহাই ভক্তিভরে সেবন করিতে কিংবা মাদুলী করিয়া ধারণ করিতে লাগিল। অনেকের রোগ বিশ্বাসের জোরেই সারিতে লাগিল। আর সেই সঙ্গে সঙ্গে সন্ন্যাসীবার খ্যাতি প্রতিপত্তিও বাড়িয়াই চলিল। যাহাদের রোগ সারিল না তাহারা দ্বিগুণ আগ্রহে সদানন্দের চরণ চাপিয়া ধরিয়া বলিতে লাগিল, “হে বাবাঠাকুর, কি পাপ দেখে আমার উপর দয়া হল না বাবা !”

সদানন্দ বেচারা ভক্তির আতিশয্যে উত্যক্ত হইয়া উঠিল। সে সংসার ছাড়িয়া পলায়ন করিয়াছে বলিয়া

সদানন্দের বৈরাগ্য

বিশ্ববিধাতা আজ সারা সংসার ডাকিয়া তাহারই কুটীর-
দ্বারে আনিয়া হাজির করিয়াছেন ! এ কী ভীষণ শাস্তি !
সদানন্দ দেখিল এর চেয়ে সে নিজের গ্রামে নিজের গৃহে
ঢের শান্তিতে, ঢের আরামে ছিল । অবশেষে তাহার
বৈরাগ্যের উপর বৈরাগ্য আসিল ;

একদিন সকালে সকলে সবিস্ময়ে আবিষ্কার করিল—
বাবা সিদ্ধপুরুষ অন্তর্ধান করিয়াছেন । সকলে হায় হায়
করিতে লাগিল । সিদ্ধপুরুষের অন্তর্ধানে সরগরম শ্মশান-
ভাঙা ক্রমে ক্রমে আবার শ্মশান হইয়া গেল ।

বরপণ

১

মহেশবাবুর একমাত্র পুত্র সতীশ যখন এম-এ পাশ করিয়া ডেপুটি ম্যাজিস্ট্রেট নিযুক্ত হইল তখন মহেশবাবু পুত্রের বিবাহ দিবার জন্ত চেষ্টা করিতে লাগিলেন।

ঘটকেরা কত মেয়ের সংবাদ লইয়া আসে, মহেশবাবু কত মেয়ে দেখিলেন, কিন্তু কোনোটিকেই তাঁহার আর পছন্দ হয় না। ছেলে তাঁহার এম-এ পাশ করিয়া হাকিম হইয়াছে, তাহার যোগ্য মেয়ে হওয়া চাই ত। মেয়েটি প্রথমত নিখুঁত স্তন্দরা হইবে, নতুবা ছেলের মনে ধরিবে কেন? তাহার বেশ লেখাপড়া জানা চাই, নতুবা সে এম-এ পাশ করা হাকিম স্বামীর মর্যাদা বুঝিতে পারিবে কেন?

তাঁহার পিতার মেয়েকে গা-ভরা অলঙ্কার এবং অন্তত পক্ষে হাজার পাঁচেক টাকা বরপণ দিবার সঙ্গতি

সদানন্দের বৈরাগ্য

থাকা চাই, নতুবা তাঁহার পুত্রের বিছার উপযুক্ত সম্মান হইবে কেন ?

এমন রাজঘোটক মেয়ে শীঘ্র মেলা হুসুর ; সুন্দরী হয় ত লেখাপড়া জানে না ; লেখাপড়া-জানা সুন্দরী হয় ত তাহার বাপ গা-ভরা অলঙ্কার এবং পাঁচ হাজার টাকা পণের দাবী শুনিয়া পিছাইয়া যায় ।

সতীশ একদিন আন্তে আন্তে পিতার কাছে আসিয়া বলিল—“বাবা, বিয়েতে পণ টন কিছু নিয়ো না ।”

মহেশবাবু অতিমাত্র বিস্মিত হইয়া জিজ্ঞাসা করিলেন—
“কেন ?”

সতীশ লজ্জিত সম্মুখে মাথা নত করিয়া মুহূর্ত্তেরে বলিল—
—“পণ নেওয়ার মানে ত ছেলে বেচা !”

মহেশবাবু বিরক্ত হইয়া বলিলেন—“যা যা, আর জ্যাঠামি করতে হবে না ! বেচা ত বেচা ! তোর ওপরে ত আমার সম্পূর্ণ অধিকার আছে, তোকে আমি বেচেই টাকা নেবো । তোকে পড়াতে যে এক গজা টাকা জলের মতন খরচ হয়ে গেছে, সে আমি আদায় করে নেবো না ! চিরটা কাল পণ নেওয়া চলে আসছে আমাদের

সদানন্দের বৈরাগ্য

কুলিনের, এখন উনি ছপাতা ইংরিজি পড়ে বাপপিতমর চাল সব একদিনে পাণ্টে দেবেন ! তোর সঙ্গে শুধু বিয়ে করার সম্বন্ধ । যেদিন বলব, টোপর পরে' বাপের হুপ্তুর হয়ে' বিয়ে করতে যাবি । আর কোনো কথা আমি তোর শুনতে চাইনে ।”

সতীশ মাথা নত করিয়া আস্তে আস্তে সেখান হইতে চলিয়া আসিল ।

তাহার বন্ধুরা তাহাকে ঠাট্টা করিতে লাগিল—“কি হে সমাজ-সংস্কারক ভায়া ! লম্বা লম্বা বক্তৃতা করে' শেষে রাতারাতি পাঁচহাজারী মনসবদার হবার চেষ্টা ! বক্তৃতার চেয়ে দৃষ্টান্ত ভালো—লোকে বলে । দৃষ্টান্তের বেলায় পঞ্চ হাজার, বক্তৃতাতেও বাক্য দেদার !”

সতীশ অত্যন্ত অপ্রতিভ হইয়া বলে—“কি করব বল ! বাবার ওপরে ত আমি কথা বলতে পারিনে । আমার যখন ছেলে হবে তখন আমি কথায় কাজে মিল থাকে কিনা দেখিয়ে দেবো ।

সকলে তাহাকে পিতৃভক্ত রামচন্দ্রের সহিত তুলনা করিয়া দস্তুর-মতো লাঞ্ছনা করিতে লাগিল !

সদানন্দের বৈরাগ্য

কিন্তু সতীশ পিতাকে আর কিছুই বলিতে পারিল না তাহার মা মারা যাওয়ার পর পিতা যে কি কষ্টে তাহাকে মানুষ করিয়া লেখাপড়া শিখাইয়াছেন তাহা ত সে জানে। বাহিরের লোক ঠিক বুঝিতে পারিবে না, কিন্তু তাহার উপর তাহার পিতার যে বোল আনা স্বত্ব আছে তাহা সে কেমন করিয়া অস্বীকার করিবে? তাহাকে লেখাপড়া শিখাইতে তাহার মায়ের সমস্ত গহনা একে একে বন্ধক পড়িয়াছে, প্রায় দু হাজার টাকা তাহার পিতার ঋণ। তিনি যদি পুত্রকে বিক্রয় করিয়াও ঋণমুক্ত হইতে চাহেন তবে তাহার আপত্তি করা শোভা পায় না। সতীশ নীরবে বন্ধুদের সকল বিদ্রূপ সহ্য করিতে লাগিল।

অনেক অনুসন্ধানের পর মহেশবাবুর মনের মতন একটি মেয়ে মিলিল। তাহারই সহিত সতীশের বিবাহ দেওয়া স্থির হইয়া গেল।

২

বিবাহের পরদিন সতীশের শ্বশুরবাড়ীতে মেয়ে জামাই বিদায় করিবার ব্যস্ততা পড়িয়া গিয়াছে; কিন্তু সতীশের বাড়ী ষাইবার জন্ত কোনো রকম ইচ্ছা বা উদ্যোগ প্রকাশ

সদানন্দের বৈরাগ্য

পাইতেছিল না—সে চুপ করিয়া এক জায়গায় বসিয়াই ছিল।

পাক্ষিতে বৌ তুলিয়া মহেশবাবু চীৎকার করিতে লাগিলেন—“সতীশ, সতীশ কৈ?”

সতীশকে কাছাকাছি কোথাও দেখা গেল না।

সতীশকে খুঁজিতে চারিদিকে লোক ছুটিল। দেখিল সতীশ বিছানায় শুইয়া পায়ের উপর পা চড়াইয়া দিব্য নিশ্চিন্তভাবে পা নাড়াইতেছে—যাহারা তাহাকে ডাকিতে আসিয়াছিল তাহাদিগকে যেন বলিতেছিল, না, না, না।

তাহাকে শুইয়া থাকিতে দেখিয়া তাহার শ্বশুর ব্যস্ত হইয়া জিজ্ঞাসা করিলেন—“কি বাবা, অস্থখ বিস্থখ কিছু করেনি ত?”

সতীশ উঠিয়া বসিয়া বলিল—“অজ্ঞে না।”

শ্বশুর বলিলেন—“তবে এস, তোমার বাবা তোমায় ডাকছেন।”

সতীশ দিব্য প্রশান্ত সহজ ভাবেই বলিল—“তাকে বলুন গে আমি ত এখন বাড়ী যেতে পারছিনে। আমার কিছুদিন এখন এখানেই থাকতে হবে।”

সদানন্দের বৈরাগ্য

এই কথা শুনিয়া সতীশের স্বপ্তর মনে 'করিলেন' জামাই ও বেহাই দুজনে কিছু ঝগড়া-ঝাটি হইয়া থাকিবে বোধ হয়। তাই তিনি জামাতাকে আর কিছু না বলিয়া বেহাইকে গিয়া বলিলেন—“বেয়াই মশায়, সতীশ বলছে সে এখন বাড়ী যেতে পারবে না।”

মহেশবাবু আশ্চর্য্য হইয়া জিজ্ঞাসা করিলেন—
“কেন?”

সতীশের স্বপ্তর বলিলেন—“কেন, তা ত জানিবে, জিজ্ঞাসাও করলুম না। মনে করলুম হয় ত আপনার সঙ্গে কোনো রকম ঝগড়া-টগড়া করে' অভিমান করেছে; তাই আপনাকে বলতে এলুম।”

মহেশবাবু আশ্চর্য্য হইয়া বলিলেন—“ঝগড়া? না! আমার সঙ্গে ঝগড়া করবার মতন ছেলে ত সে নয়। কি হয়েছে চলুন ত দেখি। কোথায় সে?”

মহেশবাবু বৈবাহিকের সঙ্গে সতীশের নিকট আসিয়া বলিলেন—“সতীশ, বৌমা পাক্কীতে বসে রয়েছেন, আর তুই এখানে বসে রয়েছিস? রকম কি! বাড়ী চ।”

সতীশ বলিল—“আমি ত এখন কিছুদিন বাড়ী যেতে

সদানন্দের বৈরাগ্য

পারছি'ন বাবা। তুমি তোমার বউ নিয়ে বাড়ী যাও,
আমি কিছুদিন পরে যাব।”

মহেশবাবু অতিমাত্রায় আশ্চর্য্য হইয়া বলিলেন—“কিছু-
দিন পরে যাবি কি ? হয়েছে কি তোরা ?”

সতীশ মাথা নত করিয়া অতি মৃদু স্বরে বলিল—“আমি
এঁদের ক্রীতদাস হয়েছে—তুমি ত আমায় পাঁচ হাজার
টাকায় এঁদের বেচে গেলে। আমি রোজগার করে’
এঁদের পাঁচ হাজার টাকা সুদ সমেত শোধ করব আগে ;
তারপর এঁরা আমাকে দাসত্ব থেকে মুক্তি দিলে আমি
তোমার কাছে ফিরে যাব ! তার আগে ত আমার যাবার
জো নেই।”

মহেশবাবু অবাক স্তম্ভিত হইয়া দাঁড়াইয়া রহিলেন ;
সতীশের কথা শুনিয়া তাহার স্বপ্নের মূখ হাসিতে উজ্জ্বল
হইয়া উঠিয়াছিল। মহেশবাবু মনে মনে একবার কল্পনা
করিলেন তাঁহার সেই নিরানন্দ নির্জ্জন পুরী—সেখানে
তাঁহার পত্নী নাই, সতীশ নাই, একা তিনি আর তাঁহার
বৌমাটি ! এই বালিকা বধূকে যত্ন করিবার ও সঙ্গ দিবার
কেহ নাই, তাঁহার সতীশ পরের বাড়ীতে দাসত্ব স্বীকার

সদানন্দের বৈরাগ্য

করিয়া খাটিয়া খাটিয়া মাসে মাসে অল্পে অল্পে তাহার পণের
ঋণ শোধ করিতেছে ! মহেশবাবুর মন ব্যাকুল হইয়া
উঠিল—হুঃখে ক্ষোভে তাঁহার মন আলোড়িত হইতে
লাগিল। একবার সতীশের মুখের দিকে চাহিয়া তিনি
সতীশের স্বত্তরকে পাঁচ হাজার টাকার তোড়া ফিরাইয়া
দিয়া বলিলেন—“বেয়াই মশায়, আপনার টাকা আপনি
ফিরিয়ে নিন, সতীশকে আমার সঙ্গে বাড়ী যেতে অনুমতি
করুন !”

সতীন

অনেক ঠাকুরের দুয়ার ধরিয়া, হাতে-কোলে পূজা দিবার মানত করিয়া, মাছুলি কবচ ধারণ করিয়া, ঔষধ খাইয়া নৃত্যকালীর যখন কিছুতেই একটি ছেলে হইল না, তখন সে জেদ করিয়া নিজে দেখিয়া শুনিয়া স্বামীর আর-একটি বিবাহ দিল। একটি ছেলে না হইলে কি ঘর সংসার মানায় !

স্ত্রীলোক যখন ত্যাগ করিতে ইচ্ছা করে তখন সে অসাধ্যসাধন করিতে পারে। আজ বাইশ বৎসর যে স্বামী তাহার ছিল, যাহার জীবনের সহিত তাহার সুখ দুঃখ জড়াইয়া গিয়াছিল, সেই স্বামীকে নৃত্যকালী হাসিমুখে প্রশান্ত মনে তরঙ্গিনীকে দান করিয়া, সেই নবীন দম্পতির সেবা ও ষড়্ভের ভার গ্রহণ করিল। নৃত্যকালী তরঙ্গিনীকে ছোট বোন্টীর মতন যত্ন করে, সখীর মতো তরঙ্গিনীকে প্রণয়ের দীক্ষা দেয়, নবর্যোবনা তরঙ্গিনীর বৃদ্ধ স্বামীকে

সদানন্দের বৈরাগ্য

লইয়া রঙ্গ রসিকতা করে, তাহাদের হৃজনের নূতন প্রণয়ের
তাবলীলা ও কুণ্ঠিত গোপন মিলন-প্রয়াস দেখিয়া কৌতুক
ও আনন্দ অনুভব করে।

তরঙ্গিণীও বাপের বাড়ী হইতে অকস্মাৎ বিচ্ছিন্ন হইয়া
দিদির যত্ন মমতায় একদিনের তরেও মুখ মলিন করিবার
অবসর পায় নাই। সে থাইতে না চাহিলেও নৃত্যকালী
তাহাকে “দিদি আমার, বোনুটি আমার, লক্ষ্মী আমার”
বলিয়া সাধিয়া সাধিয়া বার বার বিবিধ সামগ্রী খাওয়ায়; সে
সাজিতে না চাহিলেও দিদি তাহার নিজের হাতে বিচিত্র
বস্ত্র অলঙ্কারে দিনের মধ্যে তাহাকে পাঁচবার পাঁচ রকম
করিয়া সাজায়; নৃত্যকালী নিজের হাতে বিবিধ ছাঁদের চুল
বাঁধিয়া, টিপ কাটিয়া, আলতা পরাইয়া, তরঙ্গিণীকে জেদ
করিয়া জোর করিয়া দিনের মধ্যে পাঁচবার স্বামীর কাছে
পাঠাইয়া দেয়।

সংসারের এতটুকু কাজও তরঙ্গিণীকে করিতে হয় না।
সংসারের সমস্ত সেবা ও কন্মের ভার নৃত্যকালীর; হাসি
আনন্দ ও সন্তোগের জন্তই যেন তরঙ্গিণীর জীবন।

তাহার পর যখন তরঙ্গিণীর সন্তান-সন্তানবনা হইল তখন

সদানন্দের বৈরাগ্য

নৃত্যকালী যেন কৃতার্থ হইয়া গেল। তাহার এত দিনের সাধ এইবার তরঙ্গিণী হইতে পূর্ণ হইবে। সে একটি সোণার চাঁদ কোলে পাইবে। তাহার ঘর সংসার উহার হাসিতে আলো হইয়া উঠিবে। তরঙ্গিণীকে নৃত্যকালী এখন চোখে হারায়, সদাই তাহাকে সাবধান করিয়া রাখে, অক্ষুণ্ণ তাহার সঙ্গে-সঙ্গে সে টিকটিক করিয়া বেড়ায়, কোনো মতে যেন কিছু অনাচার না হয়, কাহারো ছোঁয়াচ নজর না লাগে ; স্ন-ভালাভালি দুজন ছুঁঠাই হইয়া গেলে সে বাঁচে। তরঙ্গিণী সন্ধ্যাবেলা মাথার ঘোমটা খুলিয়া থাকিলে বা এ-ঘর ওঘর করিবার সময় মাথায় একটা খড়কুটা গুঁজিয়া না রাখিলে তাহাও নৃত্যকালীর নজর এড়ায় না, সে তরঙ্গিণীকে বলে—পেটের কাঁটাটা আমার কোলে একবার ফেলে দে, তারপর তোর যা খুসি তাই করিস, আমি আর তোকে তখন কিছু বলব না।

যেদিন তরঙ্গিণী প্রসববেদনায় কাতর হইয়া নৃত্যকালীকে জড়াইয়া ধরিয়া বলিল—দিদি, আর আমি বাঁচব না।—সেদিন নৃত্যকালীও স্নখে ও দুঃখে তাহার সহিত কাঁদিয়া ফেলিল। এই বেদনার ভিতর দিয়া

সদানন্দের বৈরাগ্য

তাহাদের উভয়ের মাতৃত্ব আজ পরিপূর্ণ সার্থকতা লাভ করিবে।

তরঙ্গিণীর একটি পুত্রসন্তান হইল। নৃত্যকালী সেই আঁতুড় ঘরেই একরাশ করবীফুলের মতো শাদা ধবধবে খোকাকে কোলে করিয়া লইয়া অশ্রু-সজল হাসিমুখে তরঙ্গিণীকে বলিল—তরি, দেখ দেখ, আমার কেমন খোকা হয়েছে!

তরঙ্গিণী হুখের গর্ভভরা হাসিমুখে বলিল—দিদি, খোকা ত তোমারই!

সেই দিন হইতে নৃত্যকালীর কাজ দ্বিগুণ বাড়িয়া গেল। এতদিন সে একটি বৃদ্ধ খোকা ও একটি তরুণী খুকিকে পরম যত্ন ও আগ্রহে মানুষ করিতেছিল, এখন আর-একটি নূতন শিশু খোকার ভার তাহার উপর পড়িল। খোকাকে তেল-মাখানো, সেক দেওয়া, নাওয়ানো, ধোয়ানো, দুধ খাওয়ানো, কাজল-পরানো সমস্ত তাহারই ভার। খোকা সমস্ত দিনরাত তাহারই কাছে থাকে, এক-একবার কেবল মাই দিবার জন্ত সে খোকাকে তরঙ্গিণীর কোলে দেয়। তখন তরঙ্গিণী হাসিয়া বলে

সদানন্দের বৈরাগ্য

—দিদি, তোমার খোকাকে আমি মাই দেবো কেন ?

নৃত্যকালী স্নেহের হাসিতে হুঃখ ঢালিয়া দিয়া বলে—
কি করব বোন, বিধাতা আমায় বঞ্চিত করেছেন।
নইলে কি আমি তোকে এক ষ্টুটুকুও দিতাম। আমায়
বিধাতা দুধ দেন নি, তাই তোকে আমার খোকার দুধ-
মা রেখেছি !

নৃত্যকালীর স্বামী একদিন ঠাট্টা করিয়া তাহাকে বলিল
—খোকাকে পেয়ে যে আমাদের একেবারে ভুলে গেলে ?
আমাদের দিকেও একটু দেখো ?

নৃত্যকালী হাসিয়া বলিল—তোমায় দেখবার জগ্নে
ত তরিকে এনে দিয়েছি।

স্বামী লজ্জিত হইয়া প্রস্থান করিল।

তরঙ্গিণী একদিন হাসিয়া বলিল—দিদি, খোকা হয়ে
অবধি তুমি আর আমার খোজও কর না, যে, তরি মবুল
কি বাঁচল !

নৃত্যকালী তরঙ্গিণীর চিবুক স্পর্শ করিয়া নিজের
হস্তাঙ্গুলি চুষন করিয়া বলিল—ঘাট ঘাট, অমন কথা মুখে

সদানন্দের বৈরাগ্য

আনতে আছে ! তুই আমাদের ঘরের লক্ষ্মী, সংসারের
সুখ ! তুই আমাকে সোনারচাঁদ খোকা দিয়েছিস,
আমাদের এই আঁটকুড়ো নিরানন্দ সংসারে হাসি এনেছিস !
তুই যে আমার ছোট বোন তরি ! তোর ঘরসংসার তুই
এখন চিনে শুনে নে—চিরকাল কি দিদির হাততোলা
নিয়ে থাকবি ? আমায় ছুটি দে, আমি আর সংসারের
কেউ নই, আমি আর খোকা এখন দুজনে মিলে খেলা
করবার ছুটি নিয়েছি, কাজ করবার অবসর এখন আর
আমার নেই । আমি দেখতে শুনতে পারিনে, তুই এখন
সব দেখ শোন । নিজের শরীরের যত্ন করিস, আর যে
বুড়োটাকে তোর হাতে দিয়েছি, সেটাকেও একটু যত্ন
করিস ।

তরঙ্গিণী লজ্জিত হইয়া বলিল—না দিদি, সে আমি
পারব না । তোমার কাজ আমি করতে যাব কেন ? তুমি
আমায় না দেখলে আমার বড় কষ্ট হয়, আমার কিছু ভালো
লাগে না ।

তরঙ্গিণীকে আবার চিবুক স্পর্শ করিয়া চুষন করিয়া
নৃত্যকালী হাসিয়া বলিল—তুই এখন বড়সড় হয়েছিস,

এখনও দিদির হাততোলা হয়ে থাকলে লোকে বলবে কি ? বলবে, তোর ঘরসংসার আমি তোকে ঠকিয়ে দখল করে বসে আছি ।

তরঙ্গিণী দৃষ্টিতে তিরস্কার ভরিয়া নৃত্যকালীর দিকে তাকাইয়া বলিল—দিদি, যাও তোমার সঙ্গে আড়ি ! ফের ওরকম কথা বললে আমি কেঁদে কেটে অনর্থ করব কিন্তু বলে রাখছি ।

বলিতে বলিতেই তরঙ্গিণীর চোখ দিয়া ঝরঝর করিয়া অভিমান গলিয়া ঝরিয়া পড়িতে লাগিল ।

নৃত্যকালী তাহাকে কোলের কাছে টানিয়া আনিয়া গালে কপালে চুষন করিয়া সজল চোখে হাসিয়া বলিল—ছি পাগলী, এই তুচ্ছ কথায় কাঁদলি !

তরঙ্গিণী নৃত্যকালীর কোলে মুখ লুকাইয়া ফুলিয়া ফুলিয়া কাঁদিতে কাঁদিতে অভিমান-ব্যথিত স্বরে বলিল— কেন তুমি আমাকে অমন কথা বললে ? বল আর কখনো বলবে না !

নৃত্যকালী তরঙ্গিণীর পিঠে হাত বুলাইতে বুলাইতে বলিল—চুপ কর লক্ষ্মীটি, চুপ কর । আমি আর কখনো

সদানন্দের বৈরাগ্য

বলব না। কিন্তু কখনো যদি তোর সংসারের ভার হাতে
নেবার ইচ্ছে হয়, মুখ ফুটে আমায় বলতে লজ্জা করিস নে।
তুই বলবা মাতুর তোর ঘরকন্না তোকে ছেড়ে দিয়ে আমি
সরে একপাশ হব। কেবল খোকাকে আমার কাছ থেকে
কেড়ে নিসনে।

তরঙ্গিণী অশ্রুস্রাত মুখখানি তুলিয়া নৃত্যকালীর দিকে
বেদনাভরা কাতরদৃষ্টিতে চাহিয়া বলিল—দিদি, আবার ঐ
কথা! আমি যে তোমার ভালোবাসায় কেনা দাসী!
আমাকে ও-সব কী বলছ?

নৃত্যকালী তাহার চোখ মুছাইয়া দিতে দিতে বলিল
—তুই আমার বোন, তুই আমার ঘরের লক্ষ্মী, তুই আমার
খোকার দুধ-মা! তোকে আমি মন্দ ভেবে কিছু বলিনি!
তবু কথাটা বলে রাখলাম!

এমনিতর সুখের মিলনে হাসি আনন্দে তাহাদের
তিনটি প্রাণীর সংসার একটি শিশুকে ঘিরিয়া স্বচ্ছন্দে
চলিতে লাগিল। খোকা দিনে দিনে তাহার নব নব
আনন্দলীলা প্রকাশ করিয়া সংসারটিকে আনন্দে হাসিতে
সুখে ভরিয়া তুলিতে লাগিল।

সদানন্দের বৈরাগ্য

খোকার যখন বছর দেড়েক বয়স ; যখন সে চারটি ধবংবে শাদা ছুধের-দাঁত বাহির করিয়া নৃত্যকালীকে বলে —জি, এবং তরঙ্গিনীকে তা-তি বলিয়া ডাকে ; যখন সে দুধ খাইতে ও কাজল পরিতে বিষম আপত্তি জানাইতে শিখিয়াছে ; এবং যখন সে হামাগুড়ি দিয়া ঘরের শিশি-বোতল ভাঙিয়া মধু ও তেল একত্র মিশাইয়া পেটে মাথায় মাখিয়া বাঃ বাঃ বলিয়া উল্লাস প্রকাশ করিতে পারিতেছে ; তখন একদিন সন্ধ্যাকালে নৃত্যকালী দালানে বসিয়া খোকার সহিত চাঁদামামার পরিচয় করিয়া দিতেছিল এবং চাঁদামামাকে খোকার কপালে একটি টি দিয়া ঘাইবার জন্তু ধান ভানিলে কুঁড়ো, মাছ কুটিলে মুড়ো, উড়কি ধানের মুড়কির মোয়া দিবার লোভ দেখাইতেছিল ; খোকা তাহার ক্ষুদে ক্ষুদে হাত দুখানি বিস্তারিত করিয়া কচি কলার ছড়ার মতো আঙুলগুলি ঘন সঞ্চালিত করিয়া চাঁদকে ডাকিয়া ডাকিয়া নিজের কপালে হাত ঠেকাইয়া বলিতেছিল—আ আ চি !—এবং এক-একবার মাতা নৃত্যকালীর দিকে ফিরিয়া বলিতেছিল—জি ! চি !—আরবার তরঙ্গিনীর দিকে ফিরিয়া বলিতেছিল—তা-তি ! চি !

সদানন্দের বৈরাগ্য

এমন সময় উঠান হইতে কে একজন রমণী বলিয়া
উঠিল—গেরস্তরা বাড়ী আছ গো ?

নৃত্যকালী বলিল—কে গা ?

আগন্তুক রমণীকণ্ঠে উত্তর হইল—আমরা কুটুম গো !

নৃত্যকালী তরঙ্গিণীকে বলিল—তরি, দেখ ত কে ?

তরঙ্গিণী উঠিয়া দালানের ধারে গিয়াই বলিয়া উঠিল—
ওমা, বামা যে ! তুই কোথেকে এলি ?

বামা হাসিয়া গলায় আঁচলের খুঁটটা দিয়া ভূমিষ্ট হইয়া
প্রণাম করিয়া বলিল—মা ঠাকরুণের সঙ্গে গঙ্গা নাইতে
এইচি ।

তরঙ্গিণী বলিল—মাসিমার সঙ্গে ! কৈ মাসিমা
কোথায় ?

বামা পশ্চাতে ফিরিয়া দেখিয়া উচ্চকণ্ঠে ডাকিল—
মাঠাকরুণ, কৈ গো এস না গো ।

আর একটি রমণীমূর্তি অন্ধকার আবছায়া হইতে অগ্রসর
হইয়া আসিল । তরঙ্গিণী তাড়াতাড়ি দালান হইতে উঠানে
নামিয়া গিয়া দ্বিতীয় রমণীর পদধূলি লইয়া উচ্চকণ্ঠে
ডাকিয়া বলিল—দিদি, আমার মাসিমা এসেছেন ।

সদানন্দের বৈরাগ্য

নৃত্যকালী খোকাকে কোলে করিয়া দালানের ধারে আসিয়া দাঁড়াইয়াছিল। সে তরঙ্গিণীর আহ্বানে উঠানে নামিয়া গিয়া তরঙ্গিণীর মাসিমার পদধূলি লইয়া বলিল—
এস মা এস !

মাসিমা নৃত্যকালীকে লক্ষ্য না করিয়াই তরঙ্গিণীকে বলিল—তরু, এই বুঝি তোর খোকা ?

এই প্রশ্নে তরঙ্গিণীর কেমন লজ্জা বোধ হইল। খোকা কেবল তাহার, এ কথা সে নৃত্যকালীর সম্মুখে কেমন করিয়া স্বীকার করিবে ? খোকা যে তাহার অপেক্ষা তাহার দিদিরই বেশি, ইহাও বা সে কেমন করিয়া একজন আগন্তুক বাহিরের লোককে বুঝাইবে ? তাহারা দুই সতীন স্নেহ ও সখিত্বের যে মধুর সম্পর্ক পাতাইয়া নিরুপদ্রবে খোকাকে লইয়া আনন্দে আছে তাহার মধ্যে একজন অপর লোক আসিয়া উপস্থিত হওয়াতে তরঙ্গিণীর মনের মধ্যে কেমন একটা অস্বস্তি বোধ হইল। তরঙ্গিণীর মনে হইল তাহারা বেশ ছিল, তাহাদের এই সুখনীড়ের মধ্যে তাহার মাসিমা কেন আসিয়া পড়িল তাহার মাসিমা কি তাহাদের ঠিক করিয়া বুঝিতে পারিবে ? তরঙ্গিণী

সদানন্দের বৈরাগ্য

আর মাসিমার দিকে চাহিতে পারিল না। সে কোনো কথা না বলিয়া লজ্জিত মুখ নত করিয়া রহিল।

মাসিমা এই সলজ্জ নীরবতা তরঙ্গিণীর নব মাতৃত্বের লক্ষণ মনে করিয়া হাত বাড়াইয়া খোকাকে বলিল—এস দাদা বাবু, এস!

খোকা ছুইহাতে নৃত্যকালীর বুকের ও পিঠের কাপড় মুঠি করিয়া আঁকড়াইয়া ধরিয়া নৃত্যকালীর বুকের মধ্যে সঙ্কুচিত হইয়া লাগিয়া গিয়া বলিল—জি, ভ!

নৃত্যকালী খোকাকে একটু ঠেলিয়া মাসিমার দিকে আগাইয়া দিয়া বলিল—যাও লক্ষ্মী মাণিক আমার, যাও! উনি দিদিমা! ভয় কি?

খোকা সে কথার প্রতিবাদ করিয়া বলিল—ভ!

বামা একমুখ হাসিয়া অগ্রসর হইয়া আসিয়া হাত বাড়াইয়া বলিল—আমার ঠেঞে এসবে খোকাবাবু?

খোকা তেমনি ভাবে নৃত্যকালীকে জড়াইয়া ধরিয়া বলিল—ভ! ভ!

মাসিমা অপ্রতিভ হইয়া বলিল—অচেনা লোকের কাছে যায় না বুঝি? এই নেও দাদামণি, দেখ!

সদানন্দের বৈরাগ্য

মাসিমা দুটি টাকা বাহির করিয়া খোকার সম্মুখে ধরিল। খোকা টাকা লইতে কিছুমাত্র উৎসাহ না দেখাইয়া কেবলি বলিতে লাগিল—ভ ! ভ !

তখন নৃত্যকালী তরঙ্গিনীকে বলিল—তরি, তুই নে ত। তোর কাছে গিয়ে যদি মাসিমার কাছে যায়।

তরঙ্গিনী হাত পাতিল।

খোকা নৃত্যকালীকে জড়াইয়া থাকিয়াই তরঙ্গিনীকে বলিল—তা-তি, ভ !

মাসিমা অপ্রতিভ হইয়া তরঙ্গিনীকে বলিল—তক, তোর ছেলে ত বাছা আমার কাছে আসবে না। এই নে তোর বেটাকে সন্দেশ কিনে খাওয়াস। মিষ্টিমুখ হলে যদি আমায় মিষ্টি চোখে দেখে।

তরঙ্গিনী একবার নৃত্যকালীর মুখের দিকে তাকাইয়া আবার মাথা নত করিয়া দাঁড়াইল।

নৃত্যকালী বলিল—আবার টাকা কেন মাসিমা ! পায়ের ধুলো দিয়ে অমনি আশীর্বাদ কর, আমাদের এই কত দুঃখের গুঁড়োটুকু বেঁচে থাক ! খোকা আমার কোল বাছে না। অন্ধকারে দাঁড়িয়ে রয়েছ বাপু, ও মুখই দেখতে

সদানন্দের বৈরাগ্য

পাচ্ছে না। এস দালানে এস! তরি, একখানা কিছু পেতে দে বসতে।

মাসিমা নৃত্যকালীর কোনো কথায় সাড়া না দিয়া তরঙ্গিনীকে জিজ্ঞাসা করিল—জামাই কোথায়, ওদিকে জামাই নেই ত ?

মাসিমা যে নৃত্যকালীর সহিত কথা কহিতেছে না ইহা তরঙ্গিনীর মোটেই ভাল লাগিতেছিল না। কাজেই সেও মাসিমার কোনো কথার জবাব দিতে পারিতেছিল না।

নৃত্যকালী বলিল—না, উনি বাড়ীতে নেই। এস মাসিমা। তরি, মাসিমার পা ধোবার জল দে, গুঁর গরদ-খানা দে। মাসিমা কাপড় ছেড়ে জপ করে নিন, আমি থোকাকে ঘুম পাড়িয়ে জলখাবার করে আনি।

তরঙ্গিনী মাসিমার কাছ হইতে সরিয়া পড়িবার সুযোগ পাইয়া যেন বাঁচিয়া গেল।

কিন্তু যখন নৃত্যকালী জলখাবার আনিতে গেল তখন তরঙ্গিনীকে একাকী তাহার মাসিমার কাছে থাকিতে হইল। ইহাতে সে কেমন অস্বস্তি বোধ করিতে লাগিল।

সদানন্দের বৈরাগ্য

মাসিমা বলিল—তরু, ঐ তোমার স্ত্রী ?

স্ত্রী শব্দটা তরঙ্গিণীর কানে বাজিল। সে মুহূর্ত্তে
বলিল—উনিই দিদি !

—তোকে খুব কষ্ট দ্বায় দেখছি।

তরঙ্গিণী বিরক্ত হইয়া বলিল—না মাসিমা, দিদি
আমায় খুব ভালোবাসেন।

মাসিমা বিজ্ঞতার হাসি হাসিয়া বলিল—আ নেকি, তুই
তেমন নেকিই আছিস এখনো ! একটা মিষ্টি কথা
বলেই ভুলে যাস ! মিছরীর ছুরী মুখে মিষ্টি লাগে বলে
মনে করিস যে বুকে যখন বেধে তখনও তেমনি মিষ্টি
লাগে ? ঐ বুঝি তোমার ভালোবাসা। এসে বাড়ীতে পা
দিতেই ত বুঝতে পারছি, তুই বাড়ীর দাসী, আর বাড়ীর
গিন্নি ঐ ডাইনি মাগী ! তরি যা পা ধোবার জল দে, তরি
যা কাপড় দে, তরি যা বসতে দে ! আর আমি যাই
জলখাবার দি ! তুই দাসীর খাটনা খেটে মরবি, কিন্তু
সংসারটা ওর মুঠোর ভেতর ! তোমার সংসারে তুই পরের
হাততোলায় কেমন করে আছিস ! আমরা হ'লে ত
একদণ্ড থাকতে পারতাম না !

সদানন্দের বৈরাগ্য

তরঙ্গিণী বিরক্ত হইয়া বলিল—এর আর হাততোলাং
থাকা কি ? দিদি যদি অযত্ন করতেন ত কষ্ট হ'ত ! দিদি
নিজে না থেয়ে আমায় খাওয়ান, নিজে না পরে' আমায়
পরান, দিদি আমার ছেলেকে মায়ের বাড়া যত্ন করেন ।

মাসিমা হাসিয়া বলিল—ওরে তাইত কথায় বলে—
মায়ের চেয়ে যে ভালোবাসে তারে বলে ডা'ন ! ঐ ডাইনি
মাগী তোকে গুণ করেছে নির্যাস । ছেলেকে অত গ্ৰাওটো
করচে কেন তাও বুঝি বুঝতে পারিসনে হাবা মেয়ে ! ছেলে
ওর গ্ৰাওটো হ'লে তোকে নাথি ঝ্যাঁটা কোস্তা বাড়ন
মারলেও তুই ওর কিছু করতে পারবিনে ; ছেলের জন্তে
তোকে সব সয়ে থাকতে হবে । দুটো মিষ্টি কথা আর
লোক-দেখানো আন্তি, এই দেখেই তুই ভুলেছিস ! সতীন
সম্পদ কি কখনো ভালো হয়রে নেকি ! শক্ত হ, শক্ত হ,
এখনো সময় আছে, ছেলেটাকে ডাইনির মায়্যা থেকে বাঁচা !
কথায় না বলে, বাঁঝার আন্তি বাঘিনীর পথ্যি ! তাতে এ
আবার বাঁঝা সতীন !

তরঙ্গিণী লজ্জায় ঘুণায় বিরক্ত হইয়া উঠিল । সে
তাহার মাসিমাকে কেমন করিয়া বলিবে যে, যেদিন হইতে

সদানন্দের বৈরাগ্য

সে এবাড়ীতে আসিয়াছে সেই দিন হইতে স্বামী সম্পূর্ণ তাহার, দিদি তাহার সতীন নয়। তরঙ্গিণী তাড়াতাড়ি উঠিয়া পড়িয়া বলিল—দেখি জলখাবার হ'ল কি না।

মাসিমা খুঁসি হইয়া বলিল—হ্যাঁ, নিজের ঘরকন্না নিজে দেখে শোন, এই ত চাই !

তরঙ্গিণী মনে করিল সতীন সম্পর্কটা বড় খারাপ, সহজেই লোকে ভুল বুঝিয়া অবিচার করিয়া বসে। মাসিমা হুদিন থাকিলেই বুঝিতে পারিবে দিদি তাহার কেমন মানুষ।

হুদিন ছাড়িয়া চারিদিন গেল, মাসিমার ধারণার কোনো পরিবর্তন সে বুঝিতে পারিল না। মাসিমা ও তাঁহার সহচরী বামা নিরন্তর তাহার কানে বিষ উদ্দীর্ণগই করিতেছে।

তরঙ্গিণী অতিষ্ঠ হইয়া একদিন নৃত্যকালীকে বলিল—দিদি, ওরা কবে যাবে ? যোগ ফোগ ত চুকে বৃকে গেল ; আর কতদিন গঙ্গা নাইতে হবে ?

নৃত্যকালী হাসিয়া বলিল—কেন তরি, মাসিমা হুদিন আছেন তাতে তুই ব্যাজার হচ্ছি কেন ?

সদানন্দের বৈরাগ্য

তরঙ্গিণী নৃত্যকালীর হাসির সঙ্গে হাসিতে পারিল না । সে গম্ভীর ভাবে বলিল—না দিদি, আমরা দুটিতে নিরিবিলি বেশ ছিলাম, কোথা থেকে এক যোগ নয়ত গোলযোগ এসে জুটল ! দিদি, পাজি পাজিগুলো এত গোলযোগও বাধাতে জানে !

নৃত্যকালী একটু তিরস্কারের স্বরে বলিল—ছি, অমন কথা মুখে আনতে নেই । মাসিমা শুনতে পেলে কি ভাববেন ? তোরা বাড়ীতে ত আর ওঁরা চিরকাল থাকতে আসেন নি । তুই অত ব্যস্ত হচ্ছিস্ কেন ?

তরঙ্গিণী কেমন করিয়া বলিবে সে কেন ব্যস্ত হইতেছে । তাহার যে দুঃখ তাহা সহিবারও নয় বলিবারও নয় । তরঙ্গিণী বলিল—ব্যস্ত হব না ? খোকা হয়ে অবধি ত তুমি আমায় আগের মতন যত্ন কর না ; তার ওপর মাসিমা এসে ত তোমায় একদণ্ড কাছে পাওয়াই ভার হয়েছে । তুমি আর কারু বেশি যত্ন করলে আমার বড় রাগ হয় !

নৃত্যকালী হাসিয়া তরঙ্গিণীর চিবুক স্পর্শ করিয়া নিজের হস্ত চুষন করিয়া বলিল—হিংস্টে, ভয় নেই রে

সদানন্দের বৈরাগ্য

ভয় নেই, তোর দিদিকে তুই না ছাড়লে কেউ কেড়ে নিতে পারবে না।

ইহার পর তরঙ্গিণী নৃত্যকালীকে আর কিছু বলিতে পারিল না। সে আশ্তে আশ্তে গিয়া মাসিমার কাছে বসিয়া বলিল—মাসিমা, তুমি কবে বাড়ী যাবে?

—বাড়ী ত শিগগির যাবো দরকার। বাড়ীতে সব অবিলি করে' ফেলে ছাড়িয়ে রেখে এসেছি, ইহুরে বাদরে কি করছে তার ঠিক নেই। কিন্তু তোর ঘরকন্নারও ত একটা বিলিবন্দেজ না দেখে আমি নড়তে পারছি নে।

—আমার ঘরকন্নার বিলিবন্দেজ আমি করে নেব; তার জন্তে তোমার ঘরকন্যা অবিলি করে থাকতে হবে না মাসিমা।

—কেন, আমাকে তুই তাড়াতে পারলে যে বাঁচিস দেখছি!

তরঙ্গিণী অপ্রতিভ হইয়া বলিল—না তা কেন। তবে জামাইবাড়ী এতদিন এসে আছ, আমার ভারি লজ্জা করছে।

—জামাই কি কিছু বলেছে?

সদানন্দের বৈরাগ্য

—মা।

—তবে ঐ ডাইনি মাগী কিছু বলেছে বুঝি ! যাই দেখি একবার মাগীর ধুন্ধুড়ী ধুয়ে দিয়ে আসি ! যত বড় মুখ নয়, তত বড় কথা ! আমি কি তার বাপের বাড়ীতে এসেছি ?—এ আমার আপনার বোনঝির বাড়ী ! খুব করব আসব ! একবার কেন একশ বার আসব ! কোথায় সে শতেকখোয়ারী হারামজাদী মাগী !

তরঙ্গিনী বিরক্ত হইয়া বলিল—আঃ মাসিমা, কি কর ? দিদি কিচ্ছু বলেনি।

বামা হাসিয়া পরম বিস্ত্রভাবে বলিল—মুখে না বলুক মনে মনে বলেছে। ‘গুণ করে’ নিজের মনের কথাটা অ্যার মনে চালান করে দিইচে।

মাসিমা বলিল—বামা, আজকে ত শনিবার আছে। আজ সন্ধ্যাবেলা তোরা সেই জলপড়াটা তরুকে দিস ত ! গুণ-টুন-গুনো কেটে যাবে।

বামা বলিল—তাই খেয়ো দিদিমণি, তাই খেয়ো। বড় জবর জলপড়া। এ আমাদের গাঁয়ের বিন্দে হাড়ি তুটু গয়লাকে শিখিয়েছিল ; তার ঠেঞে মোর শিঞ্জে। এর

সদানন্দের বৈরাগ্য

ফল পেরতক্ষ হাতে হাতে দেখে নিয়ো। যেমন জলটুকু খাবে এমনি বুক এন্তক হিম হয়ে যাবে, প্রাণভা যেন জুড়োবে! আর যে নোক গুণ ওষুধ করেছে তাকে একেবারে বিষ নজরে দেখবে।

দিনের পর দিন অহরহ ও অহুক্ষণ এইরূপ মন্ত্র জপ শুনিতে শুনিতে ক্রমশ তরঙ্গিণীর মনও ভারাক্রান্ত হইয়া উঠিতে লাগিল। সতাই ত সতীন তাহাকে কেন ভালো-বাসিবে, সতীনকে কি কখনো ভালোবাসা যায়? যে স্বামীর ভাগ কাড়িয়া লইয়াছে তাহাকে ভালোবাসা কি সোজা কথা? আর-একজন মেয়ে যদি নোলক পরিয়া মল বাজাইয়া এখন তাহার স্বামীর হৃদয় জুড়িয়া বসে তবে কি তরঙ্গিণী তাহাকে একদণ্ডও বরদাস্ত করিতে পারে? সে তাহাকে নখে টিপিয়া মারিয়া তবে নিশ্চিস্ত হয়! নিজের ছেলে হয় নাই বলিয়া নৃত্যকালী তরঙ্গিণীকে ঘরে আনিয়াছিল; এক্ষণে তাহার ছেলেটি দখল করিয়া সে নিশ্চিস্ত হইয়া বসিয়াছে। ছেলে হওয়ার পর হইতে নৃত্যকালী ত বাস্তবিকই তাহাকে আর তেমন যত্ন করে না, তাহার খাওয়া পরা সম্বন্ধে আগের মতো খোঁজ খবর লয়

সদানন্দের বৈরাগ্য

না। সমস্ত সংসার তাহার মুঠার ভিতর, সে হাত তুলিয়া যাহা দেয় তাহাই তরঙ্গিনীর। পাছে তরঙ্গিনী নিজের সংসার দেখিয়া শুনিয়া বুঝিয়া লয় তাই তাহাকে নৃত্যকালী সংসারের একখানা কুটা ভাঙিয়া ছুথানা করিতে দেয় না। তরঙ্গিনীকে একটিও কাজ করিতে না দিয়া নৃত্যকালী যে একাই খাটিয়া মবে, ইহা ত তাহার মমতা নহে, পূরাদস্তুর স্বার্থপরতা! তরঙ্গিনীকে সমস্ত হইতে বঞ্চিত করিবার ফন্দি! সমস্তর না হোক, সে অর্দ্ধেকের ভাগী ত? অর্দ্ধেকেরই বা কেন? নৃত্যকালীকে অশ্রদ্ধা করিয়া ত্যাগ করিয়াই না তাহার স্বামী তাহাকে বিবাহ করিয়াছে? তাহার স্বামীর যে পুত্রধনের অভাব নৃত্যকালী হইতে মিটে নাই তাহা সেই না মিটাইয়াছে? সমস্ত তাহার—স্বামী তাহার, খোকা তাহার, ঘরকন্না তাহার! অথচ তাহার যেন কিছুই নয়—স্বামী যেন নৃত্যকালীর দয়ার দান, খোকা বাজেয়াপ্ত, ঘরকন্না বেদখল! ইহার প্রতিকার তাহাকে করিতেই হইবে।

এত কথা তরঙ্গিনী নিজে শুছাইয়া মনে ভাবিতে পারে নাই। তাহার মাসিমা ও মাসিমার সহচরী বামা বিনাইয়া

সদানন্দের বৈরাগ্য

বিনাইয়া গুছাইয়া গুছাইয়া তাহার মনের সম্মুখে এই-সমস্ত কথা দিনের পর দিন সাজাইয়া ধরিতেছিল।

তরঙ্গিণী মুখ ভার করিয়া থাকে। নৃত্যকালী যদি জিজ্ঞাসা করে—তরি, তোর হ'ল কি? অমন করে' থাকিস কেন?

তরঙ্গিণী বলে—না, কিছু ত হয়নি। শরীরটা ভালো নেই।

প্রথম-প্রথম নৃত্যকালী মনে করিত যে মাসিমা এতদিন আছে বলিয়া বোধ হয় তরঙ্গিণী কুণ্ঠিত ও বিরক্ত হইতেছে। কিন্তু সে অল্প লক্ষ্য করিয়াই বুঝিল যে তাহার অসুস্থমান যথার্থ নয়; এখন তরঙ্গিণী সদাসর্বদাই তাহার মাসিমার কাছে কাছেই থাকে; তিনজনে মিলিয়া সর্বদাই ফিসফিস গুজগুজ হয়, নৃত্যকালীকে দেখিলেই চুপ করে। নৃত্যকালী বুঝিল যে একটা কিছু ষড়যন্ত্র চলিতেছে, কিন্তু সে তরঙ্গিণীকে কিছুই জিজ্ঞাসা করিতে পারিল না।

তরঙ্গিণীর মনে বদ্ধমূল ধারণা হইয়া গেল যে নৃত্যকালী এতদিন তাহাকে নিছক ঠকাইয়া আসিয়াছে। এখন সংসারের ভার তাহার নিজের হাতে না লইলে নয়। তখন

সদানন্দের বৈরাগ্য

তাহার মনে পড়িল যে নৃত্যকালী একদিন তাহাকে বলিয়াছিল যে যেদিন তাহার ইচ্ছা হইবে মুখ ফুটিয়া বলিলেই সে সংসার হইতে সরিয়া যাইবে ।

তরঙ্গিণী আশু আশু গিয়া নৃত্যকালীর কাছে বসিল । নৃত্যকালী একবার তাহার গম্ভীর মুখের দিকে চাহিয়া বলিল—তরি, এতদিনে দিদিকে মনে পড়ল ? এখন আর দিদির কাছে থাকতে ভালো লাগে না, না ?

তরঙ্গিণী বাঁ হাতের বালা ডান হাত দিয়া ঘুরাইতে ঘুরাইতে বলিল—দিদি, ভাঁড়ার-ঘরের আর সিন্দুকের চাবিগুলো আমাকে দাও ।

নৃত্যকালী তাহার কথার অর্থ না বুঝিতে পারিয়া বলিল—কেন, কি নিবি ?

তরঙ্গিণী মাথা নত করিয়া বলিল—কিছু নেব না ।

—তবে ?

—চাবিগুলো আমার কাছেই রাখব ।

—তা হলে সংসার থেকে আমায় এতদিনে ছুটি দিচ্ছিস ?

—হ্যাঁ ।

সদানন্দের বৈরাগ্য

নৃত্যকালী হাসিয়া তরঙ্গিনীর মুখচুষন করিয়া বলিল—
আঃ! বাঁচলাম তরি! তোর ঘরকন্না তোরই ত দেখা
উচিত। এই নে চাবি। কিন্তু খোকাকে কেড়ে নিসনে,
লক্ষ্মী বোন আমার!

নৃত্যকালীর চোখ হইতে বড় বড় ফোঁটায় দরদর ধারে
অশ্রু গড়াইয়া পড়িতে লাগিল।

তরঙ্গিনী সেখানে আর থাকিতে না পারিয়া উঠিয়া
পড়িল। সে চলিয়া যাইতেছে দেখিয়া নৃত্যকালী
তাড়াতাড়ি আঁচলে চোখ মুছিয়া বলিল—তরি, চাবি যে
পড়ে রইল!

তরঙ্গিনী বলিল—না দিদি, চাবি আমার চাইনে। ও
তোমারই থাক।

কোথা হইতে মাসিমা তাড়াতাড়ি বাহির হইয়া
চাবিগুলি হস্তগত করিয়া বলিল—তরু, বড় মেয়ে তোকে
চাবি দিচ্ছে, নে। কেমন মেয়ে বাছা, বড় মেয়ে চাবি
রাখবে না, তুই রাখবি নে, ত রাখবে কে? থাক তবে
আমারই কাছে।

মাসিমা চাবিগুলি লইয়া তরঙ্গিনীর পশ্চাৎ পশ্চাৎ

সদানন্দের বৈরাগ্য

প্রস্থান করিল। নৃত্যকালী অবাক হইয়া মাসিমার গমন-পথের দিকে চাহিয়া বসিয়া রহিল।

মাসিমা গিয়া তরঙ্গিনীকে ভৎসনা করিয়া বলিল—
ত্বাকা মেয়ে কোথাকার ! ডাইনির চোখের মায়া-কান্না
দেখে অমনি গলে' গেলেন ! ভাগ্যিস আমি কাছাকাছি
ছিলাম !

বামা বলিল—সব ত লিলে, কিন্তু মাগীর প্যাটারটা
ত দেখলেনি। ঐটার মধ্যে ও সব লুকিয়ে রেখে দিইচে।

মাসিমা বলিল—ভালো বলেছি সু বামা ! দেখ তরু,
মাগীটার প্যাটার একবার খুলে দেখে নিগে যা।

তরঙ্গিনী জোরে ঘাড় নাড়িয়া দৃঢ়স্বরে বলিল—সে
আমাকে দিয়ে হবে না মাসিমা।

—তবে আমি বলিগে।

—না মাসিমা, খবরদার ও রকম ক'রে দিদিকে অপমান
করলে আমি মাথায় কাটারী মেরে রক্তগঙ্গা হব।

মাসিমা অমনি নাকি কান্নার সুরে বলিয়া উঠিলেন—
ওমা, কি সর্ব্বনেশে কথা বলিস তরু ! যার জন্তে চুরি করি
সেই বলে চোর ! কি জ্বর ডাইনি ও মাগী ! তোকে

সদানন্দের বৈরাগ্য

একেবারে বশ করে' ভেড়া করে রেখেছে ! তোর যা-খুসি করগে যা ; কালকে আমি বাড়ী চলে যাব । কেন রে বাপু—নিজের সব বইয়ে ছইয়ে পরের জন্তে বুকের রক্ত জল করা !

মাসিমা ক্রমশ ফোঁস-ফোঁস করিতে করিতে চক্ষে অঞ্চল আরোপ করিল । বামাও চোখ মুছিতে লাগিল ।

তরঙ্গিণী শক্ত হইয়া দাঁড়াইয়া রহিল ; একটিও মাঙ্গনার কথা বলিল না ।

পর দিন মাসিমার বাড়ী যাইবার কোনো উত্তোগই দেখা গেল না । বরং উন্টা মাসিমা ভাঁড়ার-ঘরের চাবি হাতে পাইয়া সংসারের বিলিবন্দেজ করিতে মনঃসংযোগ করিল । রোজ দুধলওয়া হয় দুই সের—এক সের খোকা খায়, আধ সের খোকায় বাবা খায়, বাকি আধ সের নৃত্যকালী ও তরঙ্গিণী খাইত । মাসিমা আসার পর নৃত্যকালীর ছুধের ভাগ মাসিমার বরাদ্দ হইয়াছিল । সেই বরাদ্দই কায়েমী হইয়া গেল । রাত্রে সকলেই লুচি খাইত ; এখন নৃত্যকালীর জগু ভাতের বরাদ্দ হইল—এয়োজ্জী মানুষের ছবেলা ভাত খাওয়াই ত উচিত । মাসিমা বিধবা মানুষ তাঁহার লুচি ত না খাইলেই

সদানন্দের বৈরাগ্য

নয়। বছরে চারখানা কাপড়ের বেশি কেনা বাজে খরচ, ফোতো নবাবী—নৃত্যকালীর বাসন্ত্যভরা কপড় আছে, পূজার সময় তাহার আর নূতন কাপড় কেনার দরকার নাই। নৃত্যকালী দোক্তা খায় বলিয়া তাহার পানের খরচ বেশি—নেশা ভাঙ যাহার করিতে হয় সে নিজের খরচে করুক, সংসার হইতে সে বাজে খরচের জন্ত পয়সা কেন পাইবে? বাড়ীতে দুজন দাসী ছিল, একজন সংসারের ঘরকন্নার কাজ করিত, আর একজন দুই বৌ-এর কাজ করিত—এখন একজন ঘরকন্নার কাজ করিয়াই ছুটি পায় না, অপরজন তরঙ্গিণীর কাজ করিয়া মাসিমার বাতে তেল মালিশ করিয়া ও মাথার পাকা চুল তুলিয়া সময় পায় না।

নৃত্যকালী কিন্তু হাসিমুখেই এ-সমস্ত সহ্য করিতেছিল। সে একদিনে দোক্তা আর পান খাওয়া ছাড়িয়া দিল; নিজের কাপড় সে নিজে কাচে; অশ্রদ্ধার দানও সে হাসিমুখে গ্রহণ করে। কেহ তাহাকে কাজ করিতে দেখিয়া কারণ জিজ্ঞাসা করিলে বলে—বাড়ীতে ছুটি বৈ ত ঝি নেই, কুটুম্ব মানুষ বাড়ীতে, পাছে তাঁহাদের কষ্ট হয় তাই ঝিয়েদের গুঁদের কাছে-কাছেই থাকতে বলে দিয়েছি।

সদানন্দের বৈরাগ্য

এইরূপ বিলিবন্দেজ করিয়া মাসিমা যখন দেখিল যে নৃত্যকালী কোনো আপত্তি তুলিল না, জামাইয়ের কানেও এ কথা উঠিল না, তখন সে সাহস পাইয়া তরঙ্গিণীর কানে মন্ত্রজপ করিতে শুরু করিয়া দিল—দেখ তরু, তুই কি ভাব-
ছিস জানিনে, আমি তোরাই ভালোর জন্তে সংসারের খরচ কমিয়ে আনছি—যে দুপয়সা বাঁচবে সে তোরাই, আমার কি বলনা ! কিন্তু মাগী কি সয়তান, টু শব্দটি করছে না ! ও কি তুচ্ছতাক করবার মতলবে আছে। তোরা সোয়ামীর কাছে তোরা যে আদর সে তোরা খোকার জন্তেই না ? নইলে ও হ'ল গিয়ে ওর সময়ের বৌ, ওর ওপর সোয়ামীর যতখানি টান হবে ততখানি কিছু আর তোরা ওপর হবে না। এখন খোকার কোনো রকম ভালো-মন্দ করিতে পারলেই ওর মনস্কামনা সিদ্ধ হয়। এখন খোকাকে ও ওর ত্রিসীমানায় যেতে দেওয়া ঠিক হবে না। দেখিস্নে খোকাকে সামনে বসিয়ে একদৃষ্টে হাঁ করে কেমন তাকিয়ে থাকে।

তরঙ্গিণীর বুকের মধ্যে ছাঁত করিয়া উঠিল। বাস্তবিক ত সে দেখিয়াছে নৃত্যকালী খোকাকে সামনে বসাইয়া

সদানন্দের বৈরাগ্য

একদৃষ্টে তাকে দেখে। তাই সে তাড়াতাড়ি জিজ্ঞাসা করিল—অমন করে তাকিয়ে থাকলে কি হয় ?

বামা বলিল—বুকের রক্ত শুষে লেয় গো বুকের রক্ত শুষে লেয় ! মন্তর পড়ে' সাত দিন তাকালেই হাতি মালট খায়, ও ত একরত্তি বাচ্চা ! আমাদের গাঁয়ের ইচ্ছে বুড়ী অমনি করে' আমার ভাস্কর-পোর পেরাণ্ডা শুষে খেয়েছিল—না গা মা ঠাকুরণ, তুমি ত সব জান !

মাসিমা মুখ অত্যন্ত স্নান করিয়া দীর্ঘনিশ্বাস ফেলিয়া বলিল,—হাঁ মা, জানি বলেই ত ভাবনা ! কিন্তু তরু ত কথা শুনবে না। জামাইকে বলে' ওকে এফুনি বাড়ী থেকে বিদেয় করে দেওয়া উচিত।

মাসিমার অবিজ্ঞাম মস্ত্র জপে তরঙ্গিণীর মন নৃত্যকালীর উপর বিরূপ হইয়া উঠিলেও সে একবার বাঁকিতেছিল, এক-একবার দিদির প্রাণ-ঢালা স্নেহ স্মরণ করিয়া সমস্ত বিরূপ ভাব মন হইতে ঝাড়িয়া ফেলিতে চেষ্টা করিতেছিল ; কিন্তু যখন তাহার বিশ্বাস জন্মিল যে তাহার মৌভাগ্যের নিদান বুক-চেরা ধন থোকাকে প্রাণে মাণিবার জন্ত নৃত্যকালী চেষ্টায় আছে, তখন তরঙ্গিণীর মন নৃত্যকালীকে একেবারে

সদানন্দের বৈরাগ্য

বিষের মতো বোধ করিতে লাগিল। তাড়াতাড়ি তরঙ্গিণী স্বামীকে গিয়া বলিল—ওগো শুনেনা, বড়গিন্নি আমার খোকাকে রোজ তুক করে……

নৃত্যকালী কিছু না বলিলেও তাহার স্বামী অনুমানে বুঝিতে পারিতেছিল যে মাসিমার ব্যবহার নৃত্যকালীর প্রতি বিশেষ হৃদয় ত নহেই, বরং নৃত্যকালী যেন কিছু উৎপীড়িত হইতেছে। মাসিমা আড্ডা গাড়িয়া বসিয়া তাহাদের স্নেহের সংসারের মধ্যে বিশৃঙ্খলা ঘটানোতে তরঙ্গিণীর স্বামী তরঙ্গিণীর উপরও একটু বিরক্ত হইয়াই ছিল, মনে করিতেছিল সেই বোধ হয় মাসিমাকে ধরিয়া বাড়ীতে রাখিয়াছে। তাই এখন তরঙ্গিণীকে নৃত্যকালীর নামে লাগাইতে শুনিয়া তাহার কথায় বাধা দিয়া রাগ করিয়া বলিয়া উঠিল—যাও যাও যাও, ওসব ছোটলোকের মতন কথা শুনতে চাইনে। ও বুকের রক্ত জল করে তোমার ছেলে মাতুষ করেছে কি না, তার এই পুরস্কার! কে তোমাকে এসব শেখাচ্ছে? আগে ত তুমি এমন খোলো ছিলে না। ফের ও রকম কথা মুখে

সদানন্দের বৈরাগ্য

আনন্দের ঝাড়ে মূলে সবাইকে একদিনে একসঙ্গে দূর করে' দেবো !

সূত্রপাতেই স্বামীর নিকট তিরস্কৃত হইয়া তরঙ্গিণী কাঁদিয়া গিয়া মাসিমার কাছে পড়িল। মাসিমা সব শুনিয়া বলিল—এ-সমস্তই ঐ ডাইনি মাগীর খেলা ; ও মস্তর পড়ে' ! তোরা ওপরে জামাইয়ের মন চটিয়ে দিচ্ছে। হয় নয় তুই ভেবে দেখ—জামাই কি কখনো তোকে এমন করে' একদিনও বকেছে ? তরঙ্গিণী দেখিল; সত্যই ত, স্বামী শুধু সোহাগই করিয়াছে, তিরস্কার আজ এই প্রথম এবং অতি অকস্মাৎ ! তখন তরঙ্গিণী ব্যস্ত হইয়া বলিল—তাইত মাসিমা, তবে কি হবে ?

মাসিমা গম্ভীর ভাবে বলিল—আমি ত বাছা কবে থেকে পয় পয় করে বলছি যে বিঘদাত চেপে বসবার আগে সাবধান হ। এখন ও কামড়ে ধরেছে—তোরা কপাল ভাঙতে আর দেরি নেই। সোয়ামীর মন কেড়ে নিলে, ছেলে কেড়ে নিলে, তোরা আর থাকল কি ! আহা, ছেলে নয় ত যেন রাজপুত্র ! রোগে ভোগে মরে, সহ হয়, এ আলটপকা গিলে খাবে গা !

সদানন্দের বৈরাগ্য

‘সৰ্বনাশের সম্ভাবনায় শিহরিয়া উঠিয়া তরঙ্গিণী কাদিয়া
মাসিমার পায়ে পড়িয়া বলিল—মাসিমা, আমার খোকাকে
তুমি বাঁচাও !

মাসিমা দীর্ঘনিশ্বাস ফেলিয়া বলিল—বাঁচাই আর কেমন
করে’ মা—মাগীর চোখের আড়াল না করলে শিবের সাধ্য
নেই যে বাঁচায় । একেবারে মক্খম কামড় কামড়েছে !
ছেলে দিনকের দিন একেবারে নীলমুষ্টি হয়ে উঠছে
দেখত্ভিস নে ?

তরঙ্গিণী ব্যস্ত হইয়া বলিল—তবে মাসিমা আমি
খোকাকে নিয়ে তোমার সঙ্গে পালিয়ে যাই চল ।

মাসিমা হতাশ ভাবে ঘাড় নাড়িয়া বলিল—না মা, তাতেই
কি নিস্তার আছে ! খোকার নাড়ী পৌঁতা যে এখানে !
নাড়ীর টানে ঐ প্রাণপুরুষকে টেনে বার ক’রে আনবে !

তরঙ্গিণী ভয়ে একেবারে মূৰ্ছিতপ্রায় হইয়া বলিল—
মাসিমা, তবে উপায় ?

—উপায় এক-মাস্তুর ঐ মাগীকে সরানো ।

—কেমন করে’ সরাব ? ওঁকে বলতে গেলাম...

বামা বলিয়া উঠিল—লা লা, অমন ক’রে নয় ।

সদানন্দের বৈরাগ্য

ডাইনিকে কি অমন ক'রে সরায় ? তুচ্ছ তরিবৎ করে
সরাতে হয়।

তরঙ্গিণী ব্যস্ত হইয়া বলিল—তুই কিছু জানিস বামা ?

বামা ঘাড় কাত করিয়া আতার বীচির মতো মিশি-
দেওয়া কালো কালো দাঁত বাহির করিয়া বলিল—হি :
তেরোস্পর্শ দিনে তেমাথা পথের ওপর ঘেঁটকল আর
নিব্বিষয়ী দিয়ে ঘেঁটুঠাকরণের পূজো করতে হবে ;
উপোষ করে ভরসঙ্কোবেলা ঠিক যেই একটি তারা উঠেছে
অমনি একটা আফলা শিমূল গাছের কাছে এক পায়ে
দাঁড়িয়ে সাতটা পাতা তুলতে হবে, আর মন্তুর বলতে হবে—

শিমূল, শিমূল, শিমূল !

শত শতুর নির্মূল !

আঠায় কাঁটায় ভরা গা,

শত শতুরের মাথা থা !

আঠায় আঁটো

কাঁটায় বেঁধো,

যে আমার সঙ্গে শতুরতাই সাধে

তার সঙ্গে শতুরতাই সেধো !

সদানন্দের বৈরাগ্য

তান্নপর সেই সাতটি পতর মাথায় করে নিয়ে গিয়ে উলুঙ্গ হয়ে জলে যমের ছয়োর দক্ষিণমুখো হয়ে একটা ডুব দিতে হবে। পাতা সাতটি ভেসে উঠলেই বুঝবে যে নিষিষধী হয়েছে ; আর, একটি পাতাও যদি মাথায় লেগে থাকে তবে বুঝবে যে কামড় তখনো ছাড়েনি।

মাসিমা তাড়াতাড়ি বলিল—তোর সেই পাগলাকালীর গুঁড়োটা তরুকে দিস না ? যত-বড়ই ডাইনি হোক, মা কালীর কাছে আর বড়াই খাটবে না।

বামা বলিল—হ্যা ছাথ ! ডাকিনী যোগিনী হল গে মা-কালীর দাসী, মা-কালীর কাছে তাদের আবার বড়াই কি ? বড়ি মনে করেত মাঠাকরুণ ! সেই গুঁড়োর একরত্তি দিলেই যত-বড় ডাইনি হোক চোখ উল্টে পড়তেই হবে। সে গুঁড়ো কি আমি কম কষ্টে জোগাড় করেছিলাম ? গয়েসপুরের কালীর মোহন্তকে একবোতল মদ দিয়ে ছিদাম মোড়ল এনেছিল—বললে না পেত্য যাবে, অমাবস্তুর রাত্রে চাঁড়ালের মাথার খুলিতে চিতার আগুনে মদ দিয়ে ঐ ওষুধ তৈরি ! ওর কি কম মাহাত্ম্য !

এই বলিয়া বামা করজোড়ে উদ্দেশে কি জানি কাহাকে

সদানন্দের বৈরাগ্য

প্রণাম করিল। দেখা-দেখি মাসিমাও প্রণাম করিল।
ভয়ে ভয়ে তরঙ্গিণীও করিল।

তরঙ্গিণী বলিল—সে কি গুঁড়ো ? বিষ-টিষ নয় ত ?

বামা বলিল—আরে রাম রাম ! বিষ লয়, বিষ লয়।
মা-কালীর পেরসাদ, চরণধূলি !

স্থির হইয়া গেল বামার উপদেশ অমুসারে তরঙ্গিণী
নৃত্যকালী ডাইনিকে ঝাড়াইয়া ভিটাছাড়া করিবে।

একাদশীর দিন সমস্ত তুকতাক করিয়া তরঙ্গিণী এক
বাটি ছুধের সঙ্গে একটা শাদা গুঁড়ো মিশাইয়া রাখিল,
রাত্রে নৃত্যকালীকে খাইতে দিবে, সকালে সে চক্ষু উন্টা-
ইয়া পড়িয়া থাকিবে। তরঙ্গিণী বার বার করিয়া জিজ্ঞাসা
করিল—হ্যাঁ বামা, ও বিষ-টিষ নয় ত ?

বামা বলিল—বিষ কেনে হবেক গো ? আমরা কি
মামুষ খুন করি ?

তরঙ্গিণী ভয়ে বিবর্ণ মুখে বলিল—দেখিস বামা,
হিত করতে যেন বিপরীত না হয়।

বামা জোর দিয়া বলিল—লা গো লা, তোমার কিছু
ভয় লেই।

সদানন্দের বৈরাগ্য

সন্ধ্যার পর নৃত্যকালী রান্নাঘরে খোকার দুধ আনিতে গেল। তাকে রান্নাঘরে যাইতে দেখিয়াই তরঙ্গিনী জিজ্ঞাসা করিল—দিদি, কি নেবে ?

—খোকার দুধ।

—খোকার দুধ ঐ ক্ষিত্তুরে বাটিতে আছে। ঐ সরফুলে বাটির দুধ নিয়ে না যেন, ও দুধ তোমার জন্যে আছে।

নৃত্যকালী বিস্মিত হইয়া ফিরিয়া বলিল—আমার জন্যে ! আমি কি দুধ খাই ?

তরঙ্গিনী খতমত খাইয়া অপ্রতিভ হইয়া বলিল—মাসিমার আজ একাদশী কি না, তাই একটু রেখেছি।

নৃত্যকালী আর কিছু না বলিয়া রান্নাঘরে গিয়া দু-বাটির দুধ এক করিয়া খোকারে খাওয়াইতে লইয়া গেল।

তরঙ্গিনী দেখিল যে নৃত্যকালী জগন্নাথী বাটিতেই দুধ লইয়া গেল। কিন্তু তাহার মন অত্যন্ত চঞ্চল হইয়া উঠিল। সেই শাদাশুঁড়ো মা-কালীর চরণরেণু বলিয়া এতক্ষণ মনকে বোকা বুঝাইবার চেষ্টা করিলেও, ভুলক্রমে খোকার তাহা খাওয়ার সম্ভাবনা মনে করিয়া তরঙ্গিনী ব্যস্ত ও চঞ্চল হইয়া

সদানন্দের বৈরাগ্য

উঠিল। সেই শাদা গুঁড়া যে বিষ, ইহা এখন সে নিজের মনের কাছে কিছুতেই অস্বীকার করিতে পারিল না। সে ভাবিতে লাগিল শাদা গুঁড়া মিশাইয়াছিল সরফুলে বাটিতেই ত ঠিক? শ্রীক্ষেত্রের বাটিতে ত নয়? ভাবিতে ভাবিতে তাহার সমস্ত গোলমাল ঠেকিতে লাগিল—একবার মনে হয় শ্রীক্ষেত্রের বাটিতে গুঁড়া মিশাইয়াছে, একবার মনে হয় সরফুলে বাটিতে। সে ব্যস্ত হইয়া রান্নাঘরে যে বাটি আছে তাহাতে আঙুল দিয়া দেখিতে গেল তলায় গুঁড়া থিতাইয়া আছে কি না। বাটিতে আঙুল দিতেই দেখিল বাটিতে দুধ নাই, বাটির তলায় গুঁড়া কিচকিচ করিতেছে! তরঙ্গিণী একেবারে পাগলের মতো হইয়া ঝড়ের বেগে ঘর হইতে ছুটিয়া যাইতে যাইতে চীৎকার করিয়া বলিয়া উঠিল—দিদি, ও দুধ খোকাকে খাইয়ো না, খোকাকে ও দুধ খাইয়ো না!

তরঙ্গিণী ছুটিয়া আসিয়া দালানে উঠিয়া দেখিল নৃত্যকালী খোকাকে কিছুকে করিয়া দুধ খাওয়াইতেছে। তরঙ্গিণী বাঘিনীর মতো কাঁপাইয়া পড়িয়া একহাতে নৃত্যকালীর হাত চাপিয়া ধরিয়া অপর হাতে বাটি তুলিয়া

সদানন্দের বৈরাগ্য

এক নিশ্বাসে সমস্ত দুধটা নিজে খাইয়া ফেলিয়া বাটিটা দূরে আছড়াইয়া ফেলিয়া দিল।

নৃত্যকালী হাসিয়া গড়াইতে গড়াইতে বলিল—আ মর পোড়ারমুখী, তুই দিনকের দিন পাগল হচ্ছিস নাকি, ছেলের দুধটা খেয়ে ফেলি, আমি এখন খোকাকে কি খাওয়াই বল ত ?

এতক্ষণে তরঙ্গিণী নিশ্বাস লইয়া উচ্ছ্বসিত হইয়া কাঁদিয়া উঠিয়া নৃত্যকালীর পা ধরিয়া বলিল—দিদিগো, সন্ন্যাসীদের কথা শুনে দুধে আমি বিষ দিয়েছিলাম তোমায় খাওয়াব বলে। তার ফল আমি হাতে হাতে পেলাম। দিদি তোমার খোকাকে তুমি বাঁচাও।

নৃত্যকালী তাড়াতাড়ি খোকার গলায় আঙুল দিতেই খোকা যে দু বিন্দুক দুধ খাইয়াছিল তুলিয়া ফেলিল। স্বস্থ সবল খোকা অল্পক্ষণ একটু অবসন্ন হইয়া থাকিয়া চাঙ্গা হইয়া উঠিল। কিন্তু ডাক্তারের চেষ্টাতেও তরঙ্গিণী বাঁচিল না। তরঙ্গিণী অজ্ঞান হইয়া পড়িতে পড়িতেও ক্ষীণকণ্ঠে একবার জিজ্ঞাসা করিল—দিদি, খোকা বাঁচবে ?

নৃত্যকালী তরঙ্গিণীর ভূমিলুপ্তিত মস্তক কোলে তুলিয়া

সদানন্দের বৈরাগ্য

লইয়া কঁাদিতে কঁাদিতে বলিল—বাঁচবে তরি বাঁচবে ।
তুইও বেঁচে উঠে তোর খোকাকে তুই নে, আমি আর
তোর খোকার ভাগ নেব না ।

তরঙ্গিণী আশ্বস্ত হইয়া নিশ্বাস ফেলিয়া বলিল—আঃ ।
দিদি, তোমার খোকা, তোমারই রইল ! আমার অপরাধ
ক্ষমা করো ! পায়ের ধুলো দাও দিদি ! একবার গুঁকে
ডাক, পায়ের ধুলো নেব !

এমন সময় মাসিমা ডুকরাইয়া কঁাদিয়া আসিয়া পড়িল
—ওরে তরু রে, এ কি সর্বনাশ হল রে !

তরঙ্গিণী নৃত্যকালীর দিকে বিষাবিষ্ট স্নান দৃষ্টি ফিরাইয়া
বলিল—আঃ দিদি ! ওদের এখান থেকে দূর করে' দাও !



রামধনের কীর্তি

রামধন মণ্ডল বরিশালের কোনো ক্ষুদ্র পল্লীগ্রামে জন্মগ্রহণ করে। দারিদ্র্য ও অভাবের সঙ্গে যুদ্ধ করিতে করিতে সে অজ্ঞাতনামা স্থল হইতে এণ্ট্রান্স পাশ করিয়া দশটাকা জলপানী পাইল ; এবং কলেজে পড়িতে বরিশালে গেল।

তাহার পিতা তাহাকে কিছু সাহায্য করিতে পারিত না। অগত্যা তাহাকে ছেলে পড়াইয়া আরো তিনটি টাকা উপার্জন করিতে হইত। সুতরাং জলপানীর টাকাটা দানাপানিতেই ব্যয় করিতে হইত ; জলপানী ব্যাপারটার জল্পনা দরিদ্রের মনে স্থান পাইত না।

ত্রিসংসারে তাহার বৃদ্ধপিতা ভিন্ন আর কেহ ছিল না। যত্ন ব্যতীত সেই একমাত্র আশ্রয়ও কাড়িয়া লইবার উপক্রম করিতেছিল, তখন বালক রামধন বড় কাতর হইয়াছিল। পুত্রকে রুদমুখ দেখিয়া বৃদ্ধ বলিল “বাবা রামধন, ঠিক আমার এই বিছানার নীচে তিনটা বোগনোভরা পাঁচ

সদানন্দের বৈরাগ্য

হাজার টাকা আছে, তারাই তোমার সহায় ও আশ্রয় হবে, ভয় কি বাবা। তুমি যদি বুঝে স্বখে চলতে পার, তোমার ভাবনা কি?”

রামধন মনে করিল, ইহা বিকারের প্রলাপ। সারাজীবন যে অন্নকষ্ট ও বস্ত্রকষ্ট পাইয়া জীর্ণ পর্ণকুটীরে লালিত হইয়াছে, সে একেবারে পাঁচহাজার টাকা প্রাপ্তির কথা প্রলাপ ও স্বপ্ন বলিয়া মনে করিবেই ত।

তথাপি পিতার মৃত্যুর পর কৌতূহলবশে ঘরের মেঝে খুঁড়িয়া দেখিল, তিনটি পিতলের হাঁড়ির মুখে লোহার তাওয়া ঢাকা রহিয়াছে। ঢাকা সরাইতেই বরদ সহস্র-লোচন ইন্দের মতো মুদ্রাগুলির সহিত রামধনের শুভদৃষ্টি হইল। প্রথম প্রণয়প্রসঙ্গভীতা নবোঢ়ার মতো রামধনের অন্তরটা ছক্‌ছক্‌ করিয়া উঠিল।

রামধন স্থির করিল, এই টাকা লইয়া সে কলিকাতায় গিয়া ভালো করিয়া লেখাপড়া করিবে।

যথা চিন্তা, তথা কাজ। বরিশালের কলেজ হইতে ট্রান্স্ফার লইয়া একেবারে কলিকাতা প্রেসিডেন্সি কলেজে

সদানন্দের বৈরাগ্য

গিয়া ভর্তি হইল এবং হিন্দু-হোষ্টেলের ত্রিতলে একা একট ঘর লইয়া বাসস্থাপন করিল।

রামধন অতি অল্পকালের মধ্যে মহাধনবান বলিয়া খ্যাত হইয়া উঠিল। সে কলেজের ব্যায়াম বিভাগের চাঁদা দিয়া নিয়মিত ব্যায়াম করিত এবং ব্যায়ামান্তে পেস্তা কিশ্মিশ বাদাম আখরোট চালগুজা সরভাজা পেট ভরিয়া খাইত এবং সর্দাদিগকে খাওয়াইত। কারণ ব্যায়ামান্তে পুষ্টিকর খাদ্যহার শাস্ত্রের ব্যবস্থা।

অহোরাত্রে পাঁচবার চা খাওয়ার জন্ত হোষ্টেলময় ধন্য ধন্য পড়িয়া গেল। মোতাতের সময় প্রসাদপ্রার্থী অনেক বন্ধু জুটিত। বনমালী জলখাবার জোগাইয়া উঠিতে পারিত না; ব্রজঠাকুর চপ্ কট্লেট ভাজিতে ভাজিতে পরিশ্রান্ত হইয়া উঠিত; রজনী বেচারার মোড়া লেমনেড জোগাইতে দশবার তেতলা উঠানামা করিতে পায়ে বাত ধরিয়া গেল। ভজহরির কুল্লিবরফ এবং বাথ্‌গেটের পাইন্‌এপ্ল্ পানীয় না হইলে রামধনের সাক্ষ্য মজ্জলিস ভালো জমিত না। প্রত্যহ চার পয়সার মাখনের পাতামোড়া ঠোঙা ঝুলাইয়া ভোজনাগারে যাইত এবং

সদানন্দের বৈরাগ্য

আপনার পার্শ্ব ও সম্মুখবর্তী বন্ধুবান্ধবদের মধ্যে কিয়দংশ বিতরণ করিয়া দিত। এইরূপে রামধনের প্রসার ও খ্যাতি খুব জমিয়া উঠিল।

রামধনের বিশেষত্ব সকল দিকে। হেয়ারকাটার চুল ছাটিত! লেড্‌ল কোম্পানি শার্ট জোগাইত; নৃত্য ধোপা তিন দিন অন্তর কাপড় কাচিত; এবং দস্তমজ্ঞন হইতে সাবান এসেন্স পর্য্যন্ত রামধনের চেরিলসমের প্রতি পক্ষপাতিত্ব দেখা যাইত।

রামধন যখন সন্ধ্যার পর বেড়াইয়া ফিরিত তখন বামহস্তের দিব্য ইঞ্জিকরা চক্চকে শার্টের কফের উপর বেলফুলের কুণ্ডলিত মালা মুহূ স্নিগ্ধ গন্ধ বিতরণ করিত। শনি-রবিবারে থিয়েটার কামাই যাইত না; এবং বিলাসিনীদিগকে পুষ্পার্ঘ্য দিতে সে মুক্তহস্ত ছিল। ম্যাক্‌বেথ অভিনয় দেখিতে কাহাকেও পুষ্পার্ঘ্য দিবার অবসর না পাইয়া (লেডি ম্যাক্‌বেথকে উপহার দিতে তাহার বোধ হয় সাহসে কুলায় নাই) বিকৃতদর্শন ডাইনী পিশাচীদের শ্রীশ্রীচরণকমলেষু পুষ্পাঞ্জলি দিয়া দর্শকদের রক্তহাস্তাহত হইয়া বেচারী বড় ব্যথা পাইয়াছিল; কিন্তু

সদানন্দের বৈরাগ্য

সে বুঝিয়াছিল “তোমরা সবাই ভালো, কেউবা দিবি
গৌরবরণ, কেউবা দিবি কালো।”

রামধন হোষ্টেলে আসার পর অনেককে মনিব্যাগের
বন্ধন বড় একটা খুলিতে হইত না। কিন্তু রামধনের
ব্যাগ অনাসক্ত নিত্যমুক্ত হইয়া মোক্ষপথে অগ্রসর
হইতেছিল। এবং বনমালী, ব্রজ, রজনী ও ভজহরির
ট্যাক যে পরিমাণে ভারী হইতেছিল, ঠিক সেই অনুপাতে
শ্রীমান রামধনের ব্যাগ লঘু হইতেছিল।

রামধন দেখিল যে তৎপাঠিত রসায়নশাস্ত্রে টাকার
উবায়ু সংজ্ঞা না থাকিলেও, টাকা নিতান্ত উবায়ু। বৎসর
ফিরিতে না ফিরিতে পঞ্চসহস্রের মধ্যে পঞ্চশত মুদ্রা রহিল
কি না সন্দেহ। তখন রামধন ধার লইতে আরম্ভ করিল।
বাজারে তাহার নামডাক যথেষ্ট। প্রথম প্রথম বেশ ধার
মিলিতে লাগিল।

কলেজের বেতন, হোষ্টেলের খাই খরচ, পরীক্ষার ফি
প্রভৃতি অবশ্য নগদ দেয় বিষয়ে খরচ করিতে করিতে অবশিষ্ট
অর্থও শীঘ্র নিঃশেষের অভিমুখী হইল।

তখন বনমালী, ব্রজ, রজনী, ভজহরি, নৃত্য প্রভৃতি

সদানন্দের বৈরাগ্য

পাণ্ডনাদারেরা তাগাদা আরম্ভ করিল। তাগাদা প্রথমে অমুরোধ, তৎপরে অমুযোগ, অবশেষে আক্ষালনে পরিণত হইল। প্রথম প্রথম বন্ধুবান্ধবদের নিকট হইতে কিছু কিছু হাওলাত লইয়া পাণ্ডনাদারদের খামাইল। কিন্তু অবশেষে বন্ধুদের নিকটও ঋণ দুপ্রাপ্য হইল।

চারিদিকে শাণিত-তাগাদা-শরবর্ষা চতুর্দশ রথীতে আক্রান্ত হইয়া বেচারী রামধন একদা রাত্রে যুদ্ধে পৃষ্ঠপ্রদর্শন করিয়া একেবারে শিয়ালদহ ষ্টেশনে এবং সেখানে প্রথম চলিষ্ণু ট্রেন ডায়মণ্ড-হারবারের দেখিয়া একখানা টিকিট কিনিয়া তাহাতেই সওয়ার হইয়া একেবারে ডায়মণ্ড-হারবার গিয়া উপস্থিত হইল। বেচারী পুলিশের ভয়ে এবং কি এক অজ্ঞাত সঙ্কোচে লোকালয়ে যাইতে পারিল না। গ্রামের বাহিরে এক বনের মধ্যে একটা অতি উচ্চ দেবদারুর ঘনকুঞ্চিত পত্রাস্তরালে লুকাইয়া রহিল ; সমস্ত দিন অনাহারে ভয়ে ভয়ে কাটিয়া গেল।

সন্ধ্যার পূর্বে দেখিল এক বৃদ্ধ গলায় টুঁটি-আঁটা মালা পরিয়া এবং সর্বাঙ্গ ডেডলেটার-আপিশ-ফেরত চিঠির মতো নানাবিধ ছাপে ভরিয়া, সেই গাছের তলায় উপস্থিত

সদানন্দের বৈরাগ্য

হইল। সে ভয়ে ভয়ে চারিদিক নিরীক্ষণ করিয়া দেখিল ; কিন্তু রামধনের সৌভাগ্যক্রমে উপরে চাহিল না। চারিদিক জনহীন দেখিয়া বৃদ্ধ বজ্রাস্তরাল হইতে একটা কাপড় মোড়া পুলিন্দা বাহির করিয়া ভূমিতে রাখিল, তারপর সেই দেবদারু বৃক্ষটার পাদদেশে একটা ছোট শাণিত খোস্তা দিয়া ত্রস্তহস্তে একটা গর্ত খুঁড়িয়া সেই পুলিন্দাটা প্রোথিত করিল এবং গর্তটিকে বেষ করিয়া ভরিয়া দিয়া তাহার উপর একটা আশশেওড়ার গাছ রোপণ করিল এবং সেই গাছের আশ-পাশে ঘাসের চাপড়া বসাইয়া দিয়া বৃদ্ধ স্থানটিকে যথাসম্ভব নিঃসন্দেহ করিল। তৎপরে পাছে তাহার নিজের স্থান ভুল হইয়া গোলমাল উপস্থিত হয় বলিয়া সেই স্থানটাকে চিহ্নিত করিবার জন্ত খোস্তার কোণ দিয়া দেবদারু-গাত্রে স্বকৃ কাটিয়া লিখিল ‘হিহ’।-

বৃদ্ধ নিশ্চিন্ত হইয়া প্রস্থান করিল। রামধন বৃক্ষচূড় হইতে যখন দেখিল যে বৃদ্ধ বহুদূরে চলিয়া গেল, তখন সে বৃক্ষ হইতে অবরোহণ করিয়া দেবদারুর একটা শাখা ভগ্ন করিয়া তৎসাহায্যেই সেই গর্তের উপরকার আলুগা মাটি খুঁড়িয়া বৃদ্ধপ্রোথিত পুলিন্দাটি বাহির করিয়া লইল।

সদানন্দের বৈরাগ্য

এবং পকেট হইতে রজসের একখানা ছুরি বাহির করিয়া সেই পুলিন্দাজড়ানো মোমজমা কাপড়ের সেলাই কাটিয়া ফেলিল। কাপড় ছাড়িয়া বাহির হইল একটা টিনের চোঙ। টিনের চোঙের ঢাকনি খুলিয়া বাহির হইল একটা লম্বা মোটা বাঁশের চোঙা। চোঙার ভিতরে দেখা গেল কতকগুলি করেঙ্গি নোট। সেগুলি দেখিয়া রামধন উৎফুল্ল হইয়া উঠিল; নিমজ্জমান ব্যক্তির আশ্রয় লাভের মতো সে সেই চোঙাটিকে দ্বিগুণ আগ্রহে চাপিয়া ধরিল। আশা আশ্বাসে তাহার প্রাণ ভরিয়া উঠিল। রামধনের অদৃষ্টে গুপ্তধন-প্রাপ্তিযোগ যথেষ্টই ছিল।

রামধন নোটগুলিকে সজ্জিত করিয়া পূর্ববৎ চোঙার মধ্যে গুপ্ত করিল, এবং ছুরি দিয়া বৃক্ষগাত্রে বৃদ্ধের লেখার সঙ্গে স্বক্ কাটিয়া লিখিল—

ইহ গুপ্ত কেহ,

বিপন্ন হুহুহ,

নিল এই শ্রাণ

শোথ্য পেলেন দিন।

সদানন্দের বৈরাগ্য

তৎপরে রামধন গ্রামে প্রবেশ করিয়া এক বাড়ীতে আতিথ্য স্বীকার করিল এবং কথাপ্রসঙ্গে সেই তিলকমালাধারী বৃদ্ধের পরিচয় জানিয়া লইল।

বৃদ্ধের নাম জগন্নাথ, জাতিতে স্বর্ণবণিক, ধর্ম্মে পরম বৈষ্ণব। সে বেশ সদ্ধতিসম্পন্ন ছিল, কিন্তু দুই দুর্বৃত্ত অনাচারী মজুপ পুত্রের অসাবধান ব্যয়ে বৃদ্ধের অবস্থায় ভাঁটা লাগিয়াছে, ইত্যাদি।

রামধন বুঝিল পুত্রের কবল হইতে রক্ষা করিবার জন্তই এই ধনগুপ্তি।

রামধন পরদিন প্রাতঃকালে উঠিয়া বৃদ্ধের বাড়ী গেল এবং বৃদ্ধের সহিত আলাপ করিয়া, তাহার করুণকাহিনী শুনিয়া, বহু সমবেদনা ও আশ্বাস দিয়া, বৃদ্ধকে পরম আপ্যায়িত করিয়া আসিল।

রামধন কলিকাতায় ফিরিয়া গিয়া একখানা সেকেন্ড ক্লাশ গাড়ী ভাড়া করিয়া একেবারে হোট্টেলে আসিয়া উপস্থিত। তাহার পলায়নে হোট্টেলময় হৈ চৈ পড়িয়া গিয়াছিল; তাহার প্রত্যাবর্তনে হোট্টেল সন্ধ্যাকালের কাক-সমাকুল বটবৃক্ষের মতো, লোষ্ট্রাহত মধুচক্রের মতো মুখর

সদানন্দের বৈরাগ্য

ব্যস্ত হইয়া উঠিল। কেহ আসিয়া ‘হাওশেক’ করিল, কেহ পিঠে চাপড় কষিল, কেহ নমস্কার করিল, কেহ কুশল জিজ্ঞাসা করিল। শ্রীমান্ রামধন তাহার চিরায়ত্ত হাশ্বে সকলকে প্রীত-আপ্যায়িত করিয়া আপনার কক্ষে আসিয়া দেখিল, তাহার দ্রব্যাদি সমস্তই স্থানান্তরিত হইয়াছে। জিজ্ঞাসায় জানিল যে পাওনাদারদের নালিশ অনুসারে সমস্ত দ্রব্যাদি হোষ্টেলের আপিস-ঘরে লইয়া রাখা হইয়াছে, এবং অল্প বেলিফ আসিয়া প্রকাশ্য নিলামে সমস্ত বিক্রয় করিয়া বিক্রয়লব্ধ টাকা ঋণানুপাতে সকল পাওনাদারদের মধ্যে বণ্টন করিয়া দিবে। ইহা শুনিয়া রামধন অতিমাত্র বিরক্ত হইয়া, নাসিকা কুঞ্চিত করিয়া, স্বর্ণ চশ্মার স্বচ্ছ অন্তরালে চক্ষু ঘুরাইয়া বলিল, “ফো: ফ্রাউণ্ডেলস! ফাই আনগ্রেটফুল্ ক্রটস্! তারা আমাকে এত ছোটলোক মনে করে?”

কেহ কেহ তাহাকে ‘এড্‌ভাইস্ গ্রাটীস্’ দিল যে, পাওনাদারেরা যে-রকম চটিয়াছে তাহাতে তাহাদিগকে সহজে তুষ্ট করা যাইবে না। অতএব কোনো ‘ডেঞ্জার্ ব্রেভ’ না করিয়া তাহার ‘গা-ঢাকা’ দেওয়াই ভালো।

সদানন্দের বৈরাগ্য

রামধন হাসিয়া তাহার সছোদগত গুশ্ফে একটা পাক দিয়া প্রভুত্বের ভাবে বলিল, “মেক্ ইওব্‌সেল্‌ভস্‌ ইজি, মাই ডিয়ার্‌ ফ্রেণ্ডস্‌, আই অ্যাম্‌ কোয়াইট্‌ এ ম্যাচ্‌ ফর্‌ দেম্‌ ।” তারপরে চোঙার মধ্য হইতে নোটের তাড়া বাহির করিয়া বিস্ময়-বিস্ফারিতলোচন বন্ধুদের জিজ্ঞাসু দৃষ্টির সন্মুখে ধরিয়া রামধন বলিল, “ডোন্ট্‌ ইয়ু থিন্ক্‌ আই য়্যাম্‌ ওয়েল্‌ ইকুইপ্‌ট্‌ ।”

তখন ‘হিপ্‌ হিপ্‌ ছরে’ এবং ‘থ্রি চিয়াস্‌ ফর্‌ রামধন-বাবু’ শব্দে (তখন ‘বন্দে মাতরম্‌’ ধ্বনি প্রচলিত হয় নাই) হোটেল প্রকল্পিত হইয়া উঠিল ।

রামধন তাহার বিস্মিত জিজ্ঞাসু বন্ধুদিগকে বুঝাইল যে তাহার অলস কর্মবিমুখ পাজি নায়েবটা জমিদারী হইতে ঠিক সময়ে টাকা পাঠায় নাই বলিয়াই ত এত অনর্থ । সে নিজে গিয়া তাহাকে রীতিমত শাসন করিয়া দিয়া এই টাকা লইয়া আসিয়াছে । ইত্যাদি ।

রামধন সেইদিন সমস্ত পাওনাদারদের সতিরস্কার দেনা দিল । বন্ধুগণ দেখিয়া আনন্দিত হইল যে, ‘রামধন-বাবু অনারেব্‌লী অ্যাকুইটেড্‌ ।’

সদানন্দের বৈরাগ্য

রামধন বন্ধুবর্গকে পরিতোষ করিয়া ভোজ্য দিল। সে দিন ভজ্জহরি পঁচিশ টাকার রোজ্বেরি-রসগোল্লার কুলপি-বরফ বিক্রয় করিয়াছিল।

রামধন এক্ষণে ঠেকিয়া শিখিয়া বিশেষ মিতব্যয়ী ও সংযমী হইল। সে বাহিরের দিকে বিক্ষিপ্ত হইয়া পড়িয়াছিল বলিয়া এফ-এ কোনো গতিকে পাশ করিল। কিন্তু তদনন্তর বিশেষ মেধাবী কর্তব্যনিষ্ঠ ছাত্র বলিয়া তাহার নূতনতর খ্যাতি ও প্রতিপত্তি হইল। সে এম-এ ও বি-এল পরীক্ষায় উচ্চস্থান অধিকার করিয়া হাইকোর্টের উকিল বিশ্বস্তর বিশ্বাসের একমাত্র কন্ঠাকে বিবাহ করিল এবং শ্বশুরের আশ্রয়ছায়ে ওকালতি আরম্ভ করিয়া দিল

রামধন বিবাহলব্ধ ও শ্বশুরদত্ত টাকা বাধিয়া একদিন ডায়মণ্ডহারবার অভিমুখে যাত্রা করিল।

ডায়মণ্ডহারবারে গিয়া বৃড়া জগন্নাথের সহিত সাক্ষাৎ করিয়া তাহাকে সকল কথা খুলিয়া বলিল। বৃড়া ত কানিয়াই আকুল। তাহার হরিনামের ঝুলি রামধনের

সদানন্দের বৈরাগ্য

মাথায় বার বার ঠেকাইয়া কত রকম শুভকামনা ও
আশীর্বাদ করিল।

কণেক পরে কিঞ্চিৎ সংযত হইয়া বলিতে
লাগিল—

“আমার গুণধর ছেলেয়া আমার সর্বস্ব অপহরণ ও
নষ্ট করুছিল ব’লে বৃদ্ধবয়সের অভাবের দিনের জন্তে আমি
সেই পাঁচহাজার টাকা সেই দেবদাক্ষর তলায় লুকিয়ে
রেখে এসেছিলাম। তখন আমার থলি শূন্য দেখে এক
ছেলে অস্ত্র চুরি করে’ জেলে গেল; এবং অপরজন
মদ খেয়ে একজন স্ত্রীলোককে খুন করে’ দ্বীপান্তরে গেছে।
অস্ত্র ছেলেটাও যদি দেশছাড়া হয়ে দ্বীপান্তরে যেত ত
আমি একবারে নিশ্চিন্ত হতে পারতাম। যা হোক তবু
কথঞ্চিৎ নিশ্চিন্ত হয়ে অর্থের সঙ্কানে গিয়ে দেখলাম
সর্বনাশ হয়ে গেছে। আমি তৎক্ষণাৎ গলায় চাদর
বেঁধে সেই দেবদাক্ষরই ডালে ঝুলে সকল দুশ্চিন্তা,
সমস্ত যন্ত্রণার অবসান করতাম; কেবল তোমার
লেখা—

সদানন্দের বৈরাগ্য

‘ইহ গুপ্ত কেহ,

বিপন্ন হুৱহ,

নিল এই ঋণ,

শোধ্য পেলেন দিন।

আমাকে আশা ও আশ্বাস দিয়ে অকাল অপমৃত্যুর গ্রাস থেকে রক্ষা করেছিল। এই ‘শ্লোকের ‘ঋণ’ ও ‘শোধ্য’ এই দুটি কথা দুই বন্ধুর মতো আমার দুই কানে ক্রমাগত আশা ভরসা সান্ত্বনা আশ্বাস দিতে লাগল। সেই দুটি কথার পরামর্শ-মতো আমি অপেক্ষা করে’ আছি ; এবং দারিদ্র্য-অনশন-ঋণে বিবিধ কষ্টভোগ ক’রেও অজ্ঞাত ঋণীর নিরন্তর শুভকামনা ও স্মৃতি প্রার্থনা করেছি। বাপধন, তুমি আমারই ঐকান্তিক প্রার্থনাতে এত বড়, এত সুশীল হয়েছ। যদি আশ্বাস দিঘে না যেতে, তবে বৃদ্ধের মনস্তাপে পলে পলে দগ্ধ হয়ে তুমি অধঃপাতে যেতে, একথা নিশ্চয়।”

রামধন হাসিয়া অপ্রতিভভাবে কমা চাহিয়া হৃদসমেত ঋণ শোধ করিল। তখন বৃদ্ধ জগন্নাথ রামধনকে উকিল জানিয়া তাহা দ্বারা এক উইল প্রস্তুত করাইল।

সদানন্দের বৈরাগ্য

সমস্ত অর্থ গৃহপ্রতিষ্ঠিত বিগ্রহ ৬শ্রামস্বন্দরের দৈনিক সেবার ব্যয়ে নিয়োজিত হইবে। পুত্রদ্বয় গৃহপ্রত্যাগত হইলে পৈতৃক গৃহে বাস-অধিকার পাইবে এবং প্রত্যহ দুই বেলা শ্রামস্বন্দরের প্রসাদ পাইবে মাত্র। সম্পত্তির ট্রাষ্ট ও একজিকিটার নিযুক্ত হইলেন অন্য দুই জনের সহিত হাইকোর্টের স্মীল ধর্ম্মাভা উকিল শ্রীযুক্ত বাবু রামধন মণ্ডল।

কব্ৰ-ই-আশকু

শুশ্রূষোতা সরবৎ নদী তুর্কিস্থানের মরুপ্রান্তরে সরবৎ
সদৃশ স্বাহ নীরধারা ঢালিয়া দিয়া সাগরে গিয়া আত্ম-
বিসর্জন করিয়াছে। সরবৎ নদীর সিকতাময় পুলিন
বেষ্টন করিয়া উত্তরে আখ্‌লাৎ গিরিমালা। গিরিসামুতে
দ্রাক্ষাকুঞ্জ, খজুরবীধি। দক্ষিণকূলে শুধু সিকতার সীমা-
হীন বিস্তার, মাঝে মাঝে পেস্তা চালগুজা প্রভৃতির
ক্ষেত্রের হরিৎ শোভা। আখ্‌লাতের কোলে আদানা
গ্রাম; আখ্‌লাতের শীর্ষ-বিস্তৃত সরিষা নিখরিণী আদানার
বুক চিরিয়া নহর বহিয়া সরবৎ নদীতে গিয়া মিশিয়াছে।
আদানা যেন বাঘাঘর গঙ্গামৌলী মহেশের মতো গম্ভীর
সৌন্দর্যে মনোরম।

আমির আম্মন এই প্রদেশের অধিপতি। আদানায়
তাঁহার পল্লীভবন। তাঁহার বয়স বত্রিশ বৎসর; ক্রুর
আরব মরুর মধ্যে মধুচরিত্র শ্রামঘীপ। দিব্য গৌর,

সদানন্দের বৈরাগ্য

উন্নত, পেশীপুষ্ট দেহ ; পুষ্পপ্রফুল্ল কোমল মুখলী ;
অংসবিলম্বী দীর্ঘ কুঞ্চিত বাবরি চুল ; পরিচ্ছদ সহজ
সুন্দর ; দৃঢ়চরিত্র, নিষ্ঠাবান ।

গুলসুহরং তাঁহার একমাত্র বেগম । গুলসুহরং বাস্তবিকই
“গুল-সুহরং” । তাঁহার স্বামীর আদরের ডাক “গুল-
গুলাব” । বাস্তবিক সে গোলাপ ফুলের মতোই সুন্দর ;
—গোলাপের লালিমা তাহার ওষ্ঠে ও গণ্ডে ; গোলাপের
কোমলতা তাহার দেহে ও মনে ; গোলাপের গন্ধ তাহার
চরিত্রে ও ব্যবহারে ; গোলাপের কণ্টক কুদ্দিহানের
ঈর্ষাকাতর সুন্দরীদের চিত্তে ।

গুলসুহরং স্বামীতে নির্ভরশীল, তাহারই উত্থানে
স্বহস্তবদ্ধিত শ্রামালতাটির মতো ; সকলের প্রতি বিশ্বাস-
পরায়ণা কপোতীর মত ; অজ্ঞাতপ্রচ্ছন্নগুণা কস্তুরী/মৃগের
মতো ; প্রকট চিত্তসৌন্দর্য্যে গুণুদেহলী কাঁঠালীচাঁপার
মতো । সে প্রজ্ঞাবান চরিত্রবলী স্বামী পাইয়া গর্বিতা
নহে, ধন্তা ; স্বামী তাঁহার মতো ফুলটি পাইয়া মুগ্ধ ।

আদানা হইতে প্রায় এক ক্রোশ তফাতে গুলসুহরতের
এক ভগ্নীর বাড়ী । তাহার নাম হুরনেহার । হুরনেহার

সদানন্দের বৈরাগ্য

গুল্মস্বরতের ভগ্নী অপেক্ষা সখীর স্থান অধিকার করিয়াছিল। সূর্যের স্বর্ণ আভা সরার উচ্ছল জলে যখন সান্ধ্য-লালিমা দান করিত, যখন আখরোট-বাদামের ফুলের গন্ধে আদানা মত্ত হইয়া উঠিত, যখন বুলবুল দেওয়ানা হইয়া পড়িত; তখন গুল্মস্বরৎ ঔৎসুক্য-স্কন্ধ চিত্তে ভবন-জালায়ন মুক্ত করিয়া অপেক্ষা করিত, কখন তাহার বহিন হুরনেহার কুজপৃষ্ঠ উষ্ট্রের উপর দূর প্রান্তরে দেখা দিবে। ফিরোজা রঙের রেশমী বোরুকা ভেদ করিয়া ঔৎসুক্য সখীর চঞ্চল দৃষ্টি গুল্মস্বরৎ মনশ্চক্ষে অহুভব করিত; আপনার স্বাগতদৃষ্টি বহিনের প্রতি প্রেরণ করিত; উষ্ট্র হেলিয়া ছলিয়া দ্রুত চলিত।

একদিন বৈকালে আমি়র আশ্মন ভোজন-ভবনে বৈকালিক আহারের জন্ত আসিয়াছেন। ঘরটি ‘কম্‌খাব’-আচ্ছাদিত; তাহার উপর গজ-দস্ত-নির্মিত মেজের উপর মখমলের আস্তরণ; তাহার পার্শ্বে স্বর্ণরঞ্জিত বিচিত্র কারুচিত্রিত কেদারা, তদুপরি আমি়র আশ্মন উপবিষ্ট। ঘরের চারিদিকে বড় বড় জানালা; জানালার উপর সূক্ষ্ম মসলিনের পরদা জানালাগুলিকে অন্ধারূত করিয়া

সদানন্দের বৈরাগ্য

রাখিয়াছে ; প্রতি বাতায়নাবকাশে একজন বাদি দণ্ডায়মানা ; তাহাদের নীল পেশোয়াজ, সবুজ ওড়না, লম্বিত বেণী, মেহদিরঞ্জিত হস্ত, কঙ্কাললিপ্ত চক্ষু ; স্বন্দরীদের বিচিত্র বসনে বৈকালিক রৌদ্র ঝিকিমিকি খেলিতেছে ; দক্ষিণ বায়ু ব্যস্তসমস্ত ভাবে বাতায়নের আচ্ছাদনী ঠেলিয়া ঘরে ঢুকিয়া যুবতীর ওড়না উড়াইতেছে, আতরের গন্ধে আকুল হইয়া ছুটিয়া পলাইতেছে । বাদির হাতে খাঞ্চাভরা মিষ্টান্ন, কাহারো হাতে রোপ্যপাত্রে নানাবিধ মেওয়া, কাহারো হাতে সরবৎ, কাহারো হাতে গোলাপপাশ, কাহারো হাতে আতরদান, কাহারো হাতে ময়ূরপুচ্ছের ব্যজন । গুলশ্বরং স্বামীকে আহাৰ্য্য বিতরণ করিতেছে । তাহার আস্মানি রঙের পেশোয়াজ, ফিরোজী রঙের ওড়না, স্বর্ণখচিত জরির জুতা, মস্তকের লম্বিত বেণী বেঁটন করিয়া মুক্তামালা, চোখের কোণে স্মরমা টানা, হাতের তলে জাক্রাণের রং , গণ্ডে ওষ্ঠে অনিন্দ্য স্বাস্থ্যের লালিমা ; বৈকালের রৌদ্র যখন তাহার দেহ-চূষনের অবকাশ পাইতেছিল তখনই হাসিয়া উঠিয়া চক্ষে ঝিলিক হানিতেছিল, গুলশ্বরতের গণ্ডের লালিমা

সদানন্দের বৈরাগ্য

পাচতর হইয়া উঠিতেছিল। গুল্মরতের সে দিকে লক্ষ্য ছিল না, সে স্বামীকে আহাৰ করাইতে ব্যস্ত, কিন্তু আমির আশ্রনের কৌতূহলী চক্ষু সে শোভায় মগ্ন হইয়া গিয়াছিল। গুল্মরৎ গোলাপের সবুবৎ, মেওয়া ও মিষ্টায় একে একে স্বামীর সম্মুখে স্থাপন করিতেছিল, স্বামীর ভোজন-শেষ পাত্র উঠাইয়া বাদিদের হাতে দিতেছিল।

যখন আহাৰ আরম্ভ হইল, তখন গুল্মরৎ ওঢ়নাখানি শুটাইয়া লইয়া স্বামীর পার্শ্বে গিয়া বসিল এবং গজদন্ত-মণ্ডিত ময়ূরপুচ্ছের সন্দলী পাখা লইয়া বাতাস করিতে লাগিল। আশ্রন প্রেয়সীর সবুবৎ-মধুর স্নিগ্ধ রূপধারায় অতৃষ্ণ, গোলাপী সবুবৎ তাঁহার নিকট অকিঞ্চিৎকর বোধ হইল। তিনি প্রিয়ার কিশলয়কোমল মস্তক স্তম্ভর ছোট্ট হাতখানি-ধরিয়া বলিলেন, “তোমার বহিনের আসার সময় (হইয়াছে?)”

গুল্মরৎ বলিল, “না, এখনো আসার সময় হয় নি। ঐ দেয়ালের রৌদ্রচিহ্ন যখন ঐখানে উঠিবে, তখন হেনা ফুটিবে, বুলবুল ডাকিবে, আমার বহিনের উট পেস্তার ক্ষেতে দেখা দিবে।”

সদানন্দের বৈরাগ্য

আশ্বন প্রেয়সীর বর্ণনাবহুল কথা শুনিয়া হাসিয়া বলিলেন, “তোমার বহিনের এখানে আর না আসাই ভালো ; হয় তাহার আগমন বন্ধ করিতে হইবে, নয় তো আমাদের আদান ছাড়িতে হইবে।”

গুল্মরং বিস্মিত হইয়া বলিল, “আমার প্রিয়সখী ও বহিনের প্রকৃতি মধুর ; সে তোমার নিকট এমন কি অপরাধ করিল ?”

আশ্বন কতকগুলি পেন্সা ও কিস্মিস একত্র করিয়া মুখে দিয়া বলিলেন, “তোমার বহিন আমার সঙ্গে আশক করিতে উৎসুক।”

এই কথাতে গুল্মরং বসোরার গোলাপ-ক্ষেতকে লজ্জা দিয়া হাস্য করিয়া কহিল, “বহিনের স্বামীর প্রতি আসুনাই হওয়া ত স্বাভাবিক। যে আমাকে ভালোবাসে, তাহাঁকে তোমাকে ভালোবাসিতে মানা কর না কি ?”

আশ্বন আব্‌জোসের বীচি ফেলিয়া বলিল, “না, তা বারণ করি না, কিন্তু বেশি ভালোবাসিয়া ফেলিলেই বিলক্ষণ ভয় হয়, কারণ তোমার স্বামী একটি বই ত নয়।”

এই কথাতে গুল্মরং “ঘাও” বলিয়া স্বামীর গায়ে

সদানন্দের বৈরাগ্য

তলিয়া পড়িয়া একটুকু ছোট রকম খাকা দিল; আশ্বনের
অঙ্গুলিধৃত আঙুরটি মাটিতে পড়িয়া অভিমানের ফাটিয়া
গেল।

‘হু’জনের হাসিকে বাধা দিয়া হুরনেহার বলিয়া উঠিল,
“তোমাদের আনন্দের শরিক আসিয়াছে।”

গুলশ্বরং হাসিতে হাসিতে উঠিয়া ভগ্নীর হাত ধরিল।

*

*

*

পরদিন প্রাতে আশ্বন একখানি পত্র জ্বরী হাতে দিয়া
বলিলেন, “দেখ, আমার কথা সত্য কি না।”

গুলশ্বরং পড়িতে লাগিল:—

“হে আমার জান-বেহেশ্বের ইঞ্জিল; গুলশ্বরতের কাছে
শুনিলাম যে আমার গোপনপূজা হৃদয়-দেবতার গোচর
হইয়াছে। ভালোই। জানাইবার জ্ঞান আমার প্রাণ মধ্যে
মধ্যে, ব্যাকুল হইয়া উঠিত। সরলা গুলশ্বরং মনে করে
আমি তাহারই প্রেমের আকর্ষণে উটে চড়িয়া, তপ্ত বালুকার
প্রান্তর ভাঙিয়া নিত্য আদানায় যাই! কিন্তু খামিনু, তুমি
জানিয়াছ, হুরনেহারের চক্ষুর নুর তুমি। এবং আমার নাম
অম্বর্ষ হইয়াছে শুধু তোমাকে দেখিয়াই। কে আমার

সদানন্দের বৈরাগ্য

এই গুপ্তপ্রেম ব্যক্ত করিয়া দিল ? বুঝি মনোভব । আজ আমার প্রেম বসন্তের প্রজাপতির মতো বিচিত্রবর্ণের রঙিন পাখা মেলিয়া টাড়িয়াছে, আয় ইয়ার, তাহাকে তোমার চিত্তপুষ্পের প্রেমাম্বু পান করিতে দাও । আমি বিধবা, কিন্তু তুমি আমার ভগ্নীপতি হইলে কেন ? জানি আমি, বহিন গুল্মস্বরং তোমার স্ত্রী থাকিতে তুমি আমায় নেকাহ করিতে পার না । কিন্তু, তবু—তোমার প্রেম না পাইলে আমার প্রাণসঙ্কট উপস্থিত হইবে । তুমি গুল্মস্বরতের প্রেমে মগ্ন, কিন্তু তাহার ক্ষুদ্র প্রাণে এমন প্রাণপ্লাবী প্রেম কোথায় ? আমার মতো রূপ সে কোথায় পাইবে ? সে কি আমার বাদি হইবার যোগ্য ? যদি দয়া হয়, তোমার বাগানে বৈকালে আমায় দেখা দিয়ো, আমার অনেক কথা বলিবার আছে । সন্ধ্যা পর্যন্ত তোমায় যদি সেখানে না পাই তবে বুঝিব আদানায় আমার কবরেরও স্থান হইবে না । একটি ত্বদর্পিত প্রাণা রমণীর শুভাশুভ তোমার উপর নির্ভব করিতেছে জানিয়ো । ফকত ।

অভাগিনী সুরনেহার ।’

পত্র পাড়িতে পড়িতে গুল্মস্বরতের গণ্ড বাহিয়া ধারা

সদানন্দের বৈরাগ্য

‘বহিল, যেন বসোরার গোলাপ-ক্ষেত্রে বারিবর্ষণ হইতেছে :
জলভরা চোখ দুটি স্বামীর মুখের উপর তুলিয়া গুল্মস্বরং
বলিল, “খামিন্, কি হবে ? ছুরুনেহার আমার বহিন না
হইলে তোমায় সাদি করিতে বলিতাম। আমায় তালাক
দিলে বিবাহ হয়, কিন্তু আমি তোমায় ছাড়িয়া কেমন
করিয়া থাকিব ! তুমি ও ছুরুনেহার আমার যে তুল্য
প্রিয়।”

আশ্মন বলিলেন, “প্রেয়সি, একনিষ্ঠতাই হজরৎ
মহম্মদের অনুমোদিত, তাহা কি তুলিয়া গেলে ? যে আপন
দোষে দুঃখকে ডাকিয়া আনিয়া আপনার চিত্তহর্গ অধিকার
করিতে দেয়, তাহার দুর্গতি দেখিয়া কষ্ট বা শোক করা
বুখা। খোদা বহিনকে শুভমতি দান করুন !”

আশ্মনের ভবন-সন্নিহিত উঠানের বাদামতলায় অন্ধকার
জমাট বাধিতেছে। আখরোটের গাছে আঙুরের লতা
বেড়িয়া উঠিয়াছে, একটা বুলবুল লতার শাখায় ঝুলিয়া
একটা আঙুরে এক-একবার চঞ্চু বিদ্ধ করিতেছে আর এক-
একবার মুখ উঁচু করিয়া স্থপাসিত্ত কণ্ঠে মধুর শিশ দিয়া
উঠিতেছে। পুষ্পবহুল বসন্তে হেনা বকুল চামেলি ও

সদানন্দের বৈরাগ্য

গোলাপের গন্ধে সাক্ষ্যসমীরণ ভারাক্রান্ত হইয়া যুহু
বহিতেছে। উদ্ভানের মধ্যে পাষণ-বেদিকা বিদীর্ণ
করিয়া সরার জল ফোয়ারা হইয়া রূপার তারগুলির মতো
জলধারা তমসচ্ছন্ন স্তূত্রে প্রেরণ করিতেছে; সে জল
নীচে পড়িয়া নহর বহিয়া, সবুৎ নদীতে গিয়া মিশিতেছে।
সরার বুকে সাক্ষ্য সূর্যের শেষ স্বর্ণাভা নিভিয়া গেল।
আশ্মন ও গুল্মস্বরং ভবন-জালায়ন হইতে অস্পষ্ট দেখিলেন,
পুষ্পবিতানের মধ্য হইতে বাহির হইল ছবুনেহার; আজ
তাহার বোরকা নাই, গুঠন নাই; ফেরোজা রঙের
পেশোয়াজ, গোলাপী ওড়না, পৃষ্ঠে দোহল্য বেণী;—দীপ্ত
সৌন্দর্য্য উদ্ভানে যেন দাবান্নি জালিয়াছে।

ছবুনেহার একবার চারিদিকে তন্ন তন্ন করিয়া চাহিয়া
লইল। প্রাসাদের দিকে চাহিয়া একটা বুকভাঙা দীর্ঘশ্বাস
ত্যাগ করিল, তারপর কাঁচি দিয়া বেণী কাটিয়া ফেলিল,
চোখের সুরমা মুছিয়া ফেলিল, হাতের কুসুমরাগ নহরের
জলে ধুইয়া ফেলিল, ওড়না পেশোয়াজ ফেলিয়া মোটা
বোরকায় গুঠন টানিল। তারপর—পরিত্যক্ত প্রসাধন
একত্র করিয়া রাখিল। তারপর—দক্ষিণমুখে বন্ধাজলি

সদানন্দের বৈরাগ্য

হইয়া দাঁড়াইয়া ভুলুটিত হইয়া প্রণাম করিল। তারপর—
ধীরে ধীরে খজ্জুরবীথির অন্ধকারে মিশাইয়া গেল।

আশ্বন দীর্ঘনিশ্বাস ফেলিয়া বলিলেন, “হুসনেহার গৃহে
ফিরিল না, বোধ হয় মক্কায় কাবাতে আপনাকে উৎসর্গ
করিতে গেল।”

এতক্ষণ গুলশ্বরং নীরবে অশ্রু বিসর্জন করিতেছিল,
এখন ফুলিয়া ফুলিয়া কাঁদিয়া উঠিল। বিষাদিত দম্পতি
একটি শামাদান হাতে লইয়া বাগানের উদ্দেশে বাহির
হইলেন

আশ্বন পরিত্যক্ত পোষাকের উপর একখানি কাগজ
দেখিয়া উঠাইয়া লইয়া শামা'র আলোতে পড়িলেন,
হুসনেহারের প্রার্থনা :—

“এই আদানায় আমার সকল গর্ব, সকল মোহ, সকল
পাপের কবর হউক। রে সয়তান, আমাকে আর প্রলুব্ধ
করিও না। হে পরমেশ্বর, মাহুষের প্রেম আকর্ষণে ব্যর্থ
মনোরথ হইয়া তোমার শরণাপন্ন হইলাম, তোমার প্রেম
লাভেও যেন বঞ্চিত না হই। আমার চিন্তা, হে সোভান্
আল্লা, তোমার প্রেমে পবিত্র হউক।”

সদানন্দের বৈরাগ্য

আম্বন! সে লিপিখানি মস্তকে রাখিয়া বলিলেন,
“আমেন”। বিষাদিত দম্পতি মক্কার দিকে প্রণাম
করিয়া গৃহে ফিরিলেন। গুল্‌সুরং বহিনের কণ্ঠিত বেণী
ও পরিত্যক্ত পরিচ্ছদ একটি অশ্রুসিক্ত স্বর্ণপেটিকায়
সযত্নে রাখিয়া দিল। ভাংহার উপরে মিনার কাজে লিখিত
হইল “কবরু-ই-আশকু”।

প্রেমের নিরিখ

দাক্ষিণাত্য প্রদেশে ভীমা ও নীরা নদীর সঙ্গমক্ষেত্রে মহেন্দ্রবিদ্যার নগরে রাজা দ্রোণায়ণ রাজত্ব করিতেন। দ্রোণায়ণ রাজ্যলোলুপতার জন্য সমস্ত রাজত্ববর্গের ভীতি ও অশ্রদ্ধার কারণ হইয়াছিলেন।

গজেন্দ্রগড়ের রাজা মল্লশূরই কেবল তাঁহাকে প্রতিহত করিয়া রাখিয়াছিলেন। অকালে মল্লশূরের মৃত্যু হইলে, তাঁহার বালকপুত্র পুষ্পহাসের রাজমন্ত্রী ঝল্লকণ্ঠ রাজকার্য্য পরিচালনা করিতে লাগিলেন।

দ্রোণায়ণ কণ্টক দূর হইয়াছে মনে করিয়া পরম উল্লসিত হইলেন; এবং গজেন্দ্রগড়-রাজপরিবারের অশৌচাস্ত না হইতেই মহারাজ মল্লশূরের রাজ্য আক্রমণ করিলেন।

ঝল্লকণ্ঠ প্রভুরাজ্য রক্ষার জন্য সসৈন্য দ্রোণায়ণকে বাধা

সদানন্দের বৈরাগ্য

প্রদান করিলেন। এই যুদ্ধে দ্রোণায়ণের প্রধান সহায় এবং সহচর ছিলেন তাঁহার পুত্র ভদ্রমুখ এবং কন্যা ভদ্রসোমা।

ঝলকি যখন সমরাজ্ঞে নিশিত বাণ ত্যাগ করিতে-
ছিলেন, তখন পুষ্পধ্বার তির্য্যাক্কৃত ধনু ভদ্রসোমার
কুক্ষিত ক্রান্তল হইতে দুই চারিটি খরকটাক্ষবাণ ছুটিয়া
আসিয়া ঝলকিষ্ঠের হৃদয়ে বিশেষভাবে আঘাত করিয়া
গেল।

দৈনিক সমরাস্রমে যখন ঝলকিষ্ঠ আপন শিবিরে
সাক্ষোপাসনা করিতেছিলেন, তখন তাঁহার অন্তরে
“তদ্বিক্রুর পরমপদ”-স্থলে ভদ্রসোমার ব্রীড়াবীর্ঘ্যবঞ্জিত
ফুল্ল মুখকমল বারংবার উদ্ভাসিত হইয়া উঠিতেছিল।
তিনি কাতর হইয়া ইষ্টদেবতাকে নিবেদন করিলেন— “হে
মা ভবানী, একি হইল মা? চিরশত্রুর সহিত এ প্রীতি-
সম্বন্ধস্থাপনের লালসা মনে কেন উদয় হইল? যাহাকে
শরবিদ্ধ করিতে হইবে, তাহার চরণনিম্নে আপনার
হৃদয় পাতিয়া দিতে সাধ হইতেছে কেন? যাহার হৃদয়রক্তে
কর্তব্যের তর্পণ করিতে হইবে, তাহারই চরণতল আমারই

সদানন্দের বৈরাগ্য

হৃদয়রক্তরাগে রঞ্জিত করিতে বাসনা হইতেছে। হে মদনদহন, আমায় বল দাও, এই চিত্তবিক্ষোভ প্রশান্ত কর—”

উপাসনা শেষ হয় নাই, দ্বাররক্ষক আসিয়া সংবাদ দিল—বিপক্ষশিবির হইতে জনৈক দূত তাঁহার প্রতীক্ষা করিতেছে।

তাঁহার উপাসনা শেষ হইল না। কি এক অব্যক্ত কারণে মন চঞ্চল হইয়া উঠিল। পুষ্পধ্বা কত মধুময় আশার কথা কানে গুঞ্জরন করিতে লাগিল। প্রবল বাসনাঝঙ্কা ক্ষীণ সংযমচেষ্টাকে কোথায় উড়াইয়া দিল। তিনি দূতকে প্রবেশের আজ্ঞা দিলেন।

দূত আসিয়া প্রণাম করিয়া তাঁহার হস্তে একখানি পত্র দিল। কল্পিত হস্তে আশ্রয় উন্মোচন করিয়া পড়িতে লাগিলেন—

“স্বস্তি শ্রী সমরবিজয় শ্রী অভিনন্দিত গজেন্দ্রপুরাধীশ্বর-সচিবশ্রেষ্ঠ-বল্লকর্ষ-শ্রীকরকমলোপায়ন-পত্রিকা—

“সমরকুশলী বীরশ্রেষ্ঠ, আবাল্য যে আদর্শীকৃত বীরমূর্তি হৃদয়-মন্দিরে পূজা করিয়াছি, তাহা আজ আপনাতে

সদানন্দের বৈরাগ্য

শরীরী দেখিলাম। শত্রুকন্ঠার পূজোপচার গ্রহণ করিলে
কৃতার্থ হইব। নিবেদন ইতি—রাজকন্ঠা ভদ্রসোমা ।”

ঝলকণ্ঠ হর্ষাতিবেগস্তম্ভিত-হৃদয়ে লিপিখানি বারংবার
পড়িতে লাগিলেন। আপনার চক্ষুকে বিশ্বাস হয় না,
আপনার অনুভূতিকে প্রত্যয় হয় না। ‘একি সত্য?
একি সত্যই সত্য? উপহাস নহে, বিদ্রূপ নহে, ব্যঙ্গ
নহে,—প্রকৃত সত্য? পিপাসাক্ষামকণ্ঠ পক্ষী জল চাহিতেই
ধারাপ্রবাহ মুখে আসিয়া পড়িল? আজ আমি প্রকৃত
জয়ী—রমণীর চিত্তজয় শতশতাব্দ্য জয়ের তুল্য! আমি
ধন্য, আমি জয়ী।’

ঝলকণ্ঠ রাজকন্ঠা ভদ্রসোমাকে উত্তর লিগিলেন—
“মন্মথমৈত্রীবশীকৃত। রাজকুমারী ভদ্রসোমা-শ্রীকরকমলোপ
হতা-পত্রিকা—

“ভদ্রে, আপনি মন্মথের পুষ্পধনুর সন্মোহন শর!
আজ আমি জিত কি জয়ী ঠিক বুঝিতে পারিতেছি না।
আজিকার আনন্দ যেন আমার নিত্যোপভোগ্য হয়!
নিবেদন ইতি— মুগ্ধ ঝলকণ্ঠ ।”

পরদিন মন্ত্রী ঝলকণ্ঠের প্রস্তাবক্রমে উভয়পক্ষে সন্ধি

সদানন্দের বৈরাগ্য

হইয়া গেল। রাজা দ্রোণায়ণ মন্ত্রী বল্লকণ্ঠের সহিত কন্যা ভদ্রসোমার উদ্বাহ অঙ্গীকার করিলেন, এবং মন্ত্রী বল্লকণ্ঠ বাধাপ্রদানের ভানমাত্র করিয়া ক্রমে ক্রমে গজেন্দ্রগড় রাজ্যের বহুলাংশ দ্রোণায়ণকে অধিকার করিতে দিবেন, এইরূপ গুপ্ত অঙ্গীকার স্বীকার করিলেন। কামোপহতচেতা বল্লকণ্ঠ কর্তব্যব্রষ্ট হইলেন।

২

নীরা ও ভীমা নদীর সঙ্গমসম্মুখে রাজকুমারীর পুষ্প-বাটিকা! নীলাঞ্জনদ্যুতি ক্রীড়াশৈলের প্রত্যস্তদেশে সুরমা কদলীকুঞ্জ, তন্মধ্যে মর্ম্মরশিলাপটু বেঠেন করিয়া ক্ষুদ্র পুষ্পতরুর পদতলবাহিতা ক্ষীণা নিঝরিণীর রজতসুত্রধারা নীরার নিশ্চল ক্রোড়ে গিয়া বিশ্রাম লাভ করিতেছিল। পর্য্যনীয়-স্নিগ্ধশিলাপটু-সমাসন্ন ভদ্রসোমা ভূষণশিঞ্জিত হস্ততালে তাঁহার প্রিয় ময়ূরটিকে নাচাইতেছিলেন; আর তাঁহার সখী পুষ্পিলা অশোকপলাশের মালা গাঁথিয়া তাঁহার শিরোমুকুট গড়িয়া দিতেছিল। অশোকপলাশের রক্তশুবক শুভললাটে পড়িয়া দেবকন্যা উষার ললার্টাতিলক অকর্ণের মতো শোভা পাইতেছিল। শ্রুতি-আশ্রিত

সদানন্দের বৈরাগ্য

মুক্তাণ্ডে সেই পুষ্পলালিমা প্রতিফলিত হইয়া শ্রুতিমূলে
বিচিত্র পত্রলেখা রচনা করিতেছিল। গুঞ্জনমধুপপুঞ্জ
কেলিকুঞ্জে ব্রততীবলয়াসজ্জনা কুরুবকশাখা হইতে কপোত-
বধূর করুণধ্বনি কি এক তরল বিষাদ বর্ষণ করিতেছিল।
সহসা মন্ত্রী ঝল্লকণ্ঠ সেখানে উপস্থিত হইলেন।

কপোতবধূ উড়িয়া গেল ; করকিশলয়তালমুগ্ধ নর্ত্ত্যমান
ময়ূর সংবৃতনৃত্য হইয়া উড়িয়া গিয়া বকুলবৃক্ষে বসিল ;
সখী পুষ্পিলা সরিয়া দাঁড়াইল ; রাজকন্যা ময়ূরকণ্ঠী বসন-
খানি অঙ্গে টানিয়া দিয়া, চলিত ছকুলের সূক্ষ্মস্বাসে
কদলীবিতান পূর্ণ করিয়া, অবনতমুখী হইয়া দাঁড়াইলেন
তাঁহার মুখভাবে লজ্জাসম্রমের রেখামাত্র অঙ্কিত হয় নাই,
বুঝি বিরক্তিমিশ্র ঘৃণার ব্যঞ্জনা ব্যক্ত হইয়াছিল। তবু
ভাবমুগ্ধ ঝল্লকণ্ঠ সেই লীলাচতুরার তদবস্থ ভাব দেখিয়া
স্বর্গস্থ উপভোগ করিতেছিলেন।

কতক্ষণ নিস্তব্ধ থাকিয়া, ভদ্রসোমা আপনাকে উত্তত
করিয়া তৃপ্তকণ্ঠে বলিলেন, “মন্ত্রিন্, এ পুরস্কীর কেলিকুঞ্জ !
রাজনীতিজ্ঞের উপযুক্ত স্থান নহে।”

ঝল্লকণ্ঠ হাসিয়া দুই পদ অগ্রসর হইয়া বলিলেন,

সদানন্দের বৈরাগ্য

“ছলকোপনে, আমাকে আসিবার অধিকার দিয়াছ, তাই আসিয়াছি। প্রেমময়ি, আবেগাতিশয্যেতু যদি আচারের অতিক্রম করিয়া থাকি, অল্পগত জনকে ক্ষমা কর, আমি তোমারই।” সশ্বেদপুলককম্পিতাঙ্গ মন্ত্রী দুই পদ সরিয়া ভদ্রসোমার হস্তধারণের উপক্রম করিলেন।

রাজকন্যা পুচ্ছবিমর্দিতা সর্পিণীর মতো গজ্জিয়া উঠিয়া বলিলেন, “মন্ত্রিন্, পুরস্কার অমর্যাদা করিবেন না।”

বাল্লকণ্ঠের বীরহৃদয়ও এই তর্জনে সঙ্কুচিত কম্পিত হইয়া উঠিল। তিনি বিনীতকণ্ঠে বলিলেন, “আর্য্যো, আপনি উৎসাহ দিয়াছিলেন বলিয়া এই ধুষ্টতা করিতে সাহসী হইয়াছি। এক্ষণে আপনার সত্য রক্ষা করিয়া আমাকে আপনার প্রেমের অধিকার প্রদান করুন।”

ভদ্রসোমা পূর্ববৎ তীব্রকণ্ঠে বলিলেন, “মন্ত্রিন্, বীরত্ববিমুগ্ধচিত্তার শ্রদ্ধা যদি অন্য অর্থে গ্রহণ করিয়া থাকেন, আমায় ক্ষমা করিবেন; আমি সম্পূর্ণ আপনার অযোগ্য,—যুদ্ধাস্ত-প্রশান্তবুদ্ধিতে ইহা এখন আমি বুঝিতেছি। আমি আপনার ধুষ্টতা যেমন মার্জ্জনা করিলাম, আপনিও আমার প্রগল্ভতা মার্জ্জনা করিবেন।”

সদানন্দের বৈরাগ্য

বাক্যহত ঝলক ঝলক একবার সেই লাবণ্যবিচ্ছুরিত মুখের দিকে চাহিলেন; সেখানে অটলতা শাপিত খড়্গের মতো উত্তত দীপ্ত রহিয়াছে, সেখানে করুণাশ্রদ্ধার লেশমাত্র নাই। ঝলক ঝলক ধীরে ধীরে কদলীকাননের মধুরশীতল ছায়া হইতে নিষ্কাশিত হইয়া বিরহতপ্ত হৃদয়ে রোদ্ৰোজ্জ্বল তপ্ত পথে চলিয়া গেলেন।

ঝলক ঝলক চলিয়া গেলে ভদ্রসোমা পুষ্পমুকুট ছিড়িয়া ফেলিলেন; মনোজ্ঞকুর্পাসকপীড়িতস্তনা খেদবতী আপনার কঞ্চলিকা ছিন্ন করিয়া তন্ন্যাস হইতে ঝলক ঝলকের প্রথম-প্রণয়দূতীকল্পা লিপিকানি বাহির করিয়া, চুষনে চুষনে আচ্ছন্ন করিয়া, বিলাপ করিতে করিতে শিলাপট্টের উপর পড়িয়া লুটিয়া লুটিয়া ফুঁপিয়া ফুলিয়া কাঁদিতে লাগিলেন—

“এস এস ওহে দয়িত, তোমার অপমানস্কত হৃদয় অশ্রুপ্রলিপ্ত করিয়া দিব; এস ওগো এস দেবতা, প্রেমশ্রদ্ধা অশ্রুচন্দনে তোমার পূজা করিব; তোমার পূর্ণ গৌরবে এস গরবী, আমার হৃদয়মন্দিরে, তোমার গৌরবকণিকা স্থলিত হইতে আমি দিব না; এস ওহে এস মনোহর, ও হে মৌম্য, আমার যৌবনবসন্তের প্রথম

সদানন্দের বৈরাগ্য

পুষ্পাঞ্জলি তোমার চরণে দিব ; কোথা যাও. ও গো
ফিরে চাও, ওহে দুরন্ত অভিমানী, অবহেলাহত অশ্রুকুণ্ড
ভাঙিয়া গিয়াছে—রুদ্ধ কর হে সক্ষম, সে প্রবাহ রুদ্ধ কর ;
কোথা যাও ও গো ফিরে চাও, ওহে তেজস্বী, আমার অন্তরে
আগুন লাগাইয়াছ, স্নিগ্ধ কর, ওহে সস্তাপহর, অন্তর শীতল
কর ; ওহে প্রাণেশ্বর তুমি ফিরে এস, ওগো ফিরে এস ।

অয়ি কঠোর, যশঃ কিল তে প্রিয়ং

কিম্ অযশো নহু ঘোরম্ অতঃপরম্ ।

কিম্ অভবদ্ বিপিনে হরিণীদৃশঃ

কথয় নাথ কথং বত মনুসে ॥”

রাজকন্যার বিলাপে ব্যথিতচিত্তা সখী পুষ্পিলা দৌড়িয়া
গিয়া হৃদয়ভারে মন্তরগতি ঝলকঠকে ধরিয়া বলিল,
“মল্লিবর, রাজকন্যা আপনার জন্ম কাঁদিয়া ব্যাকুল
হইয়াছেন, আপনি আসুন, ওগো সত্তর আসুন ।”

ঝলকঠ শশাকদর্শনোচ্ছ্বসিতহৃদয় সাগরের মতো উল্লাস-
বিজ্রতগতিতে কুঞ্জঘারে আসিয়া দেখিলেন, বিলুপ্ত-
বিল্লথবেশা ভদ্রসোমা করুণক্রন্দনে তাঁহাকেই আহ্বান
করিতেছেন ।

ভাববিহ্বল প্রীতিপ্রফুল্ল ঝল্লকণ্ঠ স্নেহস্নিগ্ধকণ্ঠে বলিলেন,
“প্রেমসি, আমি আসিয়াছি, ওগো দেখ, আমি প্রেমের
অর্থ্য রচনা করিয়া চরণোপ্রান্তে আসিয়াছি—উঠ হৃদয়েষ্বরি,
উঠ।”

বাক্‌কশাহতা কোপক্ষুরিতাধরা রাজকন্যা স্বরিত উঠিয়া
সংবৃত হইয়া বলিলেন, “তুমি কেন ওগো, এখানে কেন ?
যাও যাও তুমি চলিয়া যাও । অপমানের উপর অত্যাচার
সংযোগ করিয়ো না । যাও তুমি লৌকিকাচারচক্ষুর,
চলিয়া যাও । এখানে ওগো মন্ত্রী, তোমার কোনো কাজ
নাই, কোনো কর্তব্য নাই ।”

বিস্মিত অবাক ঝল্লকণ্ঠ পুনরায় নিঃশব্দে বাহির হইয়া
রমণীচিত্তের জটিল রহস্য জল্পনা করিতে করিতে চলিয়া
গেলেন । সখী পুষ্পিলা বিস্ময়ে অবাক হইয়া দাঁড়াইয়া
রহিল ।

ভদ্রসোমা আবার শিলাপট্টের উপর বিলুপ্তিত হইয়া,
বিলাপ করিতে লাগিলেন,—

“এলে যদি, তবে যাও কেন, ওহে চিরবাহিত—
তুমি আপনার পূর্ণগৌরবে প্রতিষ্ঠিত হইয়া আমার চিত্ত-

সদানন্দের বৈরাগ্য

ক্ষেত্রে খেলা কর। ওহে দুর্লভ, তোমায় পাইয়া আবার হারাই কেন? ওগো বল্লভ, অশিথিলপরিস্বে আমাকে গ্রহণ কর।”

৩

প্রত্যাখ্যাত ঝল্লকণ্ঠ পত্র লিখিলেন :—

“ভদ্রে, অজ্ঞান-অনিচ্ছা-কৃত যদি কোনো পাপ করিয়া থাকি, যথেষ্ট শাস্তিভোগ করিয়াছি,—ক্ষমা কর, আমায় রক্ষা কর। ইতি—হৃদর্পিতপ্রাণ ঝল্লকণ্ঠ।”

দূত রিস্তহস্তে ফিরিয়া আসিল—রাজকুমারী পত্রোত্তর দেন নাই।

রাজকুমার ভদ্রমুখ ভগ্নীর সহিত সাক্ষাৎ করিয়া বলিলেন “ভগ্নী সোমা, প্রণয়বিহ্বল সন্ধিমিত্র সচিব ঝল্লকণ্ঠকে কেন নিগৃহীত করিতেছ? তোমার রূপগুণমুগ্ধ ঝল্লকণ্ঠ তোমার সম্পূর্ণরূপে যোগ্য পাত্র।”

রাজকুমারী দীর্ঘশ্বাস ফেলিয়া বলিলেন, “তিনি আমার যোগ্য হইতে পারেন, কিন্তু আমি বুঝিতেছি যে আমি তাঁহার যোগ্য নহি। তাঁহাকে আমার অস্থির প্রগল্ভতা ভুলিয়া যাইতে অনুরোধ করিবেন।”

সদানন্দের বৈরাগ্য

ব্যর্থদৌত্য রাজকুমার ফিরিয়া গেলেন ।

ভ্রাতাকে বিদায় দিয়া ভদ্রসোমার বাহতকঠোরপ্রতীত
প্রতীপগামী চিত্ত কাঁদিয়া উঠিল—

“ওগো ! প্রেম যদি আসে, তবে যোগ্যতা লইয়া
আসে না কেন ? মন্থমথিতমন যাকে চায়, তাকে
নির্বিচারে গ্রহণ করা যায় না কেন ? দোষ গুণ বিচারের
প্রবৃত্তি আসে কেন ? জগৎটা এই বিরাট ‘কেন’ শূদ্রে
প্রতিচ্ছন্ন,—ইহার মীমাংসা হইল না, বুঝি হইবে না ।”

রাজা দ্রৌণায়ণ স্বয়ং আসিয়া কন্যাকে বলিলেন, “বৎসে
সোমা, সহসা একি বাতুলতা ? বল্লকণ্ঠ তোমার পরিবর্তে
আমাকে বিশাল রাজ্যের অধিকার দিবেন অঙ্গীকার
করিয়াছেন । বারংবার ব্যর্থীকৃত সর্বপ্রচেষ্টা অনায়াসে সফল
হইতেছিল, তুমি একি অনর্থপাত অকস্মাৎ আনয়ন
করিলে ? বালচাপল্য ত্যাগ কর ; বল্লকণ্ঠকে বিবাহ করিতে
স্থিরমতি হও ; তোমার বালশূলভ নিবুদ্ধিতার জন্ত আমি
হস্তগত বিশালরাজ্য ত্যাগ করিতে পারি না ; তোমায়
বল্লকণ্ঠকে বরণ করিতেই হইবে ।”

রাজকুমারী দীর্ঘশ্বাস ফেলিয়া বলিলেন, “পিতা, রাজ-

সদানন্দের বৈরাগ্য

শাসন চিত্তদমন করিতে নিতান্ত অক্ষম। কন্ঠার চিত্ত বিক্রয় করিয়া রাজ্য অধিকার না হয় নাই করিলেন।”

পিতা বিফলচেষ্টে হইয়া প্রত্যাবৃত্ত হইলে ভদ্রসোমা কাদিয়া উঠিল—“হায় হায়, চিত্ত যদি রাজশাসনেও দম্য হইত। আমার এ বিদ্রোহী চিত্তকে দমন করিতে কি প্রকৃষ্ট বাহুশক্তি বর্তমান নাই ? ওগো কে বলিয়া দিবে, প্রেম ও কর্তৃত্বের জীবনাস্তক যুদ্ধ কিসে বিরামলাভ করিবে—বিজয়লক্ষ্মী একপক্ষ অভিনন্দিত করুক, আমার চিত্ত শাস্ত হোক। বিষমঝটিকাবিক্ষুব্ধ জলধিতরঙ্গের মতো বিপরীত ভাবশ্রেণী আমার হৃদয়-বেলায় নিরাশ্রয়ভাবে আছাড়িয়া দুধারি ভাঙ্গিয়া পড়িতেছে ; ওগো বিধাতা, শাস্ত কর, ওহে শাস্তি দেও। প্রগ্রহে অশ্বের মতো সবলে হৃদয়কে টানিতেছি ; জানি না তাহাতে কতগুলি তন্তু ছিঁড়িয়া-খুঁড়িয়া যাইতেছে।”

৪

মন্ত্রী বল্লকর্ণ আনায়ত্তীকৃত প্রভুরাজ্য দ্রৌণায়ণ রাজার নিকট ফেরত চাহিলেন। রাজ্যালোলুপ দ্রৌণায়ণ প্রথমত যেন শুনিলেন না ; তারপর যেন ভালো বুঝিলেন না ;

সদানন্দের বৈরাগ্য

তার পর ইতস্তত করিলেন ; তারপর বলিলেন, “আমার কন্যা সম্প্রদান করিতে তো প্রস্তুতই আছি, আপনি তাহাকে সম্মত করুন।” বারংবার বিফলপ্রযত্ন নিরাশ্বাস ঝল্লকণ্ঠ এ প্রস্তাবে সম্মত হইলেন না, রাজ্যাধিকার ফিরাইয়া চাহিলেন।

তখন দ্রৌণায়ণ বলিলেন, “স্বায়ত্তীকৃত রাজ্য কোন্ নির্বোধ ত্যাগ করে। আমি উহা ত্যাগ করিব না।”

ঝল্লকণ্ঠ বলিলেন, “সামর্থ্য থাকে ফিরাইয়া লইব।”

দ্রৌণায়ণ বলিলেন, “সেই ভালো।”

ঝল্লকণ্ঠ বৈরনিশ্চিত হইয়া স্বদেশে চলিয়া গেলেন।

৫

অপমানোদ্ধেজিত ব্যর্থ প্রণয়লালস ঝল্লকণ্ঠ উদ্বোধিতো-
শ্রোশৌর্য্যসাহায্যে উপযূ্যপরি যুদ্ধে পরাজিত করিয়া রাজা
দ্রৌণায়ণের কঠিন কবল হইতে সমস্ত নষ্টরাজ্য উদ্ধার
করিলেন। উদ্ধারব্রতে ব্যয়িত সমস্ত অর্থ স্বসঞ্চিত অর্থ
হইতে দিয়া প্রায়ণ্টিভত্ত্বচি তপঃক্লেশ যাজ্ঞিকের মতো দারিদ্র্য
বরণ করিয়া লইলেন। তৎপরে রাজকোষ হইতে অর্থ
লইয়া দ্রৌণায়ণের রাজ্য যুগপৎ তিন স্থানে আক্রমণ
করিলেন।

সদানন্দের বৈরাগ্য

দ্রৌণায়ণ এই অমৃতাপদৃশ প্রায়শ্চিত্তপ্রয়াসী মন্ত্রীর
দুঃপ্রার্থ আক্রমণ আর সহ্য করিতে পারিতেছিলেন না।
বারংবার পরাজিত হইয়া সন্ধির প্রস্তাব করিলেন।

বাল্লকণ্ড ষশিবিরে বসিয়া আছেন। বিজয়ীর প্রায়শ্চিত্তশুদ্ধ
ললাটে চক্ষু সন্তোষের জ্যোতি স্ফুরিত হইতেছিল। কুণ্ডিত
কেশকলাপ আবেষ্টন করিয়া লাবণ্যবিচ্ছুরিকা মুক্তামালা
বিজয়লক্ষ্মীর বরমাল্যের মতো শোভা পাইতেছিল।
ক্রোড়ন্ত কোষবদ্ধ কৃপাণ বিজয়ীর শাস্তনিক্রদেগ প্রচার
করিতেছিল। এবং ভদ্রসোমার প্রথম লিখিত একখানি-
মাত্র পত্র অনিমেঘনয়নে দেখিতে দেখিতে তিনি ভাবিতে-
ছিলেন—

“গ্লানস্ত জীবকুম্মস্ত বিকাশনানি
সস্তর্পণানি সকলেদ্রিয়মোহনানি।
এতানি তানি বচনানি সরোকহাক্ষ্যাঃ
কর্ণামৃতানি মনসশ্চ রসায়নানি ॥”

তাঁহার চিন্তায় বাধা পড়িল। দ্বাররক্ষক আসিয়া
সংবাদ দিল, “দ্রৌণায়ণ-রাজকুমার ভদ্রমুখ সন্ধিদূত হইয়া

সদানন্দের বৈরাগ্য

আসিয়াছেন।” বল্লকণ্ঠ অগ্রসর হইয়া তাঁহাকে অভ্যর্থনা করিয়া গ্রহণ করিলেন।

উভয়ে উপবিষ্ট হইলে, ভদ্রমুখ বলিলেন, “আপনার স্বরাজ্য আপনি পাইয়াছেন, এক্ষণে আর বিরোধ কেন? সন্ধি করিয়া শান্তি ও মৈত্রী সংস্থাপন করিতে আমরা ইচ্ছুক।”

বল্লকণ্ঠ বলিলেন, “রাজকুমার, আপনারা ইচ্ছুক হইতে পারেন, কিন্তু আমি ইচ্ছুক নহি। আমি যে উদ্বেগ ও ক্ষতি স্বীকার করিয়াছি তাহার পূরণও প্রতিশোধ আমি চাই।”

“তবে এই লও প্রতিশোধ” বলিয়া ভদ্রমুখ গুপ্ত কুপাণিকা আমূল বল্লকণ্ঠের বক্ষে বিদ্ধ করিয়া দিয়া বেগে প্রস্থান করিলেন।

এমন সময় দ্বাররক্ষক প্রচার করিল; “রাজকুমারী ভদ্রসোমার দূত আসিয়াছে।”

এই কথা শুনিয়া মর্ম্মভুদ যজ্ঞণায় কাতর ধ্বনি নিঃসৃত হইতে হইতে ক্ষান্ত হইল। কেহ জানিল না মঞ্জীর কি সাংঘাতিক অবস্থা হইয়াছে। তিনি সকল কষ্ট ভুলিয়া

সদানন্দের বৈরাগ্য

আবেগোচ্ছ্বসিতকণ্ঠে বলিয়া উঠিলেন, “কই, কই, সে দূত
কই ? তাহাকে শীঘ্র আসিতে দাও ।”

রাজকুমারীর দূত জজ্বিল প্রবেশ করিয়া মন্ত্রীকে
শোণিতাপ্লুত লুষ্ঠিত দেখিয়া চীৎকার করিয়া উঠিল ।
তাহার চীৎকারে বহুলোক সমবেত হইয়া মন্ত্রীকে তদবস্থ
দেখিয়া হাহাকার করিতে লাগিল ।

মন্ত্রী সকলকে নিরস্ত হইতে আদেশ করিয়া, বাহিরে
যাইতে ইঙ্গিত করিলেন । সকলে অপমত হইলে জজ্বিলকে
নিকটে আহ্বান করিলেন ।

দূত নিকটস্থ হইয়া রুদ্ধকণ্ঠে জিজ্ঞাসা করিল, “মন্ত্রিশ্রেষ্ঠ,
এ কার্য্য কে করিল ?”

মন্ত্রী হাসিয়া বলিলেন, “অদৃষ্ট !—উপলক্ষ্য রাজকুমার
ভদ্রমুখ ।”

জজ্বিল বলিল, “কেন কেন, তাঁহার এ দুশ্চরিত্র কেন
হইল ? বীর হইয়া এই গুপ্তহত্যা-প্রবৃত্তি কেন জন্মিল ?”

বল্লভ কষ্টনিঃসৃত কণ্ঠে বলিলেন, “এও অদৃষ্ট !—
কর্তব্যভ্রষ্ট আমি নিজের স্বার্থের জন্য প্রভুরাজ্য বিক্রয়
করিয়াছিলাম ;—সে প্রায়শ্চিত্ত সম্পূর্ণ করিয়াও প্রতিহিংসা-

সদানন্দের বৈরাগ্য

প্রবৃত্তি আমাকে উত্তেজিত করিয়াছিল;—বীর শত্রুর প্রার্থিতসন্ধি উপেক্ষা করিয়া অদৃষ্টের প্রতিদান এই পাইয়াছি।—যাক সে কথা, এক্ষণে তুমি কি উদ্দেশ্যে আসিয়াছ, শীঘ্র বল—আমার সময় সংক্ষেপ হইয়া আসিতেছে।”

জজ্জ্বল আপনার উষ্ণীষাবরণ হইতে একখানি পত্র মুক্ত করিয়া বল্লকণ্ঠের হাতে দিল।

বল্লকণ্ঠ সেই চন্দনকুঙ্কুমলিপ্ত স্নগন্ধী লিপিখানি লইয়া চোখের কাছে কিছুক্ষণ উন্টাইয়া পাণ্টাইয়া পড়িবার চেষ্টা করিতে লাগিলেন; কিন্তু মৃত্যুচ্ছায়সমাচ্ছন্ন দৃষ্টিতে লিপিখানির একটি বর্ণও পড়িতে পারিলেন না। কাতর হইয়া বুকে ললাটে চাপিয়া ধরিয়া চূষনাচ্ছন্ন পত্রখানি জজ্জ্বলকে দিয়া বলিলেন, “জজ্জ্বল, ভগবান আমাকে প্রেয়সীর হস্তাক্রম দর্শনস্থখেও বঞ্চিত করিয়াছেন; শ্রবণশক্তি অবিকৃত থাকিতে থাকিতে তুমি ইহা পাঠ কর; আমার দৃষ্টিতে আবিল্য আসিতেছে, মৃত্যুর প্রাণহীন শীতলহস্ত আমার সর্বোজ্জ্বল আচ্ছন্ন করিতেছে, সমস্ত মসীলিপ্ত দেখিতেছি,—তুমি পত্র পাঠ করিয়া শুনাও, শীঘ্র পাঠ কর।”

সদানন্দের বৈরাগ্য

জজিল আবরণ উন্মোচন করিয়া পাঠ করিল—

“স্বধর্মকর্তব্যনিষ্ঠ গরিষ্ঠ সচিবশ্রেষ্ঠ বল্লকষ্ঠ শ্রীকর-
কমলোপায়ন— “ওহে দয়িত, ওহে বাঞ্ছিত, ওহে বল্লভ,
তোমাকে বর্তব্যভ্রষ্ট স্বার্থান্ধ দেখিয়া মর্ম্মাহত হইয়া নরক-
যজ্ঞণা ভোগ করিয়াছি, পুটপাকপ্রতীকাশা অন্তর্গূঢ় ঘন-
ব্যথা হৃদ্মর্মে অক্ষুটিত ত্রণের রুঢ় গ্রন্থির ত্রায় ঘনীভূত
শোক নিশিদিন বিষদিক্ষ শল্যের মতো জ্বালা দিয়াছে ।
তোমার আত্মোপলব্ধি তোমাকে সগৌরবে পুনঃপ্রতিষ্ঠিত
করিয়াছে দেখিয়া আজ আমার কৃতখণ্ডনব্যথা চিত্ত তাহার
সমস্ত রুদ্ধ পূজা দিয়া তোমাকে অভিনন্দন করিয়া স্বাধিকারে
আবাহন করিতেছে ;—এস ওগো গৌরবদীপ্ত সুন্দর, ফিরে
এস ; ওহে হৃদিরঞ্জন, হৃদয়মন্দিরে ফিরে এস ; ওগো
প্রত্যাখ্যাত, দ্বারোপাস্ত হইতে ব্যর্থমনোরথ লইয়া ফিরিয়া
গিয়া, ওহে প্রাপ্তসর্বগৌরব বীরশ্রেষ্ঠ, আমার চিত্তরাজ্য জয়
করিয়াছ, তোমার স্নেহচ্ছায়ে উহাকে পালন কর । আমার
মানস-আদর্শ তোমার ব্যবহারে কলঙ্কলান হইয়াছিল, আজ
তোমার প্রায়শ্চিত্তপূতচরিত্র তাহাকে রাহমুগ্ন শশাঙ্কের
ত্রায় উজ্জলতর, ভাস্বরতর করিয়াছে—আমার মানসমুকুরে

সদানন্দের বৈরাগ্য

তোমার গৌরবমুকুটের দীপ্তচ্ছায়া দেখিবে, এস ওগো এস ।
আমার অটল বিশ্বাস, আমাদের মধ্যে পূর্বকার সরল
কোমল স্নেহবন্ধন অটুট অক্ষুণ্ণ ও প্রীতিযোগ্য অপরাঞ্জিত
রহিয়াছে । ওহে হৃদয়দেবতা, আমার সর্ব্বচিত্রিত বিচিত্র
অর্ঘ্য তোমার চরণে ঢালিয়া দিব, এস ওহে ফিরে এস ।
ইতি—পূজার্থিনী ভদ্রসোমা ।”

পত্র পঠিত হইলে ঝলকঠ মরণরুদ্ধ কণ্ঠে বলিলেন,
“জজ্বিল, আমার হইয়া তুমি রাজকন্যাকে বলিয়ো, আমি
বলিতেছি—‘দেবি, মৃত আমি,—তোমায় পাইবার উপায়
ভুল বুঝিয়া কষ্টব্যপথক্ষুণ্ণ হইয়া তোমায় পাইয়াও পাই
নাই ।—মৃততানুষ্ঠিত পাপ তোমার জগুই করিয়াছিলাম—
ইহাই আমার সাস্থনা । তুমি আমাকে ক্ষমা করিয়াছ,—
আমাকে তোমার পূজাধিকারে প্রতিষ্ঠিত করিয়াছ,—ইহা
জানিয়া মরিতেও সুখ ।—মরণের পূর্ব্বমূহূর্ত্তে সর্ব্বগ্ৰানিহরা
লিপিখানি আমার মৃত্যুসরণি সরল সুন্দর করিয়া দিল ।—
আমি ধন্ত—আমি আজ সার্থকপ্রেম ।—জজ্বিল, আমি
আজ এই মৃত্যুমূহূর্ত্তে আমার অস্থলিত প্রীতির নিদর্শন
কি দিব ; তাঁহার প্রথম প্রণয়সম্ভাষমধুরা লিপিখানি আমার

সদানন্দের বৈরাগ্য

বক্ষে নিশি দিন রক্ষা করিয়াছি—তাহাই লইয়া তাঁহাকে দিও।”

এই বলিয়া বল্লকণ্ঠ অঙ্গরক্ষণীয়ে বন্ধনমুক্ত করিতে আরম্ভ করিলেন, জজিল সসম্ভ্রম তৎপরতায় তাঁহাকে সাহায্য করিল। অঙ্গরক্ষা উন্মুক্ত করিয়া বল্লকণ্ঠ দেখিলেন, বক্ষবিদ্ধ কুপাণিকা পত্রখানির একাংশ ছিন্ন করিয়া বক্ষো-মধ্যে প্রবিষ্ট করাইয়া দিয়াছে। তিনি সেই ছিন্ন রক্তানুলিপ্ত পত্রখানি চূষন করিয়া জজিলের হাতে দিলেন; তার পর বক্ষ হইতে সবলে কুপাণিকাফলক নিষ্কাশিত করিয়া জজিলকে দিয়া বলিলেন :—

“যাঃ জজিল্—আমার হৃদয়রক্তরঞ্জিত কুপাণিকা তাঁহাকে দিয়া বলিয়ো, ‘এই কুপাণিকা আমার শত্রু হইয়াও হিতকারী—সে প্রেয়সীর প্রণয়ানুপ্রাণিত হস্তাক্ষর আমার বুকের মধ্যে প্রিয়া দিয়াছে,—প্রেয়সীর প্রণয়গর্ভ বাণী আমি হৃদয়ে বহন করিয়া মরিব,—আমাকে কেহ আর তাহা হইতে বিচ্যুত করিতে পারিবে না,—আমি সার্থক প্রেমের পুষ্পকোড়ে মরিতেছি।—আমি সুখী।—ভগবান, পরকালে অপরিণত প্রণয়প্রসঙ্গ যেন পূর্ণতা প্রাপ্ত হয়,

সদানন্দের বৈরাগ্য

প্রারম্ভমাত্রসাদলীলা ভদ্রসোমাকে সাবুনা দিয়া—হে
ভগবান—”

বন্ধের ক্ষতমুখে রক্তোচ্ছ্বাস হইল, মরণযুদ্ধ মন্ত্রী
বল্লকণ্ঠ শয্যায় অসাড় জড় পতিত হইলেন ।

প্রত্যাবৃত্ত জজ্বিল প্রণয়প্রাণ মন্ত্রীর সকল বাক্য যথাযথ
নিবেদন করিয়া প্রগাঢ়শোকোদ্বেষণসুত্তিতা । রাজকুমারী
ভদ্রসোমার চরণপ্রান্তে রক্তরঞ্জিত রূপাণিকা ও পত্রিকা
দুখানি রাখিয়া দিল ।

ভদ্রসোমার শোক উচ্ছ্বাসাতীত, অননুমেষ, অগাধ ;
রক্তলিপ্ত উপহারগুলি দেখিয়া অক্ষিকোণে শুধু দুটি বিন্দু
লাবণ্যবিচ্ছুরিত অশ্রু নিটোল মুক্তাফলের মতো দীর্ঘ
নিরঙ্কুশস্বাসে ছলিয়া উঠিল ; তিনি রক্তলিপ্ত পত্রিকার
একখানি মস্তকে কবরীর মধ্যে, অপরা খানি বক্ষাব-
রণান্তরালে রক্ষা করিলেন ; তার পর, দয়িতহৃদয়রক্তরঞ্জিত
রূপানিকাখানি চুশ্বন করিয়া ললাটে মস্তকে স্পর্শ করিলেন ;
সীমন্তে ললাটে রক্তরাগদীপ্তি সধবার প্রিয়ানুরাগচিহ্নিত
সিন্দূরশোভার মতো উজ্জ্বল হইয়া উঠিল ।

সেবিকা

গৌড়নগরনিবাসিনী শ্রীমতী কুলীনকণ্ঠা, কুলীনপত্নী, কোলীনোর(অন্যতম প্রথম বলি। শৈশবে জ্ঞানবিকাশের পূর্বেই সামাজিক উপদ্রব বিবাহ নামক একটা উপসর্গ তাহার জীবনে জুটিয়াছিল; কিন্তু ঐ পর্য্যন্ত। সজ্জানে এক দিনের জন্তও স্বামী নামক অপূর্ব জীবের শ্রীপদারবিন্দ-সন্দর্শন তাহার ভাগ্যে ঘটে নাই।

স্বামীদেবতা বিশ্বত হইয়াছিলেন বলিয়া, কাল তাহাকে ভুলিয়া ছিল না। কালে ফুল যৌবনশ্রী তাহার নিতান্ত অজ্ঞাতসারেই তাহাকে বেষ্ঠন করিয়া ধরিল; পুষ্পস্তবক-বিভূষণা নবমল্লিকার মতো তাহার তনুলতা শ্রীসম্পদে দীপ্ত হইয়া উঠিল। নয়নে অলসমদিরভাব, চরণে সবিলাস গতি, সর্বাঙ্গে সরমসঙ্কোচ জাগিয়া উঠিল; মানসক্ষেত্রে মনোভব সমরতাণ্ডবে নাচিয়া উঠিল। সামাজিক শাস্ত্র প্রতিনিয়ত তাহার কর্ণরঞ্জে স্বামীদেবতার বিচিত্র মাহাত্ম্যের

সদানন্দের বৈরাগ্য

দুন্দুভিনিদাদ করিতে থাকিলেও, বিষমসমরবিজ্ঞার
বিজয়নিশান প্রণয়াকাজ্ঞা বিচিত্র বিভাবে বিস্তারিত হইয়া
পড়িয়াছিল।

একদা বিহঙ্গসঙ্গীতনন্দিত পুষ্পবহুল বসন্তের অরুণিত
প্রভাতে সে দেখিল গঙ্গান্নাত কোষেয়পরিহিত গোবিন্দ
চক্রবর্তী হাতে সাজি ধরিয়া পূজার জন্তু, পুষ্পচয়ন
করিতেছে ; নবাক্ষণের লালিমদ্যুতি তিলকত্রিপুণ্ড্র-
চর্কিত প্রশান্ত প্রশস্ত ললাটে মহেশের শশীনেত্রের মতো
জ্বলিতেছে। পুষ্পবনে দীপ্ত স্থলপদ্মের মতো তাহাকে
দেখিয়া শ্রীমতীর ভ্রমরকৃষ্ণ চক্ষু চঞ্চল হইল, মনোভব
হাসিল, শ্রীমতীর প্রাণ কাঁদিয়া উঠিল—

‘তুমি কে, তুমি কে গো, এই দীপ্ত প্রভাতে পুষ্পবনে
অরুণের মতো জ্বলিয়া উঠিয়াছ ? তোমার বৈদ্যুতশক্তি
যে আমার অন্তরের অন্তরে প্রস্রুত হইয়া পড়িল। একি,
ওগো একি ! আমার প্রাণে আজ মধুপরাঙ্কত শত শতদল
বর্ণগঙ্গাগানে এক সঙ্গে কেন ফুটিয়া উঠিল ? এস, এস,
ওহে শতদলবিহারী আমার অন্তরে এস, ভাব-রাগ-বাক-
তানে তোমার পূজা করিব, এস এস হে।’

সদানন্দের বৈরাগ্য

শ্রীমতী দাবদগ্ধা হরিণীর মতো সর্বসম্প্রাপহা শীতল জাহ্নবীজলে গিয়া পড়িল, তবু চিত্তজ্ঞানা নিভিল না। ‘শিবায় নমঃ’ বলিয়া ফুল দিতে গিয়া ‘গোবিন্দায় নমোনমঃ’ বলিয়া অন্তরবিজয়ীর পূজা করিল। শ্রীমতী গহন মাঝে দিক্‌বিদিক্‌ হারা হইয়া কাঁদিয়া ফেলিল—

‘হে ভগবান, এ কি করিলে, এ কি হইল ? গোবিন্দ চক্রবর্তীকে আবালা কতদিন কতবার দেখিয়াছি, কিন্তু আজ এ কি ক্লক্ষেণে বা সুক্ষেণে সে আমায় দেখা দিল ? হে অন্তর্যামী, তার মধ্যে আজ এমন কি ঐশ্বর্য্য পরিস্ফুট হইয়া উঠিয়াছে, যাহাতে তাহাকে আজ অতুল শোভায় সজ্জিত দেখিলাম ; অথবা হে বিধাতা, আমার মনেই কি এমন কিছু অঘটন ঘটনা ঘটিল যাহাতে সে আজ আবালাদৃষ্ট অবিশেষকে সবিশেষ শোভন করিয়া গ্রহণ করিল ? এ কোন্‌ অয়স্কাস্তমণি, যাহার স্পর্শে লৌহ কনককাস্তি লাভ করিল, এ কোন্‌ স্পর্শমণি যাহার সংসর্গে মৃৎপিণ্ড রত্নত্বাতি বিকীর্ণ করিল ? ও গো এ কি, কি এ ?’

শ্রীমতীর চিত্তবিপ্লব গোবিন্দের অন্তরে গিয়া আঘাত করিতে লাগিল। গোবিন্দ বুঝিল, মনোভব সরস্রভাবের

সদানন্দের বৈরাগ্য

দিব্য সরণি নির্মাণ করিয়া উভয়ের চিত্তসংযোগ সাধন করিয়াছেন। গোবিন্দের প্রাণও কাঁদিল—

‘হে মনোমথ, তোমার এ কি খেলা? তোমার মোহনস্পর্শে আমার চিত্তে যে অসংখ্য ভাবকুসুম প্রফুল্ল হইয়া উঠিল, হে অঘটনঘটনপটু, তাহা সার্থকতা লাভ করিবে কোথায় হে, ওহে কেমন করিয়া?’

এক্ষণে মন্থ যদি বাদ সাধিল, তবে তাহাদের সহজ দৃষ্টিমিলন প্রথমে চকিত হইল, ক্রমে সলজ্জ, অবশেষে করুণ হইয়া উঠিল। যখন দুটি প্রাণ প্রণয়ের আকর্ষণে পরস্পরাভিমুখী হয়, তখন কি জানি কেন আন্তরিক নৈকট্যবৃদ্ধির সঙ্গে সঙ্গে বাহিরে দূরত্ব আসিয়া পড়ে।

এক্ষণে শ্রীমতীর স্বামীদেবতার কাল্পনিক পদারবিন্দ অপেক্ষা তাহার প্রতিবেশী গোবিন্দ চক্রবর্তীর ফুল মুখারবিন্দ অধিক তৃপ্তি সাস্তনা ও স্বর্গ স্খের আভাস দিতে লাগিল।

পল্লীধুরন্ধরগণের ইহা বুঝিতে বিলম্ব ঘটিল না— প্রণয়ের ধর্মই প্রকাশ। কটাক্ষ বিক্রপ তিরস্কার তাহাদের সঙ্কুচিত দুটি প্রাণকে সহানুভূতির গূঢ়শ্রোতে অতি দ্রুত

সদানন্দের বৈরাগ্য

অতি দৃঢ় মিলিত করিয়া দিল। উভয়ে উভয়কে বলিল—

‘এস এস ওগো বাঞ্ছিত, আমার নিগ্রহনির্ভিন্নহৃদয়ে তোমার মধুমুরতি বরণ করিয়া লই। তুমি দুঃখরূপে এস আমাকে অধিকার কর, ওগো আচ্ছন্ন কর !’

শ্রীমতীর বিফলপ্রেম রত্নমালার মধ্যমণির মতো গোবিন্দের বক্ষ উজ্জ্বল করিয়া জলিয়া উঠিল; গোবিন্দের প্রণয় চন্দনপ্রলেপের মতো শ্রীমতীর জ্বালাময় হৃদয় শীতল করিল।

মিলনের প্রথম উল্লাস ও উন্মাদনা যখন শ্লথ হইল, তখন শ্রীমতী দেখিল, সমাজ সমাজ, সে একের স্তম্ভদুঃখের প্রতি ভ্রক্ষেপ করে না। সে বেশ বুঝিল, তাহাদিগকে নিগৃহীত লাঞ্ছিত গৃহতাড়িত পতিত ঘৃণিত পরিত্যক্ত করিবার বিপুল আয়োজন উদ্যোগ হইতেছে। তখন শ্রীমতী চিন্তা করিতে লাগিল—

‘সমাজ, তোমার প্রবল ইচ্ছার কাছে আমরা কি কিছু নহি? হৃদয় প্রেম বাসনা ইচ্ছা স্বাধীনতা বলিয়া কি সম্মানযোগ্য কিছু নাই? আমার চিত্ত যাহাকে চাহে, সে আমার কেহ নয়; তুমি যাহাকে দয়া করিয়া দিবে, সেই

সদানন্দের বৈরাগ্য

প্রসাদ পাইয়াই সন্তুষ্ট থাকিতে হইবে? আচ্ছা বেশ! প্রবলের জয় হউক! আজ আমি একজনকে ভালো বাসিয়াছি বলিয়া তোমার গাত্রজ্বালা উপস্থিত হইয়াছে; এমন দিন আসুক আমার জীবনে, হে ভগবান, যখন সমাজের প্রত্যেককে আমি গোবিন্দের মতো ভালোবাসিব, অথচ লোকে আমার জয়গান করিবে। এখন যাহারা আমায় দেখিয়া ঘৃণায় নাসিকাকুঞ্চন করিতেছে, তাহারা আমার প্রসাদলাভের জন্ত লালায়িত হইয়া উঠিবে।’

তদবধি শ্রীমতী আত্মসংবরণ করিল।

গোবিন্দ চক্রবর্তী শ্রীমতীকে দেখিয়া বিস্মিত হইল, শুক্ক হইল, সম্মুখে মুহমান ও সঙ্কুচিত হইল। যে তাহাকে দেখিয়া শ্রীমতীর তুষারকুন্ডেন্দু-মৃণালরজতপ্রভ শুভ্র-শীতল হাসিখানি মেঘবেষ্টনৌ বিদ্যুতের মতো তাহাকে আলিঙ্গন করিয়া ধরিত, জলবিন্দু লোলচপল দৃষ্টি তাহাকে অভ্যর্থনা করিত, কপোলরাগ অরুণিত হইয়া উঠিত, সেই তাহাকে দেখিয়া সেই শ্রীমতীর মুখের একটি ক্ষুদ্রতম পেশীও বিচলিত হইল না। শুধু চিন্তাজয়ের অনবদ্য বিরাট আনন্দ তাহার চক্ষু হইতে ছুরিত হইতে দেখিয়া গোবিন্দ শ্রদ্ধাসম্মুখে

সদানন্দের বৈরাগ্য

পুলকাঙ্কিত হইল, মনে মনে শ্রীমতীর সংযমশক্তিকে
প্রণাম করিল।

এইরূপে দিন গেল, মাস গেল। আচারের ব্যতিক্রম
ঘটিল না। গোবিন্দ শুধু সপ্রশংসদৃষ্টিতে পূজা দান করে;
শ্রীমতীর প্রশান্ত দৃষ্টি তাহাকে কি বলে, সে তাহা ঠিক
বুঝিতে পারে না। শ্রীমতীর সে শান্ত অধু তরল প্রেম
ক্ষরিত হইত, তাহা লইয়। বীক্ষা করিয়া
দেখিয়াছে, এখন তাহা তাহার একলার নিজস্ব নহে, তাহা
সকলেরই, তাহা সাধারণের। সেই অস্বাভাবিক
দৃষ্টিতে গোবিন্দ তাহার জন্ত বিশেষ কিছু
না পাইত
না,—তবু গোবিন্দ তাহা হইতে নির্ভীক প্রীতি লাভ
করিত।

সমাজ অগত্যা শান্ত হইল। বুঝি পূতসংযমশীলা
শ্রীমতীর কাছে নতি স্বীকার করিল।

শ্রীমতী সর্বদা প্রার্থনা করিত,—‘‘ তুমি একের
প্রীতি সকলকে বাঁটিয়া দিলে ; সেই শুভ আশ্রুক—
সকলে ইহা ভোগ করুক, আমার জীবন সার্থক হোক।
তুমি আমার জীবনে সেই শুভ মুহূর্ত্ত আনিয়া দাও, যখন

সদানন্দের বৈরাগ্য

আমি দ্বিধা-বিরহিত হইয়া সকলকে প্রাণের প্রীতি পরিবেষণ করিয়া দিতে পারি। তুমি গোবিন্দকে আশ্রয় করিয়া প্রীতিরূপে আমার চিত্তমন্দিরে প্রকাশিত হইয়াছিলে, এখন বিশ্বরূপে যদি ব্যাপ্ত হইয়া পড়িলে, তবে, হে ^{স্বামী} সেই বিশ্বরূপের পূজার অবকাশ দাও; ^{স্বামী} শরণীয় শ্রেয় ও প্রেয় পস্থা নির্দেশ দাও।’

তিনি প্রার্থনা অবশেষে পূর্ণ করিলেন। গোড়নগরে ^৩ উপস্থিত হইল। প্রত্যহ শত শত ব্যক্তি মৃত্যু বলিত হইতে লাগিল। যত সম্পন্ন গৃহস্থ নগর ছাড়িয়া পলায়ন করিল। শ্রীমতীর পিতা সনাতন বন্দোপাধ্যায় পলায়নের উদ্যোগ শেষ করিয়া যখন শ্রীমতী ^৩ আহ্বান করিলেন, তখন শ্রীমতী বলিল—

‘আমার ^৩ শত মুহূর্ত্ত আজ আসিয়াছে, ওগো আজ আসিয়াছে। আজ আমি বিশ্বজনের সেবা করিয়া ধন্ত হইব, পবিত্র হইব, পূর্ণ হইব। আমার ব্যর্থ জীবন রক্ষার জন্য কেন পলাইব? সেবা-উৎসর্গিত জীবন আমার

সদানন্দের বৈরাগ্য

সার্থক, ওগো সার্থক হউক। শুভাকাজ্জী যে কেহ থাক
আশীর্বাদ কর, ওগো আশীর্বাদ কর।’

শ্রীমতী রহিল। আর রহিল নগরত্যাগসক্ষম গোবিন্দ
চক্রবর্তী। তাহারা পীড়িত ও আর্তের সেবা ও যত্নে
আপনাদিগকে ঢালিয়া দিল।

নিপুণ সেবিকা শ্রীমতী নিত্য দ্বারে দ্বারে ঔষধ ও সেবা
লইয়া ফিরে, গোবিন্দ তাহার নিরাপত্ত মূক অনুগত
আজ্ঞাবহ। শ্রীমতীর বিশ্বসেবায় যে সুখ, সেবিকার সাহায্যে
গোবিন্দের সেই আনন্দ—অনাবিল, অনবচ্ছ।

যাহারা কিছুদিন পূর্বে শ্রীমতীকে তাড়িত লাঞ্ছিত
করিবার ষড়যন্ত্র করিয়াছিল, তাহারাই এখন তাহার
সঙ্গলাভের জন্ত অধিক ব্যস্ত। এবং তাহার সাক্ষাৎ
পাইলে এখন তাহার কাতরকণ্ঠে বলে, ‘থাক মা থাক,
শরীরিণী শুশ্রূষা বিধাতার শুভ আশীর্বাদের মতো আমাদের
রোগক্লিষ্ট শিয়রে বসিয়া থাক!’

যাহারা তাহাকে অসতী বলিয়া বিশেষভাবে নাসিকা-
কুঞ্জন করিয়াছিল, তাহারাই এখন বলে, ‘তুমি পুণ্যবতী,
ওগো সতী সাক্ষী।’

সদানন্দের বৈরাগ্য

ক্রমে গোবিন্দের পালা আসিল। সে রোগগ্রস্ত হইয়া কাতর হইয়া পড়িল, সে কাতরতা রোগযন্ত্রণায় নহে, শ্রীমতীকে মহৎব্রত উদ্‌যাপনে সাহায্য করিতে বঞ্চিত হইয়া।

তপিষ্ঠা শ্রীমতী গোবিন্দের শয্যাপার্শ্বে দিব্য প্রশান্ত মুখে আসিয়া দেখা দিল। গোবিন্দ প্রথম মুহূর্ত্তে স্মৃতি-শয্যে একটু বিচলিত হইল, তাহার ভাবভারী অধিপুট নিম্নীলিত হইল। কিছুক্ষণ পরে বলিল—

‘শ্রী, শ্রী, ওগো শ্রী, তুমি এখানে কেন? কত অনাথ তোমার সেবালাভের জন্য সোৎসুক প্রতীক্ষা করিতেছে; তুমি তাহাদের কাছে যাও, আমার কাছে থাকিয়ো না।’

শ্রীমতীর মুখ সহাস নহে, অথচ প্রদীপ্ত। এ দিব্য শ্রী সেই তপঃকৃশা কোথায় পাইল? সে অকম্পিত কণ্ঠে বলিল, ‘গোবিন্দ, তুমি মনে করিয়ো না, যে, আমি অধিক প্রীতি লইয়া তোমার সেবা করিতে আসিয়াছি। তুমি নগরের দরিদ্রতম ভিক্ষুক হইলেও এখন আমি আসিতাম; এখন তোমার সেবার পালা; আমার কর্তব্য শেষ হইলেই

সদানন্দের বৈরাগ্য

অন্তের সেবায় চলিয়া যাইব। গোবিন্দ, হীনতম নাগরিক আমার যতখানি প্রিয়, তুমিও ততখানি, এখন একটুকুও বেশি নও। একটু কৃতজ্ঞতার ঋণ শুধু তোমার নিকট আছে ; ভগবান তোমাকেই উপলক্ষ্য করিয়া আমার রুদ্ধ-চিত্তের গুপ্তভাণ্ডার বিশ্বের নিকট উন্মুক্ত করিয়া দিয়াছেন।’

গোবিন্দের মৃত্যুচ্ছায়াসমাচ্ছন্ন চক্ষু প্রশংসা সম্ভ্রম প্রীতি ভক্তিতে উজ্জ্বল হইয়া উঠিল। সে উচ্ছ্বসিত কণ্ঠে বলিয়া উঠিল ‘ঈশ্বরের করুণা ও প্রেম ধন্য, শ্রীমতী তুমি ধন্য, আর তোমাদের দয়াতে আমিও ধন্য। ঈশ্বরের চরণে কোটি নমস্কার, তোমার চিত্তজয়ের বিরাট শক্তিকে শত শত নমস্কার, দেবি, তোমার অপূৰ্ণ বিশ্বপ্রীতিকে সহস্রবার নমস্কার, সাধিব, তোমার চরণে বার বার নমস্কার !’

আবেগ-উত্তেজিত প্রেমিকের উথিত মস্তক শয্যায় লুষ্ঠিত হইয়া পড়িল। শ্রীমতী ডাকিল, ‘গোবিন্দ !’ মরণাহত প্রেমিক উত্তর দিল না। অবিকম্প অনিম্পন্দ কণ্ঠে শ্রীমতী আশীর্বাদ করিল, ‘তুমি আজ ভগবানের

সদানন্দের বৈরাগ্য

চরণ-সদাভূতে চিরঅতিথি হইলে, যাও, তোমার আত্মার
কল্যাণ হোক ।’

তারপর শ্রীমতী মরণাক্রান্ত অপরগৃহে চলিয়া গেল,—
গোবিন্দের জন্ত একটি দীর্ঘনিশ্বাসও বৃষি নির্গত
হইল না ।

চুড়িওয়ালা

“বেলোয়ারী চুড়ি চাইয়ে, কাঁচের পুতুল খেলেনা চাইয়ে,
গেলাস বাটি ফুলদান চাইয়ে।”

ছপুর বেলা যখন রোদ ঝাঁ-ঝাঁ করিতেছে, গলির
পথে লোক চলিতেছে না, ঘরে ঘরে গৃহিণীরা কাজকর্ম
সারিয়া নিশ্চিন্ত হইয়া একটু গ-গড়া দিতেছেন, তখন
নিজের পসরা মাথায় করিয়া পথে পথে চুড়িওয়ালা
হাঁকিয়া ফিরিতেছিল—“বেলোয়ারী চুড়ি চাইয়ে, কাঁচের
পুতুল খেলেনা চাইয়ে, গেলাস বাটি ফুলদান চাইয়ে।”

গলির ধারে একটি জানলা অল্প একটু খুলিয়া একটি
কিশোরী মেয়ে ডাকিল—“ও চুড়িওয়ালা, চুড়িওয়ালা, এই
বাড়ীতে এস।”

চুড়িওয়ালা ফিরিয়া দুই হাতে মাথার বুড়ি উঁচু করিয়া
তুলিয়া ধরিয়া উপরে তাকাইয়া জিজ্ঞাসা করিল—“কনে,
কেডা ডাকছ গো?”

সদানন্দের বৈরাগ্য

কিশোরী বলিল—“এই যে এই বাড়ীতে।”

চুড়িওয়ালা দেখিল একটি তরুী স্তম্ভরী কিশোরী একথানা চোড়া লাল পেড়ে শাড়ীতে মাথায় আধঘোমটা দিয়া দাঁড়াইয়া আছে—শাড়ীর চোড়া লাল পাড়টি মাথার মাঝখানে সিঁহুরের মতো টকটক করিয়া যেন জ্বলিতেছে। কিশোরীর নাকে একটি নোলক, কানে দুটি ছল—গায়ের রঙের সঙ্গে সেগুলি যেন মিশিয়া লুকাইয়া গিয়াছে। তাহাকে দেখিয়াই বুড়া আলিজানের মনটা খুসী হইয়া উঠিল। এমন মধুর রূপ সে আর কখনো দেখে নাই; অনেক স্তম্ভরীকে সে চুড়ি বেচিয়াছে, কিন্তু কাহাকেও দেখিয়া তাহার প্রাণ এত খুসী হইয়া উঠে নাই। সে হাতের বোঝা মাথায় নামাইয়া বাড়ীর উঠানে আসিয়া দাঁড়াইল।

কিশোরীটি নামিয়া আসিয়া চুড়িওয়ালার সামনে দাঁড়াইয়া জিজ্ঞাসা করিল—“লাল চুড়ি আছে চুড়িওলা?”

চুড়িওয়ালা হাসিয়া বলিল—“আছে মা লক্ষ্মী! কার হাতের চাই? তোমার হাতের?”

কিশোরী ঘাড় কাৎ করিয়া বলিল—“হ্যাঁ।”

সদানন্দের বৈরাগ্য

বুড়া আলিজান মাথার মোট নীচে নামাইয়া উপরের ঢাকা খুলিতে খুলিতে হাসিয়া বলিল—“তা লাল চুড়ি ত তোমার ও লাল হাতে মানাবে না মা লক্ষ্মী !—রঙে রঙে মিশে যাবে যে ? ঐ রাঙা হাতে কালো চুড়ি ভালো মানাবে । কালো চুড়ি দেবো ?”

কিশোরী লজ্জায় লাল হইয়া হাসিমুখ নত করিয়া বলিল—“না, লাল চুড়ি বা’র কর ।”

বুড়া চুড়িওয়ালা হাসিয়া বলিল—“মা আমার লালির ভক্ত ! এস ত মা হাত দেখি ?”

কিশোরী লজ্জিত হইয়া বলিল—“না, তুমি চুড়ি দাও, আমি দেখে নিচ্ছি ।”

চুড়িওয়ালা বলিল—“তোমার হাতে পরায়ে দেবো না মা ?”

কিশোরী বলিল—“না, আমি মার কাছে পরব ।”

বুড়া চুড়িওয়ালা হাসিয়া বলিল—“না মা, তা হবে না ; ও রাঙা হাতে রাঙা চুড়ি আমি পরায়ে দিয়ে যাব । তা যদি না দাও ত মুই চুড়ি বেচব না”

বুড়া মনে করিতোঁছিল এই ব্যবসা অবলম্বন করিয়া সে

সদানন্দের বৈরাগ্য

ত কত বাড়ীতে কত মেয়ের হাত নিজের হাতের মধ্যে
লইয়া চুড়ি পরাইয়া দিয়াছে । কত স্পর্শ তাহাকে কণিকের
জন্ম একটু বিচলিত করিয়াছে, কিন্তু তাহাকে কেহই ত
মুগ্ধ করিতে পারে নাই । আজ বুড়ার মনে হইতে লাগিল
এই সুন্দরী কিশোরীটির হাতে যদি সে চুড়ি পরাইয়া দিতে
না পারে, তবে তাহার এই ব্যবসা মিথ্যা পণ্ড্রম হইয়া
যাইবে ; এই হাতখানিরই সন্ধানে সে সমস্ত জীবন রোদে
রোদে গলিতে গলিতে ঘুরিয়া ঘুরিয়া বাড়ীতে বাড়ীতে
খুঁজিয়া খুঁজিয়া তাহার বয়স কাটাইয়াছে, তাহার কাঁচা
চুল পাকাইয়া ফেলিয়াছে । তাই যখন সেই কিশোরী
তাহার কাছে চুড়ি পরিবে না বলিল তখন বুড়া বলিয়া
বসিল—“তা যদি পরাতে না দাও ত মুই চুড়ি বেচব না !”

এই কথায় কিশোরীর ভারি লজ্জা বোধ হইল । সে
আর কোনো কথা না বলিয়া আস্তে আস্তে আগাইয়া
আসিয়া বুড়ার কাছে বসিয়া তাহার সুন্দর সুকোমল হাত-
খানি বাড়াইয়া দিল—তাহার মুখে লজ্জার আভাস শাড়ীর
লাল পাড়ের ছায়ার মতো ফুটিয়া উঠিয়াছিল ।

চুড়িওয়ালা মৃণালসংযুক্ত পদ্মের কলির মতো কিশোরীর

সদানন্দের বৈরাগ্য

হাতের মুঠিটিকে নিজের দুই হাতের মধ্যে ধরিয়া একবার হৃদয়ের সমস্ত স্নেহের আবেগ দিয়া চাপিয়া চুড়ির মাপ ঠিক করিয়া লইল। বুড়ার মনে হইতেছিল যদি সে এই সুন্দর সুকোমল পদ্মের কলির মতো হাতখানি চোখের জলে ধুয়াইয়া চুমায় চুমায় একেবারে আচ্ছন্ন করিয়া দেয়, তারপর নিজের পসরাটি উজাড় করিয়া দিয়া রিক্ত হস্তে ফিরিয়া যায়, তবেই তাহার উচ্ছ্বসিত স্নেহের আবেগ কথঞ্চিৎ চরিতার্থতা লাভ করিয়া শান্ত হইতে পারে।

চুড়িওয়ালা কিশোরীর হাত দুখানিকে নিজের হাতে ধরিয়া টিপিয়া টিপিয়া লাল চুড়ি একগাছির পর একগাছি করিয়া পরাইয়া দিতে লাগিল। বেদনায় কিশোরীর মুখ একটু কুঞ্চিত হইলে সে বেদনা সহস্রগুণ হইয়া বুড়ার বুকে গিয়া বাজিতেছিল, আর বুড়া বলিতেছিল—“বড্ড কি লাগতিছে মা? একটু সহ্য কর মা, তা হলি এ চুড়ি তোমার হাতে চাপে বস্তু যাবে, সে যা মানাবে মা!”

কিশোরীর চোখ ছলছল করিতেছিল, তবুও সে বুড়ার কথা শুনিয়া মুখ লাল করিয়া তুলিয়া হাসিল—হাসিতে দুটি গালে দুটি টোল পড়িল।

সদানন্দের বৈরাগ্য

চুড়ি পরাইয়া দিয়া চুড়িওয়ালা আপনার ঝুড়ি হইতে
বাছিয়া বাছিয়া ভালো ভালো পুতুল, কড়ি-বসানো বাক্স,
খেলনা, ফুলদান বাহির করিল।

কিশোরী তাহা দেখিয়া বলিল—“ও-সব আমার কিছু
চাইনে।”

বুড়া হাসিয়া বলিল—“তোমার না চাই, থোকারে
দিয়ো।”

কিশোরী লজ্জায় আপাদমস্তক লাল হইয়া উঠিয়া মাথা
নত করিল।

তাহার শাণ্ডী সেখানে আসিয়া দাঁড়াইয়াছিলেন।
তিনি হাসিয়া বলিলেন—“বৌমার এখনো ত থোকা হয়নি,
ও-সবের দরকার নেই।”

চুড়িওয়ালা তাহার ঝুড়ির উপর ঢাকা চাপা দিয়া দড়ি
দিয়া বাঁধিতে বাঁধিতে বলিল—“তা না হোক, আমার
মা-ই ত এখনো খুকি আছে, মা-ই খেলিবে।”

কিশোরী বধূর শাণ্ডী বলিলেন—“ওগুলোর কত
দাম?”

সদানন্দের বৈরাগ্য

চুড়িওয়ালা ঝুড়ি মাথায় তুলিয়া দাঁড়াইয়া বলিল—
“ও-সব আমি মাকে অমনি দেলাম।”

শান্তী বলিলেন—“ওমা, সে কি কখনো হয়! ওগো
চুড়িওয়ালা, তুমি যেয়ো না, দাঁড়াও গো, দাঁড়াও, দাম নিয়ে
যাও।”

ততক্ষণে চুড়িওয়ালা পথে বাহির হইয়া পড়িয়া খুসি
মনে হাসিমুখে হাঁকিতে হাঁকিতে যাইতেছে—“বেলোয়ারী
চুড়ি চাইয়ে, কাঁচের পুতুল খেলেনা চাইয়ে, গেলাস বাটি
ফুলদান চাইয়ে!”

সেই দিন হইতে চুড়িওয়ালা নিত্য দুপ্রহরে সেই গলির
মধ্যে চুড়ি বেচিতে আসিতে লাগিল। চুড়ি ত আর
নিত্যকারের প্রয়োজনীয় নয়, তাহাকে কেহ আর ডাকিত
না। কিন্তু তাহার ডাক শুনিলেই সেই কিশোরী বধুটি
একবার জানলার কাছে আসিয়া দাঁড়াইত, আর বুড়া
চুড়িওয়ালা দুই হাতে ঝুড়ি উঁচু করিয়া তুলিয়া ধরিয়া
একবার তাহাকে দেখিয়া লইত; দুজনে চোখোচোখি করিয়া
সলজ্জ হাসির ভিতর দিয়া আপনাদের একটি দিনের ক্ষণিক
পরিচয়ের গভীর প্রীতির সম্পর্কটি স্বীকার করিয়া যাইত।

সদানন্দের ঔবরাগ্য

কিশোরী বধূর শাশুড়ী হাসিয়া বলিতেন—“কি বোমা, তোমার খোকা এসেছে বুঝি? খাসা তোমার পাকা-দাড়িওলা খোকাটি বাছা!”

কিশোরী বধূ আনন্দের লজ্জিত হাসি হাসিয়া জানলা হইতে সরিয়া যাইত।

চুড়িওয়ালা ভাবিত সে যদি চুড়ি বেচা ছাড়িয়া দিয়া আলু পটল কি কেরোসিন তেল বেচিতে আরম্ভ করে তাহা হইলে রোজ তাহার মায়ের বাড়ীতে যাওয়ার সুবিধা হইতে পারে। কিন্তু চুড়ি না বেচিলে ত সেই পদ্মকলির মতো মুঠিটি দুই হাতের মধ্যে চাপিয়া ধরিয়া হৃদয়ের সমস্ত আনন্দ ও স্নেহের ধারা মুক্ত করিয়া দিবার সুযোগ ঘটিবে না। সেই স্বদূরের সুযোগের প্রত্যাশাতেই বুড়া চুড়ির পসরা মাথায় করিয়া দুপ্রহরের রৌদ্রে গলিতে গলিতে হাঁকিয়া ফিরিত—“বেলোয়ারী চুড়ি চাইয়ে, কাঁচের পুতুল খেলেনা চাইয়ে, গেলাস বাটি ফুলদান চাইয়ে।”

কিছুদিন পরে হঠাৎ সেই কিশোরী জানলায় তাহার নিয়মিত হাজরী বন্ধ করিয়া দিল। বৃদ্ধ চুড়িওয়ালা হাঁকিয়া হাঁকিয়া ক্লান্ত হইয়া ফিরিয়া যায়, উপরের সেই গরাদে-

সদানন্দের বৈরাগ্য

দেওয়া জানলার ফাঁকে সেই সুন্দর মুখখানি আর লঙ্ঘিত
স্মিতহাস্যে উদ্ভাসিত হইয়া উকি মারে না। বৃদ্ধ দীর্ঘ-
নিশ্বাস ফেলিয়া ফেরি সারিয়া ফিরিয়া যায়, কিন্তু ফিরিতে
তাহার মন চাহে না, পা চলে না।

কিছুদিন ব্যর্থ প্রতীক্ষায় ঘুরিয়া ঘুরিয়া হাঁকের পর
হাঁক দিয়াও যখন আর সেই জানলায় সেই মুখখানি
কিছুতেই দেখা দিল না, তখন একদিন চুড়িওয়ালা সাহসে
ভর করিয়া বাড়ীর দরজায় দাঁড়াইয়া উচ্চকণ্ঠে জিজ্ঞাসা
করিল—“মাঠাকরণ, চুড়ি লেবেন?”

বাড়ীর মধ্য হইতে রমণীকণ্ঠে উত্তর হইল—“না গো।”

চুড়িওয়ালা দীর্ঘনিশ্বাস ফেলিয়া চুপ করিয়া স্তব্ধ হইয়া
কিছুক্ষণ দাঁড়াইয়া রহিল। তারপর আন্তে আন্তে
অগ্রসর হইয়া বাড়ীর উঠানে দাঁড়াইয়া কুণ্ঠিত কণ্ঠে জিজ্ঞাসা
করিল—“মাঠাকরণ, আমার মা কনে গা?”

ঘরের মধ্য হইতে আবার রমণীকণ্ঠে উত্তর হইল—
“এখানে নেই গো।”

সহস্র প্রস্ন্ন করিবার ইচ্ছা হইলেও আর তাহার সাহসে
কুলাইল না, সে ধীরে ধীরে বাহির হইয়া চলিয়া গেল—সে

সদানন্দের বৈরাগ্য

অগ্নিমাণ, গতি তাহার মস্তুর, পথে পথে সে আর “চুড়ি চাই” বলিয়া হাঁকিলও না।

এখানে নাই। কিন্তু কবে আসিবে তাহারও ত স্থিরতা নাই। প্রতিদিন আশা বহিয়া চুড়িওয়ালা সেই গলিতে আসিয়া উচ্চস্বরে হাঁকে—“বেলোয়ারী চুড়ি চাইয়ে, কাঁচের পুতুল খেলনা চাইয়ে, গেলাস বাটি ফুলদান চাইয়ে!” একবার, দুবার, তিনবার! তারপর সেই শূণ্য জানলাটির দিকে ছলছল দৃষ্টি তুলিয়া একটি দীর্ঘ-নিশ্বাস ফেলিয়া সে আবার ফিরিয়া যায়। পরদিন আবার আসে।

এমনি করিয়া কত মাস গেল। পূজা আসিল। আজ ঘরে ঘরে চুড়ি কেনার ধুম পড়িয়া গিয়াছে—সধবা, কুমারী, তরুণী, বালিকা, সবাই মনের মতন চুড়ি বাছিয়া বাছিয়া কিনিতেছে; চুড়িওয়ালা তাহাদের মুঠি হাতে লইয়া চুড়ির পর চুড়ি পরাইয়া দিতেছে! কিন্তু তাহার চিত্ত কিছুতেই প্রসন্ন হইতেছে না, প্রবোধ মানিতেছে না। তাহার মায়ের মতন সুন্দর হাত আর কাহারো না, তেমন নরম

সদানন্দের বৈরাগ্য

মুঠি আর কাহারো না, তেমন মধুর হাসি আর মিষ্ট কথা
কাহারো না।

অপেক্ষা করিয়া করিয়া বুড়া ক্লান্ত হইয়া আবার এক-
দিন সে বাড়ীর সামনে গিয়া ঘুরিয়া ঘুরিয়া বারবার করিয়া
হাঁকিল—“বেলোয়ারী চুড়ি চাইয়ে, কাঁচের পুতুল খেলেনা
চাইয়ে, গেলাস বাটি ফুলদান চাইয়ে!” কিন্তু কাহারো
সাড়া পাইল না, কেহ তাহাকে জানলা হইতে ডাকিল
না—“ও চুড়িওলা, চুড়িওলা, এই বাড়ীতে এস!” সেই
জানলা তেমনি শূন্য, তেমনি নিরানন্দ! তখন আশ্বে
আশ্বে অগ্রসর হইয়া উঠানে দাঁড়াইয়া চুড়িওয়াল ডাকিল--
“চুড়ি লেবেন মাঠাকরুণ?”

একজন ঝি বিরক্ত হইয়া তীব্র কণ্ঠে উত্তর করিল—“না
গো না, একশ দিন বলেছি চুড়ি চাইনে, তবু কেন জালাতে
আস বল দিকিন? দরকার হয় রাস্তা থেকে ডেকে নেব।”

চুড়িওয়াল ভয়ে লজ্জায় অপ্রতিভ হইয়া এতটুকু হইয়া
গেল। সে চোরের মতো ফিরিয়া যাইবে, এমন সময়
দেখিল সেই কিশোরী বধূর শান্তুড়ী ঘর হইতে বাহিরে
আসিলেন। তাঁহাকে দেখিয়া খতমত খাইয়া বৃদ্ধ চুড়ি-

সদানন্দের বৈরাগ্য

‘ওয়ালা জিজ্ঞাসা করিয়া ফেলিল—“মাঠাকরণ, আমার মা কি এহনো আসে নাই?”

শান্তুড়ী শ্রানমুখে উদাস ভাবে চুড়িওয়ালার দিকে চাহিয়া বলিলেন—“এসেছে।”

চুড়িওয়ালা একমুখ হাসিয়া আনন্দ-গদগদ স্বরে বলিল—“মাঠাকরণ, একবার তানাকে দেখতি পাই না? মারে আমার কতকাল দেহিনি—দেখতি আসি’ আসি’ ঘুরি যাই, দেখতি পাই না!” শান্তুড়ী কিছুক্ষণ স্তব্ধ হইয়া দাঁড়াইয়া রহিলেন। দেখিতে দেখিতে তাঁহার চোখ দিয়া ঝর-ঝর করিয়া জল ঝরিয়া পড়িতে লাগিল। তিনি চোখ মুছিয়া স্থির কণ্ঠে বলিলেন—“না বাবা, তার সঙ্গে আর দেখা হবে না।”

বুড়ার আনন্দ-প্রদীপ্ত মুখ একেবারে নিস্প্রভ হইয়া যেন নিবিয়া গেল। সে ব্যথিত ছলছল দৃষ্টিতে একবার বধূর শান্তুড়ীর দিকে চাহিয়া হতাশ মনে গমনে অনিচ্ছুক পা দুখানিকে টানিয়া লইয়া ফিরিয়া চলিল। সে এই পূজার সময় বাজার চুড়িয়া সব চেয়ে ভালো এক জোড়া চুড়ি পছন্দ করিয়া আনিয়াছিল তাহার সুন্দরী মা-টির হাত

সদানন্দের বৈরাগ্য

নিজের হাতে ধরিয়া পরাইয়া দিবে বলিয়া । কিন্তু যেখানে ভালো বাসিবার অধিকার আছে, পাইবার দাবী করিবার অধিকার নাই, সেখানে সে কেমন করিয়া জোর করিবে ? সেই কিশোরী বধুটি যদি তাহার কণ্ঠা হইত, তবে কি তাহার শাস্ত্রী তাহাকে এমন করিয়া বিমুখ করিয়া হতশ করিয়া ফিরাইতে পারিত ? বুড়া দীর্ঘনিশ্বাস ফেলিয়া পতনোন্মুখ অশ্রু গামছায় মুছিয়া ফেলিল । সদর দরজা পর্যন্ত ধীরে ধীরে গিয়া চুড়িওয়ালা থমকিয়া দাঁড়াইল । কিছুক্ষণ চুপ করিয়া দাঁড়াইয়া রহিল । একবার ঘাড় ঘুরাইয়া পিছু ফিরিয়া দেখিল । তার পর আবার ফিরিয়া মন্দির কুণ্ঠিত পদে বাড়ীর উঠানে আসিয়া দাঁড়াইল ।

চুড়িওয়ালা দেখিল বধুর শাস্ত্রী তখনো রোয়াকের উপর দাঁড়াইয়া আছেন । চুড়িওয়ালা গলায় গামছা দিয়া দুই হাত জোড় করিয়া মিনতি-বিগলিত স্বরে বলিল—
“মাঠাকরুণ, মুই চুড়ি বেচতি আসি নাই । একডা বার মায়েরে মোর দেহি যাতাম !”

এই বলিতেই বুড়ার চোখ দিয়া টপ-টপ করিয়া বেদনা-ভরা মিনতি অশ্রুজলে গলিয়া ঝরিয়া পড়িতে লাগিল ।

সদানন্দের বৈরাগ্য

বধূকে একজন নিঃসম্পর্ক পথের লোকের সামনে বাহির করিবার পক্ষে যেটুকু আপত্তি ছিল, বৃদ্ধ চুড়িওয়াল তাহা চোখের জলে নিঃশেষে ধুইয়া মুছিয়া ফেলিল। চোখের জল এই বৃদ্ধ মুসলমান চুড়িওয়ালার সহিত কিশোরী বধুর একটা প্রাণের টানের নিকট-সম্পর্ক এক নিমেষে প্রমাণ করিয়া দিয়া গেল। বধুর শাশুড়ী এক মুহূর্ত্ত তাহার দিকে তাকাইয়া অক্ষিপল্লব হইতে কম্পমান অশ্রুবিन्दু মুছিয়া অশ্রুপূর্ণ স্বরে ঝিকে বলিলেন—“মোক্ষদা, বৌমাকে একবার ডেকে দে!”

কিশোরী বধু ধীরে ধীরে সঙ্কুচিত জড়িত পা ফেলিয়া চুড়িওয়ালার সম্মুখে আসিয়া দাঁড়াইল। চুড়িওয়াল একমুখ হাসিয়া কৌচার খুঁট হইতে কাগজের বাক্স খুলিয়া এক জোড়া বিচিত্র বর্ণের জড়োয়া কাঁচের চুড়ি বাহির করিয়া বলিল—“মা, হ্যাঁ হ্যাঁ, তোমার জন্মি মুই জুবিলি চুড়ি আত্মাছি!”

চুড়িওয়াল হাসিমুখ তুলিয়া চুড়ি জোড়া কিশোরী বধুর হাতে দিতে গিয়া দেখিল, কিশোরীর হাতে কোনো গহনা নাই! তাহার লাল হাত হইতে তাহার অত সখের

সদানন্দের বৈরাগ্য

লাল চুড়ি সে ভাঙ্গিয়া ফেলিয়াছে ; সিঁথি হইতে সিঁদূর মুছিয়া ফেলিয়াছে ; মাথার উপর কস্তা-পেড়ে শাড়ীর চোড়া লাল পাড় আর হাসিতেছে না ; পায়ে লাল আলতা নাই ; ঠোঁটে লাল পান নাই ; নাকে নোলক নাই ; কানে সে স্নন্দর ছল নাই ; মুখে সে ভুবন-ভুলানো হাসিটুকুও নাই ! একখানি শুভ্র থান তাহার যুথির মতো শুভ্র স্নন্দর স্নান মূর্তিখানি কুণ্ঠিতভাবে জড়াইয়া যেন মুচ্ছিত হইয়া আছে । এই মূর্তিমতী শোকের মূর্তি দেখিয়া চুড়িওয়ালা চুড়ি-জোড়া আছড়াইয়া মাটিতে ফেলিয়া দিয়া সেই চূর্ণিত চুড়ির মতোই ভাঙা বুকের মধ্য হইতে ডুকরিয়া কাঁদিয়া উঠিয়া দুই হাতে চোখ চাপিয়া ধরিয়া বলিয়া উঠিল—“মা রে, এ মুই” কী ছাখলাম ! অ্যার আগে মুই মলাম না ক্যান !”

কিশোরী মাথা নত করিয়া ধীরে ধীরে সেখান হইতে সরিয়া চলিয়া গেল, তাহার শাশুড়ী চোখ মুছিতে মুছিতে ঘরে চলিয়া গেলেন । আর বুক-ভাঙা বুড়া চুড়িওয়ালা দুর্বল কম্পিত হস্তে পসরা মাথায় তুলিয়া আন্তে আন্তে বাড়ীর বাহির হইয়া গেল ।

পিঞ্জরের বাহিরে

১

ভাই ললিতা,

অনেক দিন তোমার কোনো খবর পাই নি ; আমিও তোমায় চিঠি লিখিতে পারিনি । আমার জীবনের ওপর দিয়ে অনেক পরিবর্তন ঘটে গেছে ; আমি অনেক রকম নূতন অভিজ্ঞতা লাভ করেছি । সেই-সমস্ত খবর তোমায় ছাড়া আর কাকেই বা বলি ? তাই তোমায় সব কথা খুলে বলবার জন্যে মনটা আমার ব্যাকুল হয়েছে ।

আমার বাবার মৃত্যু হয়েছে । এখন আমার মা, আর ছোট ভাই-বোন দুটির অভিভাবক আমিই । এখন বুঝতে পারছি মেয়েমানুষ বাস্তবিকই অবলা । কবিরা তাদের লতার সঙ্গে তুলনা করে—সদাই দুর্বল, পর-নির্ভর ; একটু তাত লাগলেই আমলে নেতিয়ে পড়ে, একটু আঁচ লাগলেই মুষড়ে যায়; একটু ধাক্কা খেলেই ধূলায় লুপ্তিত হবার আশঙ্কা । আমি তাদের নদীর শ্রোতের সঙ্গে তুলনা করি—

সদানন্দের বৈরাগ্য

তটের বন্ধনের মধ্যে যতক্ষণ থাকে ততক্ষণই তার গতি শোভন সুন্দর; ততক্ষণই প্রাণের ও প্রাচুর্যের. আনন্দের ও সৌন্দর্যের হাশ্বধারা; ততক্ষণই তার সম্মুখে অনন্তের সঙ্গে মিলনের সম্ভাবনা; কিন্তু যেই সে কুল ছাড়িয়ে উপচে ছড়িয়ে পড়ে, অমনি সে নিজেকে ত হারায়ই, পরকেও ডোরায়,—চারিদিককার আনন্দ, সৌন্দর্য, প্রাণের গেলা নষ্ট ভ্রষ্ট করে ফেলে। এমনই অক্ষমতা নিয়ে আমরা জন্মেছি, বিশেষ ত এই বাংলা দেশে। আমার মতন এমন একজন অক্ষমার ঘাড়ে একটি অসহায় সংসারের ভার ভগবান চাপিয়ে দিয়েছেন। আমাকে সংসারের সঙ্গে সংগ্রাম করতে হবে, পরের উপর নির্ভরের আশা ছেড়ে পরের ভর সইতে হবে!

অগ্নির সন্ধানে আমাকে ঘর ছেড়ে বাইরে বেরুতে হয়েছে। কিন্তু কোথায় অগ্নি, কেমন করে সংগ্রহ করতে হয়, আমি কি ছাই জানি? আমরা অগ্নিপূর্ণা ততক্ষণই যতক্ষণ পুরুষেরা অগ্নি ভাণ্ডার পূর্ণ করে রাখে। আমরা চিরকাল পিঞ্জরের ভিতর বদ্ধ থাকি, যারা আমাদের পোষে তারা তাদের খেয়াল-মত যখন খুসি একটু ছাতু ছোলা

সদানন্দের বৈরাগ্য

দুধ জল দিয়ে যায়, আর আমরা দিব্য নিশ্চিন্ত হয়ে মধ্যে মধ্যে শিশ দিয়ে গান করি আর গানের সময় ঘরে চুমকুড়ি দি। পিঞ্জরের ভিতর বন্ধ থেকে প্রাণটা যে হাঁপিয়ে না ওঠে এমন নয় ; শিকের ফাঁকে ফাঁকে মুক্ত আকাশের নীল চোখের ইসারা আর তরুপল্লবের হাতছানি দেখে মনটা খুবই উড়ু উড়ু করে। কিন্তু কোনো দিন খাঁচার দরজা খোলা পেলেও উড়তে সাহস হয় না, বুক ছরছর করে, পাখা ঘেন অবশ হয়ে আসে। যিনি আমাদের খাঁচার মালিক, তিনি যদি কোনো দিন দয়া করে' খাঁচার দরজা খুলে ধরে' উড়ে যেতে বলেন তখন মালিকের উদ্দেশ্য সম্বন্ধেও সন্দেহ হয়। ভয় হয় অত বড় ফাঁকা জায়গায় আমি এতটুকু ভীকু প্রাণী কোথায় পাব একটু আশ্রয়, আর কোথায় পাব ক্ষুধার অন্ন তৃষ্ণার জল। অপরিচয়ে সোজা পথটাকেও বাঁকা লাগে, নিরীহ জিনিষটাকে দেখেও ভয় লাগে, স্বাভাবিক ঘটনাকে বিপদের সূচনা বলে আশঙ্কা হয়। তাই যদি কোনো দিন আমাদের মালিকের অভাব হয়, অমনি আমরা পিঞ্জরের ভিতর বসে বসে ঠায় শুকিয়ে মরি, বাইরে বেরিয়ে বাঁচবার চেষ্টা করতেও পারিনে।

সদানন্দের বৈরাগ্য

আমি ভাই, অসাধ্যসাধন করে ফেলেছি, বাইরে বেরিয়ে পড়েছি।

বাইরে বেরিয়েই আমার সব চেয়ে বেশী ভয় লেগেছিল ঐ পুরুষগুলোকে দেখে। নিঃসম্পর্ক পুরুষের সঙ্গে ত আমাদের মোটেই পরিচয় নেই। বাপ-খুড়োদের কোলেই আমরা জন্মাই, আর ভাই-ভাইপোদের আমরা কোলেই পাই; তাদের সঙ্গে পরিচয় আমাদের পাতাতে হয় না। পরিচয় পাতাতে হয় যে-একটি অচেনা লোকের সঙ্গে, তাকে দেখে প্রথম-প্রথম ভয় লাগলেও সে একলা বলে' সাহস থাকে। কিন্তু একেবারে পুরুষের হাটের মধ্যে ছেড়ে দিলে আমাদের দশাটা হয় সিংহের খাঁচার মধ্যে রোমান্ গ্লাডিয়েটরের মতন—যত বড়ই বীর আর সাহসী হোক, মৃত্যু তার অনিবার্য, পরাভব তার জানা কথা। আমার ভারি আশ্চর্য লাগে যে সেকালের রাজকন্টারা কেমন করে' স্বয়ম্বর-সভায় নিজেদের বর বাছাই করতে যেত ! ভ্যাবাচ্যাকা লেগে যেত না ? দাড়ি আর চৌগোপ্পা চুমরে চারিদিকে আমিষ-লোলুপ মার্জ্জারের মতন অতগুলো পুরুষ প্যাঁটপ্যাঁট করে চেয়ে রয়েছে, তার মধ্যে

সদানন্দে বৈরাগ্য

দাঁড়িয়ে বাছাই করব কাকে? ভয়ে লজ্জায় সেদিকে তাকাতেই ত পারা যাবে না! অথচ তারা প্রত্যেকে লোলুপ হয়ে আমার দিকে তাকিয়েই আছে! আমার ত মনে করতেই গা শিউরে ওঠে! সত্যি ভাই, পুরুষগুলো কি বিচ্ছিরি করেই যে তাকায়!

আমি শেয়ালদা স্টেশনে টিকিট বিক্রী করবার একটা চাকরী পেয়েছি। সামান্য মাইনে। রোজ ত আর গাড়ী করে আপিসে যেতে পারিনে, কাজেই ট্রামে করে' আপিসে যেতে হয়। যেদিন ভাই প্রথম ট্রামে করে' আপিসে যাব বলে' বেরলুম, সেদিন মনের অবস্থা যে কি হয়েছিল তা অন্তর্যামীই জানেন। ফাঁশীকাঠে চড়বার সময় মানুষের মন বোধ হয় এমনি করে।—পায়ে পায়ে জড়িয়ে যাচ্ছিল, ঠোঁট শুকিয়ে উঠছিল, মুখ অকারণ লজ্জায় কেমন ক্ষণে ক্ষণে লাল হয়ে পড়ছিল, বুক দুবদুব করছিল। আমি জোর করে' ত নিজেকে এক রকম টেনে নিয়ে গিয়ে ট্রাম থামবার থামের কাছে ফুটপাথের ধারে রাস্তার দিকে মুখ করে' দাঁড়ালুম।

পথিক পুরুষদের মধ্যে এমনি একটা চঞ্চলতার ঢেউ

সদানন্দের বৈরাগ্য

জেগে উঠল। ভাগ্যিস্ ভগবান মাথার পেছন দিকে চোখ দেননি। সামনে পেছনে পুরুষদের বাঁদরামি লক্ষ্য করতে হলে একেবারে ক্ষেপে উঠতে হ'ত। একদিকে যে অনেক-খানি অদেখা থেকে যায় সেটা মস্ত বাঁচোয়া !

ট্রামে উঠেও কি ছাই নিস্তার আছে ? আমি ট্রামের পাদানে উঠবামাত্রই ট্রামযাত্রী পুরুষগুলো অমনি উদ্গ্রীব হয়ে ওঠে, আমি কোন্ কামরায় না-জানি ঢুকি।

পুরুষগুলো ভাই এমনই হাস্কর জীব যে তাদের দেখে আমাদের গাভীশ্য রক্ষা করা ছুফর হয়ে ওঠে ; তার ওপর আবার ওরা নানান্ রকম ভঙ্গী করে লোক হাসায় যে কেন তা বলতে পারিনে।

প্রথম নজরেই তাদের বিকট মূর্তির বিচিত্র রূপ ভারি কৌতুককর মনে হয়। কারো মুখে গৌপদাড়ির নিবিড় জঙ্গল, তার ভেতর চোখ দুটো বনবিড়ালের মতো ওত পেতে বসে থাকে। কারো দাড়ি কামানো, শুধু গৌপ জোড়া একজোড়া বাঁটার মতো মুখের দরজার মোটা কপাট জোড়ার ওপর ঝোলানো রয়েছে, যেন কুনজর না লাগে। কেউ বা দাড়িগৌপ সমস্ত চেঁছেছুলে নির্মূল করে'

সদানন্দেব বৈরাগ্য

আমাদের মুখের অনুকরণ করতে চায়—কিন্তু ও চাষাড়ে চোহারা শুধু দাড়িগোঁপ কামালেই বা মোলায়েম হবে কেন ? কাউকে কাউকে মন্দ দেখায় না বটে, কিন্তু অধিকাংশকেই নাকুন্দ মতন বিশ্রী লাগে। কারুর বা দাড়িগোঁপ দুই ছাঁটিয়া মাফিকসই করিয়া রাখা—তাদের তত মন্দ লাগে না। পুরুষ বেচারারা দাড়িগোঁপগুলো নিয়ে যেন মহা গণ্ডগোলে পড়ে গেছে, ঠিক করেই উঠতে পারছে না জঙ্গলমহাল রাখবে, ছাঁটবে, না কাটবে !

তারপরে মাথার টেড়িরই বা কত রকম রূপ ! তোলা, লতানো, ঢেউখেলানো, কোঁকড়ানো ; সিঁথি মাঝে, ডাহিন দিকে, বাঁ দিকে ; কারুর সারা মাথায় টাক, সামনের দুটি-খানি পাতলা চুলেই টাক ঢাকবার ব্যর্থ চেষ্টায় টেড়ির ক্ষীণ আভাস দেখা যায় ; কাহারো মাথায় সামনে টেড়ি, পশ্চাতে টিকি ! এই দৃশ্যটি দেখে আমার এমন হাসি পেয়েছিল যে অসভ্যগুলোর মধ্যে আমিও আর একটু হলে অসভ্য হয়ে পড়তুম।

পোষাকেরই বা কত রকম বিচিত্রতা। ওরা এখনো ঠিক স্মৃতিতেই পারেনি কেমন সজ্জা ওদের ঠিক মানায়।

সদানন্দের বৈরাগ্য

কারো পুরো দস্তুর সাহেবী সজ্জা—কিন্তু পাজামাটা হয়ত সৰুক্ষে, কোটটা ঢলঢলে, টাইটা বাঁকা, কলারটা শার্ট ছেড়ে ঠেলে উঠে পড়েছে, হ্যাটটা কতককলে পুরোণো ময়লা—তবু সাহেব সাজতে হবে ! কারো ধুতির ওপর চাপকান, তার ওপর চাদর, মাথায় কিছু নেই ; কারো গায়ে কোট, কারো শার্ট, কারো পিরান । কারো জামা ঘামে তেলে একেবারে জরে উঠেছে, দুর্গন্ধে পাশের লোককে অতিষ্ঠ করে তুলছে, ছেড়ে ধুতে দেবার তাড়া নেই ; কারো জামায় কাপড়ে পানের পিক ছিটিয়ে পড়েছে, কানে গোঁজা দাঁত-খোটা খড়কের মুখে চিবানো পানের কুচি আর ছোপ লেগে আছে । ওরই মধ্যে হুএকজনকে বেশ ভদ্রলোকের মতন, পরিষ্কার পরিচ্ছন্ন, দেখা যায় । কিন্তু তাদেরও দুটি শ্রেণী আছে—এক একেবারে ফুলবাবু, আতিশয্যে উগ্র ; অপর শ্রেণী সাদাসিধে, বেশ শাস্তদর্শন ।

ট্রামে যখন উঠি তখন একটু সরে বসে আমায় একটু জায়গা দেওয়া যে দরকার, এ বোধটাও 'পুরুষ বর্ষরদের থাকে না, সবাই হাঁ করে' দৃষ্টি দিয়ে যেন আমায় গিলতে থাকে ; আমি যেন সত্ত্ব চন্দ্রলোক থেকে নেমে এসেছি !

সদানন্দের বৈরাগ্য

ওদের চোদ্দ পুরুষে কখন যেন মেয়ের মুখ দেখিনি। পুরুষ গুলোর তখনকার সেই গদগদ আত্মবিস্মৃত চঞ্চল ভাব দেখলে আমার সেকালের স্বয়ম্বর-সভার একটি পরিষ্কার ছবি মনের সামনে ফুটে উঠে। কালিদাস ইন্দু-মতীর স্বয়ম্বর-সভার বর্ণনায় একটুও যে অত্যাক্তি করেন নি, তা আমি এখন বেশ ভালো করেই বুঝতে পারছি।

লোকগুলোকে ঠেলেরুলে জায়গা করে যদি বসা গেল তবেই যে নিষ্কৃতি পাওয়া গেল তা নয়; পরে যারা ট্রামে চড়তে আসে তাদের মধ্যেও নানা রকম মনস্তত্ত্বের খেলা দেখিতে পাওয়া যায়। কেউবা যে কামরায় আমি থাকি ঠিক সেই ভরা কামরাতেই ভিড় বাড়াতে আসে, অন্য কামরা খালি থাকলেও সেদিকে যেতে চায় না; কেউবা সামনের কামরায় উঠে এমন জায়গা বেছে নেয় যেন ঠিক আমার সামনাসামনি মুখোমুখী হয়ে বসতে পারে; কেউবা ঠিক পিছনের কামরায় উঠে ঠিক আমার পিঠের কাছে বসে' নানান ভঙ্গিতে হেলান দেবার দুশ্চেষ্টা করিতে থাকে; কেউবা গাড়ীতে উঠেই এমন একটা অতিসন্ত্রমের তর্কস্থ ভাব দেখিয়ে ছিটকে তফাতে গিয়ে ঘাড় গুঁজে বসে,

সদানন্দের বৈরাগ্য

যেন জীজাতিটার প্রতি তাঁরা এমন অতিসম্ভ্রমশীল যে প্রায় উদ্ভাসীন বললেও হয়—যেন এক-একটি শ্রীচৈতন্তের অবতার! তাদের সেই অশোভন ব্যবহার দেখে আমার হাশ্বসংবরণ করা দুঃসাধ্য হয়ে ওঠে। অতি ব্যাপারটাই যে খারাপ! যারা অসম্ভ্রম প্রকাশ করে তারা যেমন পুরুষচরিত্রের বর্করতার একটা দিক, অতিসম্ভ্রমশীলেরাও তেমনি ভণ্ডামির আর-একটা দিক প্রকাশ করে মাত্র! কদাচিৎ দু-একজনকে দেখতে পাওয়া যায় যারা নারীকে দেখতে যে তাদের ভালো লাগে, নারীর সঙ্গ যে তাদের মধুময় লাগে, তা লুকোতেও চেষ্টা করে না, অথচ কদর্য অশোভন ভাবে প্রকাশও করে না,— তারা নারীকে ভালোও বাসে, সম্ভ্রমও করে। এমন একটি পুরুষের কথা পরে বলব, সে লোকটিকে আমার লেগেছে ভালো। ভালো লেগেছে শুনে তুমি হাস্ছ বোধ হয়? কিন্তু ভালো লাগা ভালো-বাসা নয়, এটা আমি আগে থাকৃতেই তোমায় বলে রাখছি।

ট্রামে চড়বার সময় যেমন, নামবার বেলাও তেমনি আমাদের দেখে পুরুষদের অশেষ রকম লীলা-চতুরতা

সদানন্দের বৈরাগ্য

প্রকাশ পায়। কেউবা আমার কাছ দিয়ে যাবার সময় আমার পায়ের উপর দিয়ে কৌচার ফুলটি বুলিয়ে চরণ-ধুলির নিছনি নিয়ে যায়।

আমি যখন নামি তখনও ওদের নানাবৃকম লীলা লক্ষ্য করি। আমি নেমে গেলে সকল জানলা থেকেই মুখ ঝুঁকে পড়ে, দেখতে চায় আমি কোন্ পথে কোথায় যাই—আমার চারিদিকে যেন একটা মন্তু রহস্ত জড়িয়ে আছে, সকলেরই চেষ্টা উকি মেরে সেই লুকানো কাহিনীটা জেনে নেবে।

পুরুষগুলো যে অমন তার জন্তে প্রকৃতিই দায়ী। প্রকৃতিদত্ত প্রবৃত্তিগুলোকে প্রকৃতিস্থ করিতে পারেনি বলে' বেচারাদের ওপর করুণা হয়, রাগ করা চলে না। বিশেষত আমাদের দেশের পুরুষদের ওপর। বেচারীরা অপরের বাড়ীর স্ত্রীলোকদের মুখ ত কখনো দেখতে পায়ই না, নিজের স্ত্রীরও যে খুব বেশী পায় তাও ত মনে হয় না। দুপ্রাপ্য জিনিসের প্রতি লোলুপতা ত স্বাভাবিক।

পুরুষ যে নারীর প্রতি অতিমাত্রায় অহুরাগী ও মনোযোগী এতে নারীরা মুখে পুরুষের ওপর যতই চটুন, মনে মনে কিন্তু বেশ সন্তুষ্টই হন ; কারণ তাঁরা যে বন্দিতা,

সদানন্দের বৈরাগ্য

আরাধিতা, এ কথা জান্লে খুসি হওয়া স্বাভাবিক। আমি যে খুসি হই তা আমি স্পষ্টই স্বীকার করছি। পুরুষেরা যে আমাদের অতটা শ্রদ্ধা সন্তম দেখায় তার আর-একটা কারণ আমার মনে হয় যে, তারা প্রবল আমরা দুর্বল, তারা আশ্রয় আমরা আশ্রিতা; সংসারের সঙ্গে পদে পদে বোঝাপড়া করে' আপোষ-মীমাংসা করে' চলতে হয় বলে' তাদের একটা সহগুণ আর ভদ্রতা চরিত্রগত হয়ে গেছে বলেও কতকটা। একটা আমরা বিশেষ ভাবে অনুভব করি যখন আর-একজন অপরিচিত স্ত্রীলোকের সঙ্গে আমাদের সাক্ষাৎ হয়। সে আমাকে গ্রাহ্যও করে না। কিন্তু সে যদি পুরুষ হ'ত তা হলে আমাকে দেখতে পেয়েই সে কৃতার্থ হয়ে যেত। পুরুষের এই ভদ্রতা যে শুধু আমাদেরই বেলায়, তা নয়; সে স্বজাতির প্রতিও যথেষ্ট খাতির দেখিয়ে চলে। যেখানে অনেক অপরিচিত মেয়ে একত্র হয়, সেখানে একটু গায়ে গা ঠেকলে কি কাপড় মাড়িয়ে ফেললে আর রক্ষা থাকে না; বার ক্রটি সেও ক্ষমা চাইতে জানে না, বার অনুবিধা ঘটেছে সেও ক্ষমা করতে পারে না; অতি তুচ্ছ কারণে কোন্দল বাধিয়ে

সদানন্দের বৈরাগ্য

কলরব করতে লেগে যায়। কিন্তু ট্রামে আকস্মিকই দেখি, একজন পুরুষ হয়ত অপরের পা মাড়িয়ে ফেললে, কিংবা অপরের গায়ে টলে পড়ল, তাতে সে ব্যক্তি শুধু একটি নীরব নমস্কার করলেই সকল গোল মিটে যায়। এক বাড়ীতে দুজন রক্তসম্পর্কে পরমাণ্বীয় স্ত্রীলোক থাকলে ঝগড়ার চোটে চালে কাগ চিল বসতে পারে না; কিন্তু এক-মেস নিঃসম্পর্ক পুরুষ দিব্য বনিবনাও করে' মানিয়ে সামলে থাকে দেখা যায়। এত যে তারা ভালো মানুষ, পরস্পরের সঙ্গে ভাব করে থাকে, তাহাণ্যে একটি মেয়ে-লোক এসে পড়লে আর তখন ভাব থাকে না—ভাই কষ্টকর সঙ্গে সঙ্গাব বাগান পারে না। সাম্প্রতিক মন আর ঘর ভাঙানো স্ত্রীলোক যত পট পুরুষ ভেগেন নস। সে বিষয়ে রমণীর কুখ্যাতি এতবামে জমা ছোড়া। মেয়েবা—কিন্তু সুনন্দা ত দেখেই না পুরুষকে—যে খুব খান্নির সঙ্গে' চলে তাকে নয়। যতটুকু দয়া সে যেন অমরগা—তাকে একটি তাচ্ছীলার দান! এতে আমাদের কিছু লোক আছে—পুরুষগুলো আমাদের কাছে

সদানন্দের বৈরাগ্য

চিরকালই ভিখারীর মতন অবনত হয়েই গড়ে থাকে—
কিন্তু গৌরব নেই।

তারা অতৃপ্ত বলেই আমাদের কথা, আমাদের চিন্তা
তাদের জীবনের সম্বল ; আমাদের একটু দেখতে পাওয়া,
একটু মিষ্টি কথা শোনা; তাদের পরম লাভ বলে মনে
হয়। ছুজন আলাপী পুরুষ এক সঙ্গে মিলেছে কি অমনি
আমাদেরই কথা। মানুষ মাত্রেই জীবনের কতকটা
অংশ যে গোপন রাখা দরকার, এই সামান্য বুদ্ধিটুকুও ঐ
গোঁয়ারগোবিন্দগুলোর ঘটে নেই। রবিবাবু যে তাঁর
স্বজাতির জবানীতে স্বীকার করেছেন যে—

“আমরা মূর্থ কহিতে জানিনে কথা,

কি কথা বলিতে কি কথা বলিয়া ফেলি !”

সেটা কবির অত্যাক্তি একটুও নয়, একেবারে খাঁটি
স্বরূপোক্তি। ওদের ব্যবহার দেখে লজ্জা যেন লজ্জা পেয়ে
বিদায় নিয়েছে ; কিন্তু আমি লজ্জায় মারা যাই। ওরা যদি
কোথাও বেশ সহজ হতে পেরেছে ! ওরা রেল-স্টেশনে
টিকিট নেবার ঘুলঘুলি দিয়ে এমন হাঁ করে’ তাকিয়ে থাকে
যে, ট্রেন ছেড়ে যাবে, কি কেউ পকেট কাটবে, তার

সদানন্দের বৈরাগ্য

খেয়ালই থাকে না। অনেক বাবুকে দেখি আমার হাত থেকে টিকিট কিনে নোট-ভাঙানি টাকা পয়সা ফেরত নিতে ভুলে যান। মূর্থগুলো জানে না যে ওতে ওদের আমরা ঘুণাই করি।

পুরুষদের আর একটি ভারি মজা দেখি যে তারা আমাদের কোনো একটু তুচ্ছ কাজ করে' দিতে পেলে যেন বর্তে যায়। আমার সঙ্গে যদি কোনো দিন কিছু জিনিষ-পত্তর থাকে, তা হলে আমি নামবার সময় অন্তত চতুভূজ উত্তত হয়ে ওঠে; তার মধ্যে যে ভাগ্যবান আমার সেবা করবার অধিকার পায় তার তখনকার কৃতার্থ মুখের ভাব, আর অগ্র সকলের তার দিকে সপ্রশংস অথচ ঈর্ষা-আকুল চাওয়া বাস্তবিক দেখবার জিনিষ।

এমনি করে' একটি লোক তার সহযাত্রীদের ভারি ঈর্ষার পাত্র হয়ে উঠেছে।

এই ঈর্ষাটা পুরুষচরিত্রের ভারি একটা চিরন্তন দিক। পশু-জগৎ থেকে আরম্ভ করে' মনুষ্য-জগৎ পর্য্যন্ত সর্বত্র দেখতে পাওয়া যায় যে রমণীর ককণা যে পায় তার সঙ্গে, ব্যর্থ যারা তারা সকলে এককাটুঠা হয়ে লাগে। কিন্তু গোয়ার

সদানন্দের বৈরাগ্য

গোবিন্দগুলো বোঝে না যে একজন ছাড়া আর সকলের নিরাশ ত হতেই হবে ; যে ভালোবাসা পেয়েছে সে না পেয়ে আর-একজন পেলেও সেই একজনেরই লাভ । ইন্দুমতীর স্বয়ম্বরে অজ বেচারাকে ইন্দুমতীর ভালো লেগেছিল বলে' সমস্ত রাজাগুলো একেবারে ক্ষেপে মারমুখো হয়ে উঠল ! কেন রে বাপু ? বেচারার অপরাধ ? সে যদি শ্রীকৃষ্ণের মতন কৃষ্ণিণী-হরণ বা অর্জুনের মতন স্ত্রভঙ্গা-হরণ করত তাহলে না হয় ওরা বলতে পারত যে অজ অন্ধ্যায় করেছে, ইন্দুমতীকে পছন্দ করবার সুযোগ দিলে না, হয়ত তার শ্রীহস্তের বরমাল্য তাদের কারো গলায় পড়তে পারত । কিন্তু ইন্দুমতী ত তাদের সে ক্ষোভটুকু করবারও অবসর রাখেনি ।

আহাশ্চকেরা এটুকুও বুঝতে পারে না যে যাকে তারা প্রার্থিত রমণীর সম্ভাব্য ভালোবাসা থেকে দূরে রাখতে যায়, তাকে নির্যাত্তিত দেখে সেই রমণীর অসম্ভব ভালোবাসাও করুণায় যে সম্ভব হয়ে আসে । তাকে দূর :করতে গিয়েই তাকে আরো নিকট করে' তোলে !

এমনি করেই ওরা ভাই, দশচক্রে আমায় একজনের

সদানন্দের বৈরাগ্য

অনুরক্ত করে তুলেচ। এই অনুরাগটা বিপন্ন আশ্রিতের প্রতি করুণা ছাড়া আর কিছু নয় ; ভালোবাসা মনে করলে ভুল করবে।

এ আমার ট্রামের সহযাত্রী। প্রায় রোজই ট্রামে দেখা হয়। হঠাৎ একদিন দুজনে ঘনিষ্ঠ হয়ে ওঠবার কারণ ঘটে গিয়েছিল। একদিন আমার আপিস যেতে বড় বেলা হয়েছিল। যখন ট্রাম ধরতে গেলাম তখন আপিসে যাবার ঠিক মুখোমুখী সময়। ট্রামগুলো একেবারে লোকে লোকারণ্য। লোকগুলো পাদানের ওপর দাঁড়িয়ে ঝুলতে ঝুলিতে চলেছে। অমন গাছে ঝোলা অভ্যাস ত আমাদের নেই ; পুরুষগুলো পূর্ব ক্রয়ের বে নিকট জাতি গোপ-দাড়ি ত্যাগ করিয়া এমনি ভাবে দাঁড়িয়ে গয়ে এসেছি বাক, আমরা তখন গেছো কনরৎ পারিওনা, পারলেও লজ্জা নামক মহুয়াদ্রব্যটা আমাদের পুরা মাঝাতেই আছে। অনেকক্ষণ অপেক্ষার পর একখানা ট্রামে কেউ ঝুলছে না দেখে একটা কামরায় উঠে পড়লাম। একটিও যায়গা খালি নেই। মনে করলাম, পুরুষগুলো রমণীর সেবা করবার কাঙাল, এখনি কেউ-না-কেউ উঠে

সদানন্দের বৈরাগ্য

আমায় জায়গা করে' দেবে। কিন্তু একটাও একটু নড়ল না!

কেউ উঠল না দেখে যখন আমি ভয়ানক অপ্রস্তুত হয়ে কি করব ঠিক করতে পারছিনে, তখন হু কামরা দূর থেকে একটি তরুণ যুবক দাঁড়িয়ে উঠে চৈঁচিয়ে বল্লে—আপনি এইখানে আছেন, আমি উঠে দাঁড়াচ্ছি।

তার কথায় আমার যে কি আরাম হল তা আর বলতে পারিনে। আমি যেন এক-খাঁচা বুনো ভালুকের কবল থেকে অব্যাহতি পেয়ে বেঁচে গেলাম!

ট্রামের ঘণ্টা বাজিয়ে ট্রাম থামিয়ে সে আমাকে নিজের জায়গাটিতে নিয়ে গিয়ে বসালে এবং নিজে গাড়ীর পিছনে গিয়ে দাঁড়াল। তার মুখ তখন একগাড়ী লোকের ওপর জয়ের আনন্দে দীপ্ত হয়ে উঠেছে! আর বাকি লোক-গুলোও তার দিকে এমন করে' তাকাতে লাগল যেন বলতে চাচ্ছে—এঃ! বড্ড জিতে গেল!—এ জিত ত তারাও জিতে পারত। কিন্তু যারা থাকে স্বেযোগের টিকি ধরবার জন্তে, তাদের স্বেযোগ ফস্কেই যায়; যে বুদ্ধিমান, সে স্বেযোগের সামনের ঝুঁটি ধরেই স্বেযোগকে কাবু করে' ফেলে!

সদানন্দের বৈরাগ্য

এ দেশটা কেবলই পেছু ফিরে তাকিয়ে তাকিয়ে টিকির মমতা করেই গেল !

এখন আমি ট্রামে উঠবার সময় একবার সব কামরায় উঁকি মেরে দেখি সে আছে কি না। যদি তাকে দেখতে পাই তাহলে সে যে কামরায় থাকে সেই কামরায় গিয়ে উঠি, আর কেউ যায়গা না দিলেও সে আমায় জায়গা ছেড়ে দেবে, মাত্র এই আশায়। আমি যে রোজ তারই কামরা বেছে উঠি, এটা সে বোধ হয় বুঝতে পেরেছে ; আমি উঠবামাত্রই সে একমুখ হাসি নিয়ে ধী ও শ্রীর জ্যোতিতে ভরা চোখ দুটি আরতির যুগল প্রদীপের মত আমার দিকে একবার তুলে ধরে, পরস্পরেই নিজের হাতের বইখানির উপর নামিয়ে রাখে। এইখানে আসল পুরুষের পরিচয় পেয়ে আমিও আমার দৃষ্টিতে কৃতজ্ঞতা সাজিয়ে ধরি !

ওদের একটি দল আছে ভারি মজার। ওরা জগৎ সংসারের কাউকে রেয়াৎ করে' ছেড়ে কথা কয় না—সকলেরই নিরিখ কষতে ব্যস্ত। এরা বোধ হয় সাহিত্যিক, কারণ সাহিত্যের আলোচনাই বেশী শুনি। এদের একজন নাকি কবি। তাঁর ছনিয়ার ছচার জন লোক ছাড়া আর

সদানন্দের বৈরাগ্য

কারো লেখা বড় একটা ভাল লাগে না—সে এমনি খঁৎ-খুঁতে আর একগুঁয়ে যে, যা গৌঁ ধরে তা ওর বন্ধুরা শত যুক্তি তর্কেও টলাতে পারে না। এরা দেখি সবাই স্ত্রী-স্বাধীনতার পক্ষপাতী, কিন্তু কবিটির মত ভারি অদ্ভুত ধরণের ; উনি বলেন বাইরে বেরুবে শুধু স্তন্দরী তস্বারা ; মোটা, কালো, কুংসিত ঘারা তাদের অবরোধে বন্ধ থাকাই উচিত। একথা শুনে আমার মিন্টনের কোমাসের যুক্তি মনে পড়ল, —Beauty is nature's brag, প্রকৃতির গর্বের ধন সৌন্দর্য্য, যাদের তা আছে তারা লুকিয়ে থাকবে না ; ঘোমটায় মুখ ঢাকবে ঘারা কুংসিত। কিন্তু যিনি একথা বলেন, তিনি যে খুব স্পুরুষ তা ত মনে হয় না। নানলাম না হয় উনি কবি, সৌন্দর্য্যের উপাসক। কিন্তু সৌন্দর্য্য কি শুধু চোখেই ধরবার জিনিস ? রমণী কি শুধু ফুলের মতোই রমণীয় না হলে স্তন্দর বলে স্বীকৃত হবে না ? ইংরেজীতে একটা কথা আছে—স্বাস্থ্যই সৌন্দর্য্য। রূপসী না হলেও ত স্তন্দরী হতে বাধে না। যাদের রং বা চেহারা দৈবগতিকে নয়নরঞ্জন হয়নি তাদের কি পৃথিবীটা দেখে জ্ঞানবার শিখবার আনন্দ পাবার দরকার নেই ? জগতের

সদানন্দের বৈরাগ্য

সংস্পর্শে সংঘর্ষে না এলে তারা মানুষ হবে কেমন করে’—
দেহ ও মনের স্বাস্থ্য বল সঞ্চয় করবে কোথা থেকে ?
আমার মনের প্রশ্নটাই যেন কেড়ে নিয়ে তার এক বন্ধু বলে
—“তবে তোমার আমারও বাইরে বেরুনো উচিত নয় ;
তুমি যেমন মেয়েদের বলছ, মেয়েরাও ত তেমনি বলতে
পারে—হৌদলকুংকুতে রকমের পুরুষদের মুখদর্শন আমরা
করব না।” কবির যুক্তি—“তা কেন ? আমরা চিরকাল
বাইরে আছি, বাইরেই থাকব, বিশেষত আমাদের যখন
জীবিকা অর্জন করতে হয়।” আহা কি আহ্লাদে যুক্তি !
যদি রোজগারের কথাই বলেন, তা হলে আমাদের দেশের
কত মধ্যবিত্ত গরীব ঘরের মেয়ে উপবাসে থাকে, তাদের
কি বাঁচবার জন্তে বাইরে বেরুতে হবে না ? তারা বাইরে
বেরুতে পারে না, সকল মেয়েই বাইরে বেরোয় না বলে,
বর্ষের পুরুষগুলোর চোখে নারী জাতির স্বাধীনতা সম্বন্ধে
ঘায়নি বলে’ ! পুরুষদের ভালো লাগে না বলে তারা খাঁচার
বন্ধ থেকে অনাহারে মরে, তবু বেরোয় না। তারপর
অসহ্য হলে তারা যখন বেরোয় একেবারেই বেরোয় ! পক্ষে
বাড়ীর মেয়েরা বেড়ালে আমাদের দেশের পুরুষপুঙ্খবদের

সদানন্দের বৈরাগ্য

মাথা হেঁট হয় ! কিন্তু তাঁরা যখন অত্যাচারে অতিষ্ঠ করে' অবলাকে পথে বসান, তখন মাথাটা খুব উচু করেই চলতে পারেন বোধ হয় ! বেহায়াদের এই-সব কথা অগ্রপশ্চাৎ না ভেবে বলতে একটুও লজ্জা করে না ।

এই নিয়ে ওদের প্রায়ই খুব তর্ক বেধে যায় । আমার বন্ধুটি—বন্ধু বলছি শুধু নাম জানিনে বলে,' এটা লোকটাকে বুঝাবার জগে একটা সংজ্ঞা বা চিহ্ন মাত্র, অণ্ড কিছু ভেব না যেন !—বন্ধুটি একেবারে জলে ক্ষেপে উঠে খুব জোর দিয়ে বলে—“মেয়েরা যদি বাইরে না বেরোয় ত মরুভূমিতে আর কতকাল চরা যাবে ?” সে যে আমাকে শুনিয়েই কথাটা বলে তা আমি খুব বুঝি । আমি যেন তার কাছে স্ত্রী-স্বাধীনতার অগ্রদূত । বন্ধুর কথা শুনে তার বন্ধু একটি তরুণ স্নকুমার যুবক একদিন বলে উঠল—“আমাদের লোককে বলবার কোনো অধিকার নেই । আমরা নিজেরা স্ত্রী-স্বাধীনতার জগে কিছু কি করছি ?” আমার বন্ধু অমনি বলে উঠল—“আরে এখন করুব কি ? আগে স্ত্রী হোক তারপর ত স্বাধীনতা দেবো ! বিয়ে হোক আগে, তখন দেখবে আমাদের দৃষ্টান্তে পঁচিশ বছরের মধ্যে

সদানন্দের বৈরাগ্য

পথঘাট সুন্দরীতে ছেয়ে যাবে !” বোঝা গেল বন্ধুর বিয়ে হয়নি। সুন্দর যুবাটি বলে উঠল—“আরে পঁচিশ বছর পরে যখন চোখে ছানি পড়ে যাবে তখন সুন্দরীতে পথ ছাইলেই বা আমাদের কি !” তখন ব্যাপারটাকে চটপট আগিয়ে আনবার পরামর্শ চলতে লাগল। সেই সুন্দর যুবাটি বললে—“এস এক কাজ করা যাক। রবিবাসুধ ‘আমরা ও তোমরা’ গানটা গেয়ে নগরসঙ্কীর্ণনে বেরিয়ে পড়া যাক ! সুন্দরীদের দ্বারে দ্বারে গিয়ে করুণ আর্তনাদ করে বলা যাক—

‘তোমরা কোথায় আমরা কোথায় আছি,

কোনো স্থলগনে হব নাকি কাছাকাছি !’

মেয়েদের একবার বিদ্রোহী করে’ তুলতে পারলে একদিনে সব অবরোধ ভেঙে চুরমার করে দেওয়া যাবে !” বন্ধু বললে—“বিদ্রোহ করবে মেয়েরা ? পুরুষদেরই বড় স্বাধীনতার আকাঙ্ক্ষা আছে, তা আবার মেয়েদের !”

পুরুষদের চেয়ে মেয়েদের ছোট করে’ দেখার ভাবটা আমার ভালো লাগল না। এর জন্তে আমরাই অনেক-খানি দায়ী। আমরা পুরুষের সমকক্ষ হতে কি চেষ্টা

সদানন্দের বৈরাগ্য

করেছি ? যা আমাদের হক্, তা আমরা দাবী করে আদায়
কবতে কি জানি ? আমরা অবলা, পিঁজরের পাখী !

আমাদের পরে যে-সমস্ত মেয়ে অবরোধের বাইরে
বেরিয়ে স্বাধীন হবে, তাদের অবস্থাটা আমরা অনেক
সহজ ও নিষ্কটক করে দিয়ে যাচ্ছি। কিন্তু কণ্টকবেধের
বেদনা আমাদের সর্ব্বাঙ্গে দারুণ লজ্জার লালিমায় ফুটে
ফুটে উঠছে ! অগ্রদূতের ভাগ্যই এই রকম, দুঃখ করা
বুধা !

আজ তবে আসি ভাই, পত্র বিরাট ও ডাকের সময়
নিকট হয়ে এল। ইতি—

তোমার স্নেহাসক্ত লাবণ্য।

২

ভাই লাবণ্য,

তোমার মজার চিঠি পড়ে' আমি এমন হেসেছি যে
তোমার পিতৃবিয়োগের দুঃখটা অনুভব করবার অবসরই
পাইনি। তুই পুরুষদের যে চিত্র এঁকেছিস সেটা এমন
মজার হয়েছে যে পুরুষগুলোকে না পড়াতে পারলে আমার

সদানন্দের বৈরাগ্য

তৃপ্তি হচ্ছে না। মনে করছি চিঠিখানা নকল করে' প্রবাসীতে পাঠিয়ে দেবো—তোমার বন্ধুর সাহিত্যিক দল দুনিয়ার লোকের নিরিখ পরখ করে' ফেরেন, তাদের নিজেদেরও নিরিখটার পরখ হয়ে যাওয়া ভাল।

তুই অবলা মানুষ, পুরুষের ভিড়ে জীবন-সংগ্রামে লিপ্ত হওয়া কি তোকে সাজে? এক কাজ কর না, তোমার বন্ধুর শরণাপন্ন হ না। তোমারও ভালো লেগেছে তাকে, তারও ভালো লেগেছে তোকে; তোদের বিয়েও এক একটা করতে হবে; তবে না হয় শুভ কার্ঘ্যটা তোরা দুজনেই সেরে নিলি। একটু সাহস করে' আলাপটা করে ক্যাল! বলে' দিচ্ছি দেখে নিস, তোমার বন্ধু মোটেই গররাজী হবে না। কথায় বলে না যে, 'ক্যাঙলা ভাত খাবি?' ক্যাঙলা বলে 'পাতা পাতব কোথায়?' তোমার বন্ধু ত পাতা পাতবার জন্তে প্রস্তুত হয়েই আছে, তুই একবার ভাত খাবে কি না, জিজ্ঞাসা করলেই হয়। এই পত্রের উত্তরে সুখবর শোনবার প্রত্যাশায় রইলুম। ইতি—

তোমার মলিতা।

সদানন্দের বৈরাগ্য

৩

ভাই ললিতা,

তোর উপদেশ পাবার আগেই আমার বন্ধুর সঙ্গে এক-দিন দৈবগতিকে আলাপ হয়ে গেছে। কি ভাই বেহায়া লোক, হি !

একদিন আমি টিকিট-ঘরে বসে আমার সহকর্মী আর-একজন মেয়ের সঙ্গে গল্প করছি, এমন সময় ঘুলঘুলি দিয়ে হাত বাড়িয়ে একটি টাকা দুই আঙুলে ধরে' কে একজন বলে উঠল—“আমায় একখানা দমদমার টিকিট দিন ত।” সেই স্বর শুনে চমকে উঠে যেমন সেই দিকে তাকিয়েছি অমনি দেখি ঘুলঘুলির ভিতর দিয়ে সে-ই উকি মেরে হাসছে। আমাকে ফিরতে দেখেই কিছুমাত্র সঙ্কোচ না করে' অল্প দশজন লোকের সামনেই জিজ্ঞাসা করে বসল—“আপনি কি এখানে কাজ করেন ?” দেখেছ কি রকম দুষ্টবুদ্ধি ! কেবল ইচ্ছে করে' আমাকে অপ্রস্তুতে ফেলা ! দেখছ ত আমি টিকিট-ঘরে রয়েছি, সেখানে কাজ করতে না ত কি নেমস্তন্ন খেতে গেছি ? এ যেন সেই রকম কাষ্ঠ লৌকিকতা—তেলমেথে ঘাটে আছে দেখেও লোকে

সদানন্দের বৈরাগ্য

জিজ্ঞাসা করবে, নাইতে এসেছ ? কিম্বা বাজারে মাছ তরকারী কিনছে দেখেও জিজ্ঞাসা করবে, বাজার করতে এসেছ ? যদি সন্দেহ থাকে, হয় চশমা নেও গিয়ে, নয় বুদ্ধি বাড়াবার জন্তে কবিরাজের ত্রাস্কী ঘৃত খাও গিয়ে, অমন বোকার মতো প্রশ্ন করে' লোক হাসিয়ো না। ও যখন আমায় জিজ্ঞাসা করলে “আপনি এখানে কাজ করেন ?” তখন সত্যি ভাই, লজ্জায় আমার মাথাটা যেন কাটা গেল। আমি এই সামান্য কাজ করি এ ত নিত্য হাজারো পুরুষ দেখে যাচ্ছে, কিন্তু ও দেখলে বলে' আমার অমন লজ্জা হল কেন কি জানি। আমি যে লেখাপড়া জানি, গাইতে ও বাজাতেও পারি, জগৎব্যাপারের হাল নাগাদ খোঁজ রাখি, তাকে এ কথা জানানাবার অবসর ঘটল না ; অবসর ঘটল কিনা তার দেখে যাবার যে আমি ষ্টেসনে যত রাজ্যের রাজ্যলা লোককে টিকিট বেচি ! আমি লজ্জায় জড়সড় হয়ে মুখ লাল করে' শুধু বলতে পারলাম “ই্যা।” এই আমাদের প্রথম কথা কওয়া।

এর পর থেকে ভাই, ওর প্রায়ই দমদমায় যাওয়া দরকার হয়ে উঠল। দমদমায় যাওয়া ত নয়, দমবাজি। টিকিট

সদানন্দের বৈরাগ্য

নিতে এসে কত যে অনাবশ্যক প্রশ্ন করে তার আর ঠিক-ঠিকানা নেই। নাইনটিন ডাউন পেসেঞ্জার কোন্ প্রাটফরমে আসবে, সেভেন আপ্ ক'টার সময় ছাড়বে—ব্যারাক-পুরের রিটার্ন টিকিটের দাম কত, উইক-এণ্ড টিকিটে মঙ্গলবারে ফেরা যায় কি না,—এমনি সব অকেজো প্রশ্ন। এমন গুছিয়ে প্রশ্নটি করে যে এক কথায় উত্তর দেওয়া যায় না, আমায় বকিয়ে বকিয়ে মারে। কিন্তু কি যে বলছি তাই কি ছাই মন দিয়ে শোনে? হাঁ করে আমার মুখের দিকেই তাকিয়ে থাকে। লোকে যে লক্ষ্য করচে সেদিকে লক্ষ্যপও নেই। কি বেহায়া লোক ভাই!

পূজোর ছুটি হয়ে গেছে। আপিস আদালত বন্ধ। কলকাতা ভেঁ-ভেঁ! সবাই ছুটি উপভোগ করছে, আমার কিন্তু নিত্য হাজরি দিতে যেতে হয়। সে লোকটির সঙ্গে আর দেখা হয় না—ট্রায়েও না, দমদমাও যায় না। আপিস না হয় বন্ধ, দমদমা ত বন্ধ নয়, মাঝে মাঝে বেড়াতে যেতে কে মানা করে? পুরুষ মানুষ কিনা, বাইরে বেড়িয়ে বেড়িয়ে এমন অকুচি হয়ে যায় যে ছুটি পেলেই ঘরের কোণ

সদানন্দের বৈরাগ্য

আঁকড়ে পড়ে থাকে। আমরা হলে ছুটির দিনেই বেশী করে বেড়াতে যেতুম।

সেদিন একে ছুটি, তায় রবিবার, তায় দুপুর বেলা। ট্রামে জনমানব নেই। কেবল এক কামরায় দেখি শ্রাম-সুন্দর বসে আছেন। আমাকে দেখেই এক গাল হেসে ফেললে। আচ্ছা, হাসলে কি বলে' ভাই একজন অচেনা মেয়েকে দেখে ?—ওর হাসি দেখে আমিও হাসি সামলাতে পারলুম না। ভারি বদ লোক ও, অমন করে পথে ঘাটে মেয়ে মানুষকে হাসানো কি উচিত ? আমি ভ্যাবা-চ্যাকা খেয়ে সারা গাড়ীটা খালি থাকতেও উঠে পড়লুম ওরই কামরাটাতে। গাড়ীতে উঠে পড়ে' আমার হুঁস হল। ভারি রাগ হল ঐ লোকটার ওপর ! একবারটি আমায় বারণ করতে পারলে না ! আমি না পারি তখন নামতে, আর না পারি বসতে। কটমট করে ওর দিকে চেয়ে দাঁড়িয়ে রইলুম, আর ও কিনা দিব্যি বসে বসে মুচকি মুচকি হাসতে লাগল। এমন সময় ট্রামটা চলতে শুরু করলে, আমি হুমড়ি খেয়ে একেবারে পড়ে গেলুম ঐ লোকটার গায়ে ! ও অমনি থপ করে আমায় ধরে ফেললে।

সদানন্দের বৈরাগ্য

আমি তাড়াতাড়ি ওর সামনেই বসে পড়লুম। ও কিন্তু তখনো আমার হাত ছাড়েনি—হাত ধরেই জিজ্ঞাসা করলে—“আপনার লাগেনি ত?” আমার রাগে গা জলে গেল—আমার লাগুক না-লাগুক তোর অত মাথাব্যথা কেন? আমি সে কথার কোনো উত্তর না দিয়ে বল্লুম, “আপনার গায়ে পড়ে গেছি, মাপ করবেন।” বেহায়াটা বললে কিনা আমার মুখের ওপর “এ সৌভাগ্যের জন্ত আপনার কাছে কৃতজ্ঞ।” রাগের চোটে আমি একেবারে ভুলেই গেলুম যে আমার একখানা হাত বর্ষরটার দু হাতের মধ্যেই রয়ে গেছে। ওর কি আমায় মনে করিয়ে দেওয়া উচিত ছিল না। ও আমায় বলতে লাগল “দেখুন, আপনিও আমাকে অনেক দিন থেকে দেখছেন, আমিও দেখছি, অথচ দুজনের পরিচয় না হওয়াটা কি ভালো? আমি আপনার পরিচয় সংগ্রহ করেছি—আপনার নাম লাবণ্য, নামটি আপনার রূপের উপযুক্ত বটে, রামমণি হলে মোটেই মানাত না। আপনাদের হরিশ পরামাণিকের গলিতে বাড়ী পর্যন্ত আমি দেখে এসেছি; লঙ্কায় দিয়ে আপনার বোন পুষি আর ভাই নকর সঙ্গে বন্ধুত্ব পাতিয়েও ফেলেছি। এখন আমার

সদানন্দের ধৈর্যগা

পরিচয়টা আপনার জানা দরকার।” ওর পরিচয় জানবার জন্তে ত আমার ঘুম হচ্ছে না! আমি কিছু না বলে চুপ করে রইলুম, বকে মরছে বকুক, আমি ত আর শুনতে চাইনে। আমি শুনি আর না-শুনি সে সটান বলেই গেল—“আমার নাম দীনেশ, বাড়ী কাঁসারীপাড়ায়, শালবনি টিষ্টেটের কলকাতার আপিসের ম্যানেজারের কাজ করি, মাইনে পাই মোটে আড়াই শ টাকা। বাড়ীতে আমার আপনার বলতে কেউ নেই; চাকর বামুনের অনুগ্রহে নির্ভর করে কোনো রকমে বেঁচে আছি। আমি খুঁজছিলুম যদি তেমন একজন মনের মতন লোক পাই যে আমার এই অগোছালো জীবনটার একটা বিলি ব্যবস্থা করে দিতে পারে। মাপ করবেন আমার ধুষ্টতা, আপনাকে বলতে কুণ্ঠিত হচ্ছি, আপনি যদি কিছু না মনে করেন তবে দয়া করে আমার গৃহস্থালির ম্যানেজারীটা নিয়ে আমার একটা উপায় করলে আমি বেঁচে যাই।” কথা শুনে পা থেকে মাথা পর্য্যন্ত জলে গেল—আমি কি ওর কাছে চাকরীর উমেদারী করতে গিছলুম যে ও আমায় চাকরী দিতে চায়!

সদানন্দের বৈরাগ্য

আমি মাথা নীচু করে চুপ করে বসে রইলুম, হাঁ কি না কিছুই বলতে পারলুম না।

লোকটা ভাই ভয়ানক নাছোড়বান্দা রকমে ধরে বসেছে, যে, তার একটা বিল্লি ব্যবস্থা আমায় করে' দিতেই হবে। মাও তারি পক্ষে। পুঁষি আর নরুরও খুব তাগাদা দেখছি—নিশ্চয় লজ্জাঘের ঘুঘের খাতিরে! আমি ভাই একেবারে নাচার হয়ে পড়েছি। আমার কিছুমাত্র আগ্রহ আছে মনেও ভেবো না। পাঁচজনের অস্থুরোধে মাহুঘ এমন বিপদেও পড়ে!

পোষা পাখী উড়ে গেলে খাঁচা দেখালেই আবার ফিরে এসে খাঁচায় ঢোকে। সে বুঝতেই পারে না খাঁচার বাইরে স্বাধীনতার আনন্দই ভালো, না খাঁচার মধ্যে নিশ্চিন্ত দানাধানির ব্যবস্থাটাই আরামের। পিঁজরে-ভাঙা পাখীর গতি কি, বল ত ভাই! ইতি—

তোমার লাবণ্য।

শ্রীমতীবনলতা দেবী প্রণীত

Approved as a prize
book for girls in School
& prize & Library

লক্ষ্মীশ্রী

books for Schools
in Bengal,
No 3766 G
2 B 3/84 S 24

১৩৪২ সালে ৫ম সংস্করণ সংশোধিত ও পরিবর্তিত হইয়া প্রকাশিত হইল কিন্তু মূল্য বাড়িল না। পুস্তকখানি অনিন্দ্য-সুন্দর তক্-তকে ঝক্ ঝকে। অত্যন্ত কার্য্যকরী উপহার গ্রন্থ। বাজে বই নয়।

এই পুস্তকখানি প্রত্যেক কুল-মহিলার পক্ষে কিরূপ অত্যাাবশ্যকীয় তাহা সামান্য বিজ্ঞাপনের দ্বারা বুঝানো অসম্ভব! সামান্য অন্ন-রন্ধন হইতে পোলাও, কালিয়া, মাংস, পিষ্টক, সন্দেশ, মিঠাই প্রভৃতি প্রস্তুত-প্রণালী আধুনিক ধরণে বর্তমান সময়োপযোগী করিয়া খুব সহজ ভাবে লিখিত ও সন্নিবেশিত হইয়াছে। এ পর্য্যন্ত যত প্রকার দেশী ও বিলাতী রন্ধন প্রচলিত হইয়াছে তাহার প্রয়োজনীয় সমস্তই ইহাতে সহজ ভাষায় বিশদরূপে লিখিত হইয়াছে। তন্মধ্যে কতকগুলির নাম নিম্নে প্রদত্ত হইল, তাহা ইহাতেই পাঠক কতকটা বুঝিতে পারিবেন!

সহজ অন্ন-রন্ধন-প্রণালী, ঘৃত অন্ন, হলুদে ভাত, মিষ্ট-অন্ন, খিচুড়ী প্রস্তুতকরণ, ভুনি, খিচুড়ী, ভাজা ভাত, শাকের ঘণ্ট মোচার ঘণ্ট কড়াইশুটীর ঘণ্ট, শুভা, মুগের ডাউল প্রস্তুত প্রণালী, ওলের ডাল্লা, ইচড় বা কাঁটালের ডাল্লা, কাঁটালের চপ ও কার্টলেট, নিমের ঝোল, কাঁচা পেরের ডাল্লা, বাঁশের কোড়ার ডাল্লা, বাঁধাকপির ডাল্লা, ছানারডাল্লা, ফুলকপির ডাল্লা, করোলার দোলমা, পটলের দোলমা, কড়াইশুটীর ডাল্লা, বাঁধাকপি ও ছুধের পায়স ও বাবড়ি, ওলভাজা, নিরামিষ অন্ন, খেজুর রসের অন্ন, নলেন গুড় ও বাতানার পায়স, মংস্ত ও মাংস রন্ধন-প্রণালী, মাছের বড়া, মুড়ীর ঘণ্ট, মাছের ঘণ্ট, বাঁধাকপির সহিত কৈমাছের ভরকারি, কুই মাছের প্রলেহ মাছের ঝোল ও মাছের ভর্তা, ওলকপির সহিত চিড়ি মাছের প্রলেহ বাঁধাকপির সহিত কৈমাছের ব্যঞ্জন, নানাপ্রকারের মাছ পোড়া ও ভাতে

মাছ সিদ্ধ ; দৈ মাছ, কুমড়ার নানাবিধ পায়স, কাঁচা (অপক্ক) কলার রুটি, মানের রুটি ও পায়স, চিংড়িমাছের কাটলেট চিংড়ীমাছ পোড়া, ইলিশমাছ ভাতে ও সিদ্ধ, মাছের কোপ্তা, মাছের দম নিরামিষ পোলাও, ছানার দধি পলায়, পোলাও, আনারসের পোলাও, ফুলকপির পোলাও, মাছের পোলাও, মাংসের পোলাও, চিতলমাছের কোপ্তা, মাছের পুরী, মাছের ঝুরিভাজা, গলদাচিংড়ির রসবড়া, চিংড়িমাছের সহিত বুটের ডাল, তেল ঝোল, ছেঁচড়া, ডিমের প্রলেহ, ডিমের মলিদা, ডিমের মোহনভোগ, ডিমামৃত, ডিমের কাটলেট, ডিমের বড়া, ডিমের পুরী ও ডিমের মধুরান্ন, মাংস প্রকরণ, পাঁটার কারি বা ঝোল, মাংসের ভর্তা, মাংসের কোপ্তা ও মাংসের অন্ন, মাংসের কাটলেট ও চপ, মাংসের রোস্ট, মাংসের গেরেল, আনারসের চাটনি, আলুর চাটনি, পুদিনা শাকের চাটনি, আলুবথুরার চাটনি, পায়স, ফুলকো লুচি, খাস্তার লুচি, ও কচুরি, বড় কচুরি ও সিঙ্গেড়া প্রস্তুতপ্রণালী, পাঁপের ভাজিবার প্রণালী, ও ঝালবড়া প্রস্তুত, নিম্বকি, পাটনাই নিম্বকি গজা ও বালুসাই প্রস্তুতপ্রণালী, বঁদে ও মিঠাই প্রস্তুত, মিহিদানা, জিলাপী, অমৃতি, ছানাবড়া, ছানার মালপোয়া ও রসমাধুরী প্রস্তুত প্রণালী, নিখুঁতি করণ, খাজা প্রস্তুত-প্রণালী, মুগের বরফি, গোলাপী চন্দ্রপুলী, মাড়োয়ারী হালুয়া, কমলালেবুর বরফি, ক্ষীরের গুজিয়া, ক্ষীরের বরফি, গোলাপী চম্‌চম্, ক্ষীরের আপেল ক্ষীরের লুচি, চন্দ্রমাছ, চন্দ্রানন, খৈচুর, সরপুরিয়া, রসবড়া, রসগোল্লা ক্ষীরমোহন, লেডিক্যানি, চম্‌চম্ প্রস্তুতপ্রণালী, ক্ষীরের মনোরঞ্জন, ক্ষীরের ছাঁচ, তাল ক্ষীর, বরফি, গোলাপী রসগোল্লা, পাকা আমের বঁদে ও কুমড়ার ঘেঁঠাই, সীতাভোগ, ছানার মুড়কি ও ছানার পায়স ছানার মালপোয়া, কিস্মিসের মোহন ভোগ, রাবড়ী, খাসা মোণ্ডা, ও কস্তুরো সন্দেশ, নূতন গুড়ের সন্দেশ, তালশাঁস সন্দেশ, আম সন্দেশ, সর চুর্ণ, ক্ষীরের পানভুয়া, পেস্তার বরফি, খেজুর রসের পায়স ও বঁদের পায়স, মানকচুর রুটি ও পায়স, চিড়ার পিঠা, ভাজা মুগের বরফি ও পিঠা, গোকুল পিঠা এবং কলার পিঠা, গোপালভোগ পিঠা, পরিশিষ্ট মোরঝা, নানাবিধ জেম জেলী, চাটনী, সাণ্ড এয়ারোট ও মানমণ্ড, খৈ ও যবের মণ্ড ও স্নজির রুটি, মাংসের জুস, কুলের আচার ও বেগুনের আচার, তেঁতুল, কুল, আমড়া, লেবু আদা প্রভৃতির আচার ইত্যাদি ইত্যাদি।

পাক-প্রণালী বহু আছে— তবে “লক্ষ্মীশ্রী” কিনিবেন কেন ?

কারণ—

—ইহাতে ত সর্বপ্রকার রন্ধন ও জলখাবার তৈয়ারী শিক্ষা আছেই, তদ্ব্যতীত ইহাতে কোন মাসে কি কি আনাজ তরকারী রোপণ করিতে হয়, সর্বপ্রকার ফল ও চারা রোপণ প্রণালী, সার দেওয়া, পরিচর্যা প্রভৃতি চাষের বিস্তারিত বিবরণ, রোগীচর্যা, রোগীর পথ্য তৈয়ারী, গৃহকার্য্য গৃহ-শুষ্কলা, পত্র লিখন-প্রণালী, ধোপার হিসাব, জমা খরচ প্রভৃতি, সাংসারিক খুটিনাটি বিষয়, সময়ের সদ্ব্যবহার শিক্ষা, পিতামাতা, একান্নবর্তী পরিবার, স্বশুর-শাশুড়ী, গুরুজন, আত্মীয়-স্বজন দাসদাসী প্রভৃতির সহিত কর্তব্য ও ব্যবহার, ডিপথিরিয়া, হাম, পাচড়া, ক্রমি, দাঁত উঠা, সর্দি কাশি, আমাশা, শিশুপালন, রোগীর সেবা ইত্যাদি এত অধিক শিক্ষণীয় বিষয় কুললক্ষ্মীদিগের জন্য আর কোনও বাংলা পুস্তকে লিখিত হয় নাই। একখানি লক্ষ্মীশ্রী থাকিলে সংসার লক্ষ্মীশ্রীতে ভরিয়্যা উঠিবে। প্রত্যেক বধূকে প্রকৃত গৃহিণীতে পরিণত করিবে। যে কোন বইর দোকানে বসিয়া এই শ্রেণীর অগ্ৰাণ্য পুস্তকের সহিত দেখিয়া সূচীপত্র মিলাইয়া তুলনা ও গুণ বিচার করিয়া কিনিলে অর্থব্যয় সার্থক হইবে।

মেয়েদের উপহার দিতে—

৬পূজার বাজারে—বিবাহের উপহারে “লক্ষ্মীশ্রী” অপেক্ষা

শ্রেষ্ঠ পুস্তক আর নাই

ইহার কাছে বাজে উপহাস কিছুই নহে

ছাপা—কাগজ—বাঁধা—প্রথম শ্রেণীর

স্ববহু পুস্তক মূল্য ২৮ ছই টাকা মাত্র

শ্রীমুস্ত শ্রীপতিমোহন ঘোষ প্রণীত

অভিসার

পুস্তকখানির নামেই গুপ্ত কথা ব্যক্ত করিয়া দিতেছে। রাত্রি কালে পা টিপে টিপে অভিসারিকা নারীর গোপন-কাহিনী পাঠ করুন। কচি বাগীশ-দের অপাঠ্য। মূল্য ১।০ সিকা।

প্রাণনাথ মল্লিক ও ব্রাহ্ম-সমাজ

শ্রীমতী বনলতা দেবী তদীয় দাদাশ্বশুরের এই জীবনচরিতখানি লিখিয়া দেশের প্রভূত উপকার করিয়াছেন। ইহাতে প্রায় ১০০ বৎসরের পূর্বকার ব্রাহ্ম-সমাজের ও ব্রাহ্মদিগের বহু অবশ্য জ্ঞাতব্য ঘটনা লিপিবদ্ধ করিয়াছেন যাহা ৫০ বছর পূর্বে লিপিবদ্ধ হওয়া দরকার ছিল কিম্বা আর কিছুকাল পরে সংগ্রহ করা সম্পূর্ণই অসম্ভব হয়ত হইয়া পড়িত। “প্রাণনাথ মল্লিকের চেষ্টা যত্ন ও উদ্যোগে ইহার জ্ঞাতি ও স্বজন মিলিয়া প্রায় ১০০ ঘর বাগজীচড়া নিবাসী ব্রাহ্মণ, পবিত্র ব্রাহ্মধর্ম গ্রহণ করেন।” তদ্বার। ব্রাহ্মসমাজের যে মহান উপকার ও পুষ্টিসাধন হইয়াছে তাহা অস্বীকার করিবার উপায় নাই। পূর্বে ব্রাহ্ম-সমাজে উপনয়ন সংস্কার ও জাতিভেদ প্রথা বর্তমান ছিল। ৬ প্রাণনাথ মল্লিকই ব্রাহ্মদিগের উপনীত ত্যাগের ও বৈবাহিক বসিয়া অব্রাহ্মণের পক্ষে আচার্যের কার্য্য করার অধিকার সম্বন্ধে ব্রাহ্মসমাজে আলোচন ও বিপ্লব আনয়ন করেন। স্ত্রীস্বাধীনতা ও ব্রাহ্ম-সমাজের উপাসনায় যোগদান এবং প্রকাজ্ঞা চলাকেরা তাঁর বাটীর মেয়েরাট সর্বপ্রথম করেন। স্ত্রী-স্বাধীনতাব পথপ্রদর্শক তিনিই। প্রবর্তকে এ সম্বন্ধে শ্রীযুক্ত বিপিনচন্দ্র পাল কইমবর্ষ ২য় সংখ্যা ১১০ পৃষ্ঠা ও ৪র্থ সংখ্যা ২২৬ পৃষ্ঠায় লিখিতেছেন :—‘বাগজীচড়া হইতেই ব্রাহ্মসমাজে প্রথম স্বাধীনতার সংগ্রামের সূত্রপাত হয়। * * * প্রাণনাথ মল্লিক একজন অগ্রণী ব্রাহ্ম ছিলেন। তিনি কহিলেন ‘উপনীত রাখা কপটতার চিহ্ন ও মহাপাপ * * * কলিকাতা ব্রাহ্ম সমাজের উপাচার্য্য বেদান্তবাগীশ মহাশয় ও বেচারাম বাবু উপনীত পরিত্যাগ না করিয়া বৈবাহিক কার্য্য কেনে কেন?’ * * * কথাটা গোঁস্বামী মহাশয়ে ধর্মবুদ্ধিতে ঘাইয়া আঘাত করিল। তিনি মনে মনে স্থির করিলেন যদি ব্রাহ্মসমাজের এই ক্রাণ্টি, সংশোধিত না হয়, তাহা হইলে যে সমাজ অসমাজের প্রশ্ন দেয় তাহার সহিত যোগ দিব না।’ ইহার পরই বিজয়কৃষ্ণ গোঁস্বামী মহাশয় উপনীত ত্যাগ করিলেন। উপনীতধারী আচার্য্যের ব্রাহ্মসমাজের বৈদী হইতে ব্রাহ্মোপনয়না বা ধর্মোপদেশ দেওয়া কর্তব্য নহে অমনি তিনি ব্রাহ্ম সমাজের সম্পাদক মহাশয়কে এই কথা লিখিয়া জানাইলেন। ব্রাহ্মানন্দ কেশবচন্দ্র স্থান কলিকাতা ব্রাহ্মসমাজের সম্পাদক ছিলেন। এই প্রতিবাদ পত্রে গোঁসাই কেশবচন্দ্রকে ইহাও জানাইলেন যে, যদি কলিকাতা ব্রাহ্ম-সমাজের উপাচার্য্যগণ উপনীতধারী হন, তবে আমি অসত্যের আলয় বলিয়া সমাজকে পরিত্যাগ করিব।’ কেশবচন্দ্র গোঁস্বামী মহাশয়ের প্রতিবাদ পত্র মহর্ষি দেবেন্দ্রনাথকে দিলেন। মহর্ষি গোঁস্বামী মহাশয়ের মতের অনুমোদন করিয়া * * * গোঁস্বামী মহাশয় এবং অন্তদ্বাপ্রসাদ চট্টোপাধ্যায় মহাশয় ব্রাহ্মসমাজের উপাচার্য্য মনোনীত হইলে সমাজের আচার্য্যগণের পক্ষে উপনীত ধারণ নিষিদ্ধ হইল।’ (বিজয়কৃষ্ণ গোঁস্বামীর জীবনী, মহর্ষি দেবেন্দ্রনাথের জীবনী, সমগুরুসঙ্গ, বিজয় কথাসুত প্রভৃতি গ্রন্থে)

এই বহিতে সেকালের বহু ঘটনার সঙ্গে প্রবীণ লেখক লেখিকাদের লিখিত অনেক লেখা যোগ করা হইয়াছে, যেমন :—প্রাণনাথ মল্লিকের পুত্র রজনীকান্ত মল্লিক সম্বন্ধে

